


ВИТАЛИЙ
КУРАТОВ

КӨЙН КӨТҮҮР





Виталий КУРАТОВ

КОИИ КОТЫР

Небӧг лэдзанін В.А.КЛЕЙМАН

ВИСЬТЬЯС



Сыктывкар
Коми небӧг лэдзанін
2003

84 (2Рос.Коми)
К 93

Небөгсө серпасалис В.А.КЛЕЙМАН

Куратов В.К.

К 93 Кӱин котыр: Висьтьяс.— Сыктывкар: Коми небӧг лэдзанін, 2003.— 112 л.б.

ISBN 5-7555-0767-8

«Кӱин котыр» — тадзи шусьӧ Виталий Куратовлӧн медводдза небӧг. Сёрниыс тані мунӧ ёнджыкасӧ ӧнія дзуг кад йылысь, кор шань да уджач войтыр водзсасьӧны олӧмын лёклунлы паныд, эрдӧдӧны гусясьысьясӧ, оланпассӧ торкалысьясӧ... Но оз жӧ овлы том йӧз костын и любовтӧгыс.

Эмӧсь выль небӧгын и серамбана висьтьяс, кӧні гижысьыс жалиттӧг чушкӧ кодалысьясӧ, олӧм гудыртысьясӧ.

84 (2Рос.Коми)

ISBN 5-7555-0767-8

© Куратов В.К., 2003

© Клейман В.А., оформление, 2003

© Коми книжное издательство, 2003



КӨИН КОТЫР

ВИСЬТ

Армиясы локтөм бөрас Рөман коймөд төлысь олө вежань ордас, карын. Аслас сиктө эз кольччы. Совхозыс дзикөдз киссьөма, да сытөг нин уна пөрнөй мужик нем вөчтөг шландайтөны уличті кияссө зептас суйөмөн, кыйөдөны кодлыськө чукөстөм, мед казачитыштны вина румка вылө.

Рөманлы дыр ковмис казенной керкаясысь порөгьяссө вожмавлыны, корсьны шопералан удж. Коркө сэсся Енмыс отсаліс жө медасыны вузасян кооперативө, көні директораліс лунвылысь локтөм морт, Мамедов. Сылөн ки улын вөлі куим ыджыд лавка да ресторан.

Рөманлы сетісны грузөвөй машина — фургон. Кузовсө жөчөн эжөма, бокьясас ичөтик өшиньяс, мышкас өтарө-мөдарө воссян өдзөсьяс, кабинаас шоперысь өтдор нөшта на кык морт төрөны.

Том мортлы уджыс кажитчис, мынтысисны ас кадө дай нажөтканас эз өбөдитны. Машинаыс вөлі выль, эз ковмы ноксыны ремонтөн. Мөд төлысь нин нуалө-вайлө лавкаясө төвар, ресторанө — прөдукта.

Рөман ичөтсянь быдмис кыв-вораөн, йөз дінө сибалысьөн, тані уджалігас аслас шмонь сёрни-баснинас удитіс төдмасыны лавкаясын вузасысь том нывьяскөд. Медся нин сьөлөм вылас воис Оля нима ныв, коді чужөмнас вөлі сылысь Анжелика Варум кодь.

Армияө мунтөдзыс Рөманлы вөлі веськодьөсь ас грездса нывьясыс: некодкөд эз дружит, эз колльөдчы, а өні мыйкө сьөлөмас вөрзис, окота вөлі быд рыт нывсө колльөдны, но вевьяліс сөмын некымынысь на. Окыштны медводдза рытьяссиянь эз тэрмась, эз көсьы лоны вежавидзтөмөн. Зон гөгөрвоис: нылыс абу ышнясьысь, оз вывтіась, но и оз вылө пуксы и сэки жө төдө асьыс дон. Бур невеста, позьө шуны.

Өтчид тадзи колльөдчигөн Оля горт дорас кутыштіліс зонмөс, сюся видзөдліс лөз синьясас да майшасьөмөн шуис:

— Зра медасин миянын уджавны, директорыс воливлө лавкаө да,

мем чайтсьö, пöръяссьысь, кывъяснас пышъялысь морт, ем пысöд, кыз шуласны, петас. Мем сийö оз кажитчы.

— Но? Мекöд тай зэв шаня сёрнитö, паныдасигьясö киасьö и,— эз гөгөрво нывлысь майшасьöмсö том морт, ачыс кутыштіс нылös пельпомöдыс, малыштіс шабді кудель кодь юрсиöдыс, видзöдліс сьöд синкым улас дзесбьыштöм мича югыдлöz синьясас.— Ме ог гусясь, ог пöръясь, вöча, мый тшöктасны, муна, кытчö мөдöдас. Немöстыныс менö, чайта, помкаыс абу.

— Мед эськö тэнад кывъясыд воисны Ен пельöдз,— шуыштіс, гортас пыригөн, ныв.

Тайö сёрни бöрас вежон эз коль, Рöманöс чукöстісны директор дорö. Кооперативөн юралысь пукаліс вижовгöрд лакөн мавтöм пызан сайын, сьöд гöна сой вылас еджыд дөрöм сосьяссö пуджöма, листалö уна серпасьяса кутшöмкö журнал. Пырысь вылö кымöс пырыс чөвтліс сьöд синьяссö. Нюмъевтігас кыз парьясыс калькалісны, сьöд ус пырыс дзирдыштісны кык зарни пинь. Пырыськөд видазасьöм бöрын кывьяссö торйöдлөмөн кыз гөлөсөн висьталіс:

— Москваö тэд ковмас ветлыны... Договор кырымалöма... Быд квартал төвар ваямö... Он öтнад мун, тэнö видзысь лöö, телохраниль пьдди... Пистолетыс абу, но кулакьяснас, ковмас кө, көть кодлысь юрсö поткөдас, тiян вылö кө уськөдчасны.

Москва-столицаö директор тшöктіс петны локтан асывнас. Рытсьянь машинасö дасьтыны кузь туйö, босьтны колана документьяс, сьöм...

Гожöм шөр. Туйö петан асылыс вöлі шондіа, лөнь, весиг пуяс вылын веж корьяс эз кышакивны.

Контора дорас машинаөн Рöман локтіс уджалан лун пуксьытöдзыс на да ковмис на виччыштны телохранильсьö.

— Менö шуöны Жораөн,— кисö мыччис локтысь морт.— Директор тэныд төварыш вылö мөдөдö. Ог на дзик пыр мөдөдчöй. Öти мортöс, менсьым төдсаös, виччысьлам. Москваö муно гөститны... Босьтан öд?

— Кабинаас тай төрам...— вочавидзис шопер да видзөдласнас көсйис төдмавны туй выв ёртсö. «Ветлөм-муно, унатор аддзылөм морт»,— пасйис ас кежлас.

Коймөд мунысьыс ныв вөлöма. Лёзыгысьöм гөрд юрсиа, гоҗся ковтаа, пидзöсьясысьыс вылынджык вижовруд юбкаа, ёсь пельпомьяс вылас тоньгөдöма сумкатор. Вом дорьяссö вир гөрдөдз краситöма, пельясас öшалöны югьялысь исергаяс. Киас кокныдик плащ — петöма быттьö недыр кежлö гуляйтны.

— Клара,— висьтасис ныв.— Ме тэрмасьöмөн петі да пажынсö эг босьт, туй вылас öд сувтламö нурьясьны?

— Сувтлам, дай ог öтчыдысь,— такөдіс нылös шопер.

Абьячöй локтісны лун шөрөдз на, сёйисны-юисны сэні. Жора кык водка доз лавкаысь ньöбöма. Ужинөдз шуисны воөдчыны Кировö, сэні көсйисны шойччыштны да бара водзö, но төварла мунысьяс Киров карö эз и сувтлыны, а бокиджык уличаясöд веськөдчисны Улыс Новгородланы, а сэсся, кор нин пемдіс, вöлись узьмөдчисны кутшöмкö сикт дорö.

Тайо компаньюас Жора лыддис асьо кӧзяин пыдди да водка штоп восьтӧм бӧрын шуис:

— Тӧдмасьом ради да за любовь и дружбу,— кисьтис дозсьыс стӧкан тыр, мыччис Рӧманлы, но шопер ӧткажитчис:

— Аски дук мӧдас кывны.

Нывлы эз ковмы тшӧктӧм — дунькнитис-юис стӧкан пыдӧсӧдзыс да сьӧд нянь мӧдис няклявны. Жора лолыштытӧг стӧкансьыс вокас пӧрӧдис, папирос ӧзтис да тшынсӧ пуркийгмоз ныр улас буркнитис:

— Куимӧннад кабинаас дзескыд лоӧ, ми Кларакод водам кузовӧ.

— Сэни вольӧсыс абу,— тӧждысьӧмӧнкодь артмис Рӧманлӧн.

— Эн шогсьы, ме матрацшой кузолад шыбитли,— серӧктис Жора.— Эшкыныс зськӧ абу, но чайта, кыкӧннад ог кынмӧ: ныла-зонма костын пӧ самӧвар пузьӧ.

Клара татшӧм кывберитӧм вылас сӧмын серӧктис.

Шопер кылис туй выв ӧртъясылысь фургон ӧдзӧсӧн крапнитӧмсӧ, а сэсся гораа гизьӧм-сералӧм. Мед на йылысь не думайтны, зон кусӧдис кабинаысь бисӧ, нюжӧдчис небыд пуклӧс вылӧ. Унсӧ пальӧдисны горт йывсьыс мӧвпяс.

«Гортын бать-мам сьӧмнас дзескыда олӧны. Чойлы колӧ отсавны: детсадсӧ тупкисны, воспитатель уджыс грездын эз ло. Тшӧкыдджыка кӧ Мамедов татшӧм кузь туя командировкаас кутас мӧдӧдлыны, гашкӧ, и удждон содтыштас. Гӧтыртӧм на да, поэьӧ и унджык деньга гортӧ мӧдӧдыштавны. Вежань, пӧрысь морт, патераа, пенсия — тыр бура ас шӧрӧн олысь морт, а меным, ӧткӧннад, уна сьӧм оз ков... Ме вылӧ вежань весиг патерасӧ кӧсийӧ гижӧдны. Сэки поэьӧ и гӧтрасьны. Оля, мем кажитчӧ, зэв прамӧй ныв, сӧглас кӧ, быттьӧ, сетас ме сайӧ петны? Вежань, дерт, паньид оз сувт... Куимнад, ӧти кывийӧ воӧдчӧмӧн олӧмӧн, бура кутам тӧрны-лӧсявны...»

Кабинаын том морт час-мӧд узыштис, садьмис да петалис ывлаӧ, гӧгӧр видзӧдлис машинасӧ, пырис да бӧр на водлис, но узыны эз нин вермы. Вӧр эжтассянь шондӧлӧн мича гӧрд кыаыс юзьӧдис нин асыывыв енэжсӧ, зарни югӧрӧн пӧртмасис. Ъвла выв ӧна югдӧма, колӧ мунны водзӧ.

Рӧман петис кабинасьыс, чукӧстис Жораӧс. Эз кӧсийы восьтыны фургон ӧдзӧссӧ да мӧдысь на чукӧстис, но пытшкас некод эз шыась да вӧлись восьтис.

— Ёк-марьёк!— сӧмын и артмис Рӧманлӧн шуӧм, кор аддзис кузолысь топыда кутчысьӧмӧн джынвийӧ пасьтӧм узысьсясӧс. Нылыс пӧрчӧма юбка-ковтасӧ, а Жора сӧмын плавкиа. Дӧрӧм-майкаыс ӧдзӧс дорас туплясьӧны. Сэни жӧ сулалӧ тыртӧм водка доз, стӧкан; гӧгӧр шыблалӧма чигарка помьяс.

— Жора!— бара чукӧстис шопер.— Вай чеччы! Мӧдӧдчам, туйнымӧс кутан индавны...

Куим-ӧ-нӧлысь чукӧстӧм бӧрын Жора вӧлись восьтис гудырмӧм синьяссӧ, недыр барьялыштӧм бӧрын чирӧм гӧлӧсӧн юалис:

— Кӧнӧсь ми? Этайӧ пасьтӧм бабаыс, мекӧд узысьсьыс, кодӧ?

— Тэнсьыд колё юавны, мыйла ті пасьтёмось?— серамсё кутігмоз вочавидзис Рёман.

Сэсса Жора вежортіс лоёмторсё да зэв азыма мёдіс гёрдлыны, тірзян киясён пасьтасьны. Мёдліс садьмёдны войся пёдругасё, но пасьтём ныв сёмын өвтчис кияснас, корис не вёрёдны. Жора сэсса узьёмён и коліс Кларасё, сёмын водтёдіс вольпась шёрас да плащ-нас шебрёдіс.

— Палялас, унмыс веськалас да чеччас, томан сайсьыс оз вош...

Улыс Новгородё локтігчёж Жора зуньяліс-вуграліс кабинаын, пёкмелля вылас весиг эз куритчыссьы. Тывыйё сійё садьмис сёмын сэки, кор машинаыс сувтіс: мунысьясёс еджыд-сьёд сера бедьён паныдаліс ГАИ.

Сержант погоньяса милиционер чесьт сетіс, висьталіс ассьыс овсё да корис шоперлысь петкёдлыны туй выв документьяс. Видзёдлём бёрас стрёга шуис:

— Кочанов ёрт, торкалад туй вывті ветлан правилёяс. Неылё кольём пёв вылас вёлі индёд — 60 километрысь мунны не чожджыка, а ті төвзинныд 80-ён. Ковмас штрап мынтыны... Мый кузовад? Восьтлөй ёдзёссё.

Туйвывса патруль тшөктё да быть ковмис фургон ёдзёс восьтылыны. Клара кузовын пыр на узис, абу на вина жарыс петёма. Шебрасыс вывсьыс вешйёма, восьтёма нывлысь став яндысянторсё.

— Тайё коді?— юаліс сержант пасьтём мортёс аддзём бёрын.

— Нывбаба,— вочавидзис шопер.

— Аддза, мый нывбаба, абу синтём, тайё мортыс ловья али шой?— туйвывса стражлөн гөлёсыс мёдіс чорзыны.

— Ёнтай вёлі ловья, а ёні ог тёд?

— Эн ётарё-мёдарёась, веськыда висьтав!

— Ме чайта — ловья... Миянкёд Москваё жё мунё...

— Ловья кё, мыйла эз и вёрзьёдчыв и мыйла пасьтём?— водзё стрёга юасис туйвывса патруль.

— Ассьыс колё юавны,— быттьё дорйысис Рёман.

— Юалам...

— Мыйла нылыс пасьтём, ме висьтала,— матыстчис милиционер дорё Жора.— Кабинаас пукалёмысь Клара мудзёма да узыны вёзйысис кузовё, а сэтчө кайтёдз корис водка юыштны, вот и пёсялёма, тыдалё, да пёрччысьёма.

— Тэ, гражданин, менё йёйён чайтан?— вомаліс сёрнитысьёс сержант.— Асьныд юктёдід, сэсса и мыйкөкерид? Ноко, вай садьмёдө.

Жора каттьысис кузовё, мёдіс летны нылёс киёдыс. Клара восьтіс синьяссё, аддзис ёдзёс дорын сулалысь мужичёйясёс да горёдіс: «Ой, мамой!», сэсса кватитіс, мый ки улас веськалі, тупкис морёссё да зывёка шуис:

— Мый ме вылө дзоргад, эн аддзылө пасьтём нывбабасё?

Мужичёйяс ёдзёс дорысь вешйисны, а милиционер шуис:

— Гражданка, пасьтасьёй, лэччөй муас да петкёдлөй паспортнытё...

А зтайёяс тіянкөд нинём лекторсё эз вёчны?

— Менам паспортис абу, гортö вунöма, — кузовсянь вочавидзис ныв. — А этайöясыс — менам туй выв ёртъяс.

— Абу кө документ, ковмас мекöд мунны отделö, тöдмалам кутшöм тэ лэбач, — мыйлакö пистолет кобурасö лöсьöдыштіс гаишник, тыдалö, көсийс петкөдлыны: ковмас кө пö, мырдөн нуöдам.

Но сэки кузовсянь чеччыштіс Жора, матыстчис погона морт дорö, мөдіс кевмысьны.

— Сержант ёрт, дорогой, нылыс рөдня меным, окотитіс миянкöд Москваö ветлыны, но ныв вежөрнад паспортсö вунöдöма. Пöжалуйста, энö босьтö мортсö, сійö нинöм лөксö эз вöч, — сэссия Жора перийс зепсьыс куим-ö-нель ветымына, суйис мөдыслы зептас.

— Ладнö! — сөглас сетіс милиционер, но сьöмсö эз бергөд. — Ог мөд штрафуйтны, но чырышта: мөдысь туй вывті ветлан правилö эн торкалö! — сэссия сетіс чесьт да муніс аслас машина дорас.

Кызди и быд нывбаба, кор найöс мыйöнкö дөзмөдöны, Клара сідз жö кабинаас броткөдчис, пиняліс гаишникöс вывтіасьöмысь, но сэк жö эз вунöд Жораöс аттьöавны мездöмысь.

Медым бара не веськавны гаишникъяс киö, Улыс Новгородö пыравтөг, кытшовтөмөн, шуисны мунны водзö, Сыктывкарысь ичөтджык Вязники карөдз. Рөман сэтчö кольччис машина заправитны, а ёртъясыс, регыдик кежлö пö, мунісны карас сөян-юан ньöбны. Мунісны и вошины. Час, мөд дай коймөд ковмис виччысьны налысь локтөмсö. Терпеньöыс зонлөн кутіс бырны нин. Коркө и локтісны, кыкнанныс бара гажаöсь. Карö ветлігас Клара нöшта и деньга көшельсö воштöма. Сідз тай шуис-а.

Москваö локтөдз туйвивса патрульяс нöшта на пөв-мөдысь сувтөдлісны, нарoшнö шопер дорö сирасьлісны да калым сетөм бöрын вöлисти водзö мунны лэдзлісны. Столицаö локтісны сёр рытнас нин. Төвар лэдзысь база вöлі пöдса. Рөманлы мунны некытчö да войсö кабинаас колляліс. Клара муніс Жоракөд рөдняясас, көсийлісны воны асывнас, но кывъясыс вожалісны: эз локны. Рөманлы ковмис өтнаслы төварсö сөвтны, документъяс ас вылас гижны. Сыктывкарö мөдөдісны дубитөм пасьяс, кынь куысь воротникъяс, анча куысь шапкаяс, шонид сапожкияс, вурун ковтаяс, сэтшөм жö рейтузъяс, уна мукөд новланторъяс.

Обедөдз Рөман ставсö вевъяліс вöчны: и сөвтчыны, и лавкаысь кок шонтан электросапөг вежаньыслы ньöбны, и Олялы зэв мича исерга, и нурьясьны, а ёртъясыс век на эз вöвны. Мый вöчны? Кольны телохранительсö эз көсий да ковмис вошөм туй ёртсö бара виччысьны. Рытьявылыс Жора локтіс «Вольво» легкөвöй машинаөн кык төдтөм мужиккөд.

— Прөстит, друг, — мыжа морт моз кайтыштіс Жора, — мисьтөмтор артмис. Тöрыт ресторанын тышкасьсöма, пöсудасö жуглысьсöма и, вот, талун корöны мынтысьны, а сьöмöй абу. Вай удждыв, гортö локтам да пырысь-пыр сета.

— Гөснечьяс гортсаяслы ньöби да сьöмыс зэв этша коли, — збыльысь висьталіс Рөман.

— Ог кө сьомсö аддзы, менö оз лэдзны тайö господиньясыс,— индiс кинас мужичöйяс вылö пикö воом морт.

— Кытысь ме аддза деньгасö? Öд тöдсаяс тани абуöсь, гашкö, Кларайдлөн рöдняыс отсалас?— майшöдлiс лоөмторыс и шоперлысь сьölөмсö.

— Клараöс босьтiсны заложникö,— Жоралөн чужöмыс коньöр кодь, жальыд петö, чигарка бöрся чигарка сöмын и пестö.

— Рад отсавны, но ог тöд кызди?— шевкнитiс кияснас Рöман.

— Кöсьян кө, быттьö, отсавны, вай кык дублөнка пась, тайöяслы сетам, мед сэсся ме дорö оз сирасьны. Гортын сьöмыс эм, воам да пыр и мынтыся,— кевмысьны пондiс Жора.

— Пасьясыс вывтi донаöсь,— чуймöдiс ёртыслөн корöмыс.

— Тайöяс зэв жö ыджыд дон корöны,— бара индiс бокин сулалысь мужичöйяс вылö дублөнка пась корысь.— А суд пыр кө — ой-ой-ой!

— Ог тöд, мый и вöчны. Абу öд аслам... Мый шуас Мамедов?

— Мый шуас? Мынтыся öд... Артмö: пасьяссö ньöба...

— Но, сiдзтö кө, кык пась инö сетам,— шопер восьтiс фургон öдзöс, пыралiс пыткас да ящикысь перйис корöмторсö, мыччис Жоралы.

Кыкнан мужичöйяс, накöд тшöтш и Жора, бöр мунiсны легкөвöйнас. Кор бöрсö локтас, колльöдысьыс нинөм эз куж висьтавны. Лэдзасны пö да, пыр и воа. Но Жора эз лок да Рöманлы мöд вой ковмис узьны öтнаслы. Сiйö куйлiс кабинаын, видзöдiс пемыдруд енэжö, сэни дзирдалысь лыдтöм-тшöттöм ззысь чутьяс кодь кодзувьяс вылö. Сэсся корсис ыджыд көш, сы бöрын ичöt көшлысь мыгöрсö, чöвтiс синьяссö вороп помас — аддзис Юрийв кодзув. Шуöны югыд да дзирыд пö сiйö. Войвылын, гашкö, и югыд, а Москвасянь зэв чусыдөн тыдалö. Коркö и чарла кодь тöлысь мыччысис, но сылөн выныс эзджык тырмы му вывсö лючки югзьöдны, да та вöсна гөгөр кажитчис ёна рöмыдөн.

Том морт куйлiс, а мөвпьясыс гартчисны Жора гөгөр: кодi сiйö, кытысь, мыйла öнөдз некор на удж вывсьыс эз аддзыв? Сэсся мыйла кокныд руөн кутö асьсö, лыддьысьсö кө видзысь пыдди? Кымын юалөм чужö, сымда жö и гөгөрвотöмыс, лöсвятöмыс артмö.

Зонлысь мөвпьяссö торкис понлөн увтчөм. Сiйöс вой кежлö чеп йылö домалiсны стөрöж будка дорö, базаö пыранiнö. Рöманлөн машинаыс эз вöv база йöрын, а сулалiс сэтчö пыранiнсянь неылын. Тадзсö сiйö вöчис сы вöсна, мый локтас кө войнас ёртыс, мед оз ковмы дözмöдчыны стөрöжлы: юасьны-висьтасьны, восьтасьны-игнасьны и медсясö сылысь скөр понсö оз дözмöдны.

Ывлаыс көть вöли рöмыд, но кык мортлысь машиналань матыстчысь мыгөрьяссö шопер казялiс ылисянькодь на. Воисны да, öтиыс сувтiс кабинаö пыран пос вылö шоперладорсянь, а мöдыс — мөдар боксяныс. Кыкнанныс лөк вынөн кутiсны тракйыны игналөм öдзöсьяс, көсйисны восьтыны, пырны кабина пытшкö. Рöман гөгөрвоис: оз бурьсь. Öдйö бергöдiс зажигание ключсö. Моторыс эркнитiс, и машина öдөн веськөдчис туй кузя. Рöман содтiс газсö. Кабина бокин сулалысьяс чорыда кучкалiсны öшиньö, зiлисны жугöдны стеклөсö. Тайö

здукö шопер восьтис ас дорсьыс öдзöссö да вынөн йöткыштис пос вылын сулалысьöс. Сийö лёкысь матьöктис да уси. Сы кості мöд мужичöйыс мыйөнкö чорыдторйөн жугöдіс стеклöсö да сюйис кисö кабинаö, мед восьтыны öдзöссьыс томансö. Рöман личкыштис тормоз вылас, öдийö сувтöдіс машинасö, кыкнан кинас кватитис пырысьлысь сойсö, чорыда асланьыс кыскыштис. Дядьöйд, кывлымөн, чорыда камгысис ныр-вомнас кабина вевтö. Рöман кутöм мортлысь лёкысь увлань чегис-песовтис сойсö — кыліс быдөн лы-сöныслөн рузмунöм шыыс — сэсся тойыштис лёздöм мортöс пос вывсьыс. Ёна ылö мунöм бöрын вöлись сувтис ичöтик посёлокö. Синъяссö куньлытöг сэні и колляліс войсö. Асывнас бөр локтис базаö, көсийс юавны стөрöжлысь, аддзыліс эз мужичöйяссö, кодьяс матыстчылісны сы дорö, но стөрöжыс эз нин вöв.

Клара абу кольчöма рöднясас гөститны, бөр локтис мунны гортас. Кыкнанныслөн чужöмьясныс пыктöма, син гуранъясныс лөзöсь и бара нин вомьяссьыс вина дук кылö.

— Төнлун гуляйтыштим Клара рöдняын да эгö вермö ас кадö локнысö,— правдайтчис Жора.— Талун на оз вöлі лэдзны.

— Ме деньгатöм коли да эг жö кольччы,— содтис ныв.

— А тэнад делöйс кызди?— Рöман көсийс тöдмавны, мыйөн помасис ресторанын тышкасьöмыс, но мöдыс öвтыштис кинас:

— Гортын висьтася.

Рöманлы эз терпитсы да висьталіс сы вилö войнас уськөдчылöмсö, кык мужиккөд венласьöмсö.

— Шпанаяс, пöди,— шуис Жора.

— Гашкө и,— сöгласитчис шопер.

Та бöрын быдөн вöйтчисны асланыс думьясö. Кыліс сöмын мортлөн öтмоза жургöмыс да öшинь сайын төвлөн шутьялöмыс. Кок увсянь лыбис небыдик шоньд ру да нöшта нин та вöсна пöкмелля ёртьяссö личкис унзіль. Найö нёровтчисны öта-мöд бердас да лун шөрöдз узисны-пальöдчисны. Садьмöм бöрас кутшöмкө посёлокö бара корисны сувтлыны, но эз нурьясьöм вöсна, а пöкмелитчыны. Жора ньöбöма лавкаысь кык гөрд доз, сёйны кутшöмсюрö вөлöга. Ылөджык мунны терпенньöясыс эз тырмыны, да посёлок саяс и корисны сувтлыны. Öти дозсö ректöм бöрын ныла-зонма ёна варовмисны. Шопер син бöжнас аддзис, кызди ныла-зонма кутчысьлісны да окасисны. Окотитöны вöлі бара кайны кузовö, но сэні, сөвтöм төвар вöсна, местаыс эз вöв.

Кольöм войыс Рöманлөн лои узьтöм, а сэсся лунтыр руль саяс пукалігөн и дзикöдз жуяліс, мудзис да та вöсна шуис вөлөкас часмöд шойччыштны. Ёртьясыс радпырысь сöгласитчисны да мед не мешайтны, кабинасьыс чеччисны ывла вылас гуляйтыштны. Шопер пыр и унмовсис да эз нин аддзыв ныла-зонмалысь мир туй вылысь вөрлань кежöмсö.

Вой помасигас нин Рöманöс садьмөдіс кабина öдзöс восьтöм шы. Пырис гуляитанінысь пöдругаыскөд Жора. Узьсьöма шоперлөн кык часысь дырджык, окота эськө вöлі нöшта на узьыштны, көть нин сідзи,

лигыш лэдзчөмөн куйлыштны, но Жора шуис, войнас пö гаишникъяс омольджыка сувтöдлöны машинаяссö, асылöдзыс пö колö воодчыны Кировöдз, сэнi пö и шойччыштам.

Жоралөн гөрд вина мөд дозыйс вöли на да, мунигас важ жар вылас лөдсалисны доз помсыс. Бара гажмисны, гөлөсьяс сибдытöдзыс лывкйöдлисны-сьылисны.

Кировö пыравтөг вөлөкас шойччыштисны да Абъячойöдз локтисны лючки-ладнö. Тöварсö таможня и быдөн видлалис, документъяссыс нинөм торкаланасö эз аддзы да бурөн лэдзис. Рытгорувнас локтисны Сыктывкарö. Вöли пекнича, уджалан лун помассьöма, и складлөн көртөн эжөм öдзöсас öшалисны меж юр кодь томаньяс.

Рöман көсийс тöварсö разöдны лавкаясö, но Жора шуис, ставыс пö муно склад пырыс, дай директор кырымпастөг пö некод оз примит. Тöвар тыра машинасö пыртöдiс гаражас, öдзöссö пыклис-игналис.

Гортас вежаныйс зэв рад лои гөснечтö вайöмысь, ревматизмөн висьысь коксö пыр и суйис сапөгас да рытывбыд видзис сэнi, юасис ветлөм-мунөмсö, а кор тöдмалис тöварсö меститтөг кольөм йылысь, пондiс майшасыны.

— Мед жö Енмыс видзас лөк йöзысь, вежапиöй, вайөм добратö.

Войнас Рöман омөля узис, эз вöv сьөлөмыс местаын тöварсö инавтөм вöсна. Субöта асывнас шондi петигас и локтис гаражö вайөмторсö видлыны, и вöлись сьөлөмыс инасис — ставыс вöли местаас. Фургон öдзөссö выль томанөн игналис, стеньясбокса öшиньяссö тупкис пытшсяныыс пөвийөн да пыкис, он на сэтi пыр; кабинасыс жугалөм öшиньсö тупкис жö.

Рытнас том морт аддзысьлис Олякөд, виччысис лавка пöдлассьöмсö да вöйысис гортöдзыс колльöдны. Нывлы кажитчис столицаысь вайөм гөснечыс — исергаясыс, зэв лои рад, ышмөм сорнас чупнитис зонлысь чужөм боксö, а Рöман водзөссö оқыштис. Ныв эз дözмы, быттö важөн нин виччысьöма тайöс, сывйыштис зонлысь сьылисö, ачыс лемасис парьясас. Дыркодь тадзи окасисны. На дортi мунысь пöрысь нывбаба весиг янөдiс:

— Öнiя том йöзлөн некутшөм яндысьөм абу...

Вөскресенньö асылö Рöман локтис гаражö тöварсö видлыны, да тайкö сьөлөмыс эз сувт: машинаыс эз вöv. Кабинасö, тыдалö, восьтöмны жугалөм öшинь пырыс: пөвьясыс джоджас туплясисны, а, гашкö и, ключныс лöсялис. Тöварсö вөрьяс гусялөмны машинанас. Кодлысь юасяс? Некод гараж гөгöрын эз вöv. Медводз көсийс мунны милицияö, висьтавны лөөмторсö, но директорлы юөрттөг эз тэрмась: мый на сийö шуас...

Тöвар вошөм йылысь кывлөм бöрын директор эз горөд ни эз матьöкты, а лабутнöя шуис:

— Милицияс ме ачым звөнитла, мед корсьöны. Пась тыра машина воши — сийö абу ем, — та дырйи зэв мисьтöма сатшкылис сьод синьяссö, быттö зонлы вöчис приговор.

Кык лун бöрын Рöманлысь машинасö аддзöмны Вильгорт сайысь, вөрса туй вылысь, тыртөм кузолаөн нин.

Том морт быд лун воylvліс директор дорё юрсё лэдзёмён, коньөр моз. Вөйтчёма аслас думъясё да пырысь-петысь вылө видзөдіс жу-гыль синъясөн. Өтчид сэсса аддзис директор дорё Жоралысь пырёмсё да юалис:

— Тэ сьёмсё меным кор сетан?

— Кутшөм сьом?— баргөдіс синъяссё Жора, быттьө нем оз и төд, сэсса кинас шлапкис юрас:— А-а, пассьид, шуан? Сы вөсна тэ эн шогсы, коркө өд сета, өні деньгаыс абу...

— Ачыд жө шулін, эм пө гортын.

— Шулі — эг шулы: менам кырымпаса кабала, көні көсьысьөм и кад индөма, тэ ордын абу... Коркө сета... А төварыд эз на сюр?

— Милиция пө корсьө...

— Да, омоль тэнад делөйд. Ме чайта, өдвакө найө аддзасны. Зеп ректысьясөс весиг оз вермыны кутны. Кутшөмкө пась гаралан, а воштін некымын сё миллион... Өти сайысь сэтчө жө и пасьыс лоө, сюрс — сэтчө, сюрс — татчө,— такөдөм пыдди сьөлөмнас усьөм морт вылын Жора быттьө тешитчис.— Ставсё мынтыны оз тшөктыны, спишитасны!— шуис тайөс, мисьтөма вежыньтліс вомсё да пырис директор дорё.

Вежон-мөд коли, Рөман пыр на воylvліс дирекцияө, виччысис думсьыс шышъясөс кутөм. Машинанас кытчөкө ветлыны эз жө вөзйыны, а сьөлөм такөдана юөр некод эз вай: ни милиция, ни директор.

Коркө, төлысь кольөм бөрын зонмөс чукөстісны Мамедов дорё. Директор өні эз вөв воддза моз вежлив, эз видзөд пырысьлы синмас, а сёрнитіс быттьө төдтөм морткөд.

— Төвар вошөмсянь коли төлысь, милиция туяліс ставсё, видлаліс уна вариант, но некытысь нинөм эз аддзы. Төвар лыддьысьсө тэ вылын, сідзкө, господин Кочанов, тэныд и ковмас мынтысьсны... Жора тэно лючки вайис местаөдз, а тэ тані нин воштін ставсё.

Рөман муніс кар кузя шогсигтыр. Мыйөн кутас мынтысьсны? Кытысь аддзас сы мында сьёмсё? Бать-мамыс куш пенсия вылын олөны, аслас ни өти шайт на книжка вылө пуктытөм, вежаньыслөн, пөрысь мортлөн, чөжыштөма кө, сөмын асьсө дзевөм-кодралөм вылө. Том морт быд ногыс думайтіс, песіс юрсө, но налькыйсь петан туй эз вөв, сэсса шуис аслыс, мед пө, кә.лөкө, судитөны. Мөд луннас муніс дирекцияө да сідзи и висьталіс, но Мамедов скөрысь шуис:

— Тэно пуксьөдасны, а вошөм төварыслысь донсө коді вештас? Сідзи оз артмы! Юась, корсьысь, а деньга мед төлысь мысти вөлі!

Майшасьөм да шог пыкөмла том морт чужөм вылас омөльтчис, нырыс ёсьмис, син гуранъясыс вөйины, радейтана нылыскөд поліс паныдасьны, но Оля ачыс корсьөма зонмөс, дивитана шуис:

— Пышъялан меысь? Кывлі нин и төда ставсө.

— Мый төдан?

— Төда. Төвартө машинасьыд гусялөмны, а өнөдз меным он висьтав.

— Ачым мыжа, ачым и кывкута... Ог көсьы мукөдсө көвьявны.

— Ме вай батькөд сёрнитла, сійө төлка морт, мый советуйтас,— көсьысис Оля.

— Оз ков батьясӧс татчӧ нокны, ачым кызкӧ-мыйкӧ...

Армияысь локтӧмсяньныс этша на кадыс коли, да Рӧман эз на удит аддзыны карысь бур другьясӧс, кодъяс эськӧ мездісны. Зонлӧн надея вӧлі сӧмын кредит вылӧ, но, вӧлӧмкӧ, медым сійӧс босьтны, колӧ кык-куим тӧлысь документьясӧн ноксыны, а кадсӧ директор сетіс сӧмын тӧлысь.

Рӧманлы уна морт дорӧ ковмис шыасьлыны, и быдӧн неуна да отсыштіс, мыйкӧ мында лишӧдыштіс аслас зептысь, но тайӧ вӧлі саридзын войт. А директорӧн урчитӧм кадыс мӧдіс помассьыны. Аски колӧ вӧлі мунны директорлы висьтавны, мый колана мында сьӧмыс эз чукӧрмы. Пуксис пызан дорас, кинас тшӧкаас пыксьӧмӧн думайтіс, мый тайӧ пом, петан туй абу. Оз кӧ судитны, вермасны асьсӧ мыйкӧ вӧчны. А, гашкӧ, пышйыны? Но кытчӧ? Сиктысь аддзасны, карӧ он дзедьсы дай некод ордӧ. Ълӧ мунны сьӧмыс абу. Оз, некытчӧ оз мун! Тані сылӧн вежань дай муса ныв, кодӧс радейтӧ сьӧлӧмсяньныс.

— Вот мый, дона пи,— зон дорӧ рытнас матыстчис пӧрысь ань,— вай кывзы менӧ. Войяснас узьны ог вермы: думайта, мися, кула да патераыс мед тэныд кольӧ, сетлісны меным, кыз фронтвичкалы, ватизируйтӧма и быдӧн.

— Приватизируйтӧма,— стӧчмӧдіс зон.

— Да, сідзи тай. Но водзӧ кывзы. Кытчӧдз тэнӧ эз вины, вай менсьым кык жырья патерасӧ вузалам да ад горжъяслы деньгасӧ сетам, мед виньдӧны,— вежаныс тайӧ кывъяссӧ шуалігӧн весиг пӧсялӧма, чужӧмыс гӧрд.

— Вежань, тэ мый сӧран? Патератӧг он жӧ кольччы, кӧні мӧдан овны?

— Менӧ важӧн нин ныв да зять виччысьӧны, каганысӧ некодлы видзнысӧ. Аски мун да висьтав, мед виччысьлӧны, шу, патера вузалам да сетам сьӧмсӧ.

Патерасӧ вузалӧмысь Рӧман быд ногыс мӧдліс пыксьыны, но вежаныс и кывзыны эз кӧсйы. Тэ пӧ том на, юр сюянінтӧ удитан на корсьны, а менам пӧ нэмыс кольӧма, гу да горт пӧ нин сӧмын мӧдар югыдас виччысьӧны.

Рӧман локтіс контораӧ шойна вылӧ моз, нюкыртан сьӧлӧма, шог. Кадыс коли, а колана мында сьӧм эз аддзыны. Джын мындаыс эз чукӧрмы. Мый шуас Мамедов? Кӧсйыяс-ӧ виччысьыштны патера вузалӧмсӧ?

Зонлӧн видзаасьӧм вылӧ директор сӧмын дзормыштны мӧдӧм юрнас гогнитіс да шуис, быттӧ чигарка пом вомсьыс сьӧлыштіс:

— Кывза.

— Неуна нӧрӧвитлӧ, ми деньгатӧ аддзам, кӧсьям вежаньлысь патерасӧ вузавны,— ӧти здукӧн сяркнитіс-висьталіс зон.

— Патера кӧсьян вузавны?

— Да, ньӧбысьӧс корсям...

Директор мыйкӧ дыра думайтыштіс да шуис:

— Оз ков некодлы вӧзйыны, ми босьтам. Мед сійӧ лоӧ вошӧм тӧварыдлы дон пыдди. Кымын жырья?

- Кыка.
- Кутшөм судтаын?
- Коймөдын, керкаыс кирпичысь.
- Приватизируйтөма?
- Да.

— Воштөм төвар донсө квартираыд буретш и вештас, — пызан выльсь синсө вештывтөг кывкөрталіс директор. — Жора вөчас став документсө, тиянлы некытчө оз ков шыасыны. Сөмын кырымпасьяс и ковмасны... Патераыс кор вуджас мянлы, тэ верман выль удж корсыны. Уджйөзтө киритам... Өні кежлө — ставысь...

Мамедов дорысь петөм бөрын Рөман юрсө лэдзөмөн восьлаліс моски кузя вежань ордас.

— Бур лун, Роман, кыдзи олан-вылан? — мавтөм син лапьяснас вильыша ворсөдчөмөн кытысянькө матыстчис зон дорө Клара, Москваө ветлысь пөпутчицаыс. Гөрдөн краситөм парьясыс калькавлісны, тыдовтчыліс өти чегөм пинь.

— Ола сідз-тадз, төлысь нин уджтөмала, — норасьөмөнкөдь артмис зонлөн. — Москваө ветлөмсянь руль сайө эг на пуксьыв. Ковмас выль удж вот корсыны. Мамедов тадз шуис...

— Кывлі, ёна өбөдитөмны тэнө...

— Кытысь кывлін?

— Лавкаясас менам уна пөдруга.

— Пиньтө көні, коді кисьтис? Москваад, ресторанын, тышкасьөмныд пө тай, но сэки пиня на вөлін, көть кыкнаныд Жораыдкөд пыктөм чужөмөн мөд луннас локтінныд?

— Коді висьталіс? Ресторанас ми эг ветлө.

— Жораыд ресторанас кампузитчөма, жуглөма пөсуда, тышкасьөма.

— Чөв, зонмө, нинөм сэтшөмыс эз вөв! — шензьыны пондіс Клара.

— Кыдзи эз вөв? Заложникө тэнө босьтлөмны, ме Жоралы дубитөм кык пась сеті, мед мездыны тиянөс. Сыкөд кык мужичөй волісны, налы Жораыс и тшөктіс сетны.

— Жораыс тэнө ылөдліс, а мужикьясыс — сылөн другьяс. Кывлі налысь вөйпсьөмсө, войнас лөсьөдчисны тэ дорө ветлыны. Волісны? — Рөман кывзіс нылөс да эз эскы аслас пельяслы, вот пө и телохранитель, ачыс ышөдө грабитны-гусясыны. — Москваас эз удайтчы төварсө мырддыны, да татчө локтөм бөрын сійөс вөчисны. И чуйдысьыс, чайтсьө, Жора.

— Клара, тэ чайтан — Жоралөн уджыс? Збыль өд войнас кыкөн волісны.

— Да, нырщикалө шайканас сійө, найөяс и вөчисны, тані нин, тэныд ыджыд лөксө.

— И тэ лысьтін меным висьтавыны? Мусукасян другтө вузалін?

— Дөзми. Ме вылө көсийс гөтрасьны, но ылөдліс дай нөйтис на нөшта, пиньөс чегис. Мөд нывкөд аддзылі, да сыысь... Он пө нин меным ков... — Клара индіс чуньнас вомас. — Налөн тані көин котыр: абу кө мыйкө на ног, пурасны. Быдлаын асланыс морт, ставсө деньга вылө вузалөны-нөбөны.

— Директорыс найо шайкаын жө?
— Ме чайта, сійо главнойыс...
— О господи, кытчо ме веськавлі? Не зра Оля сэтчо удж выло пырөмысь менө өлөдліс...

— Ме тэныд нем эг висьтав, кывласны кө, менө начкасны. Мөвпышт, кызди найос эрдөдны... Москваас кызди-мый вөлі, тани — висьтав, но менө эн сорит.

— Эн пов, ме абу соритчысь. Атьо висьталөмсьыд. Видзөдлам, инө...

— Ачыл, өтнад, эн жө мыйкөкерт... Эн суйсысь лючки төдмавтөг... начкасны... повны колө...

Тайо сёрни бөрас Рөман чорыда думыштчис, вермас-ө сійо эрдөдны көин котырсо? Код дорө шыасыны? Ыджыд юралысьос карсыс некодос оз төд. Колө корсыны мортос, мед босьтчис сійос дорыны дай шайкасө эрдөдны. Шуйс сёрнитлыны Олякөд, гашкө, сійо индас мортсө, кодлы позьө ставсө висьтавны...

Та бөрын ачыс нин кутіс корсыны Оляос да мөд луннас жө и аддзисисны. Ёнджыкасө, кызди-мый, юасис Оля. Рөман сөмын висьтасис.

— Оламө вежанькөд на, но Мамедов мырддьө квартирасө. Ог төд вот, мый артмас, а микөд Москваас ветлысь нылыс, Клара, висьталіс, мый грабитны босьтчылысьясос чуйдөма Жора — телохранительой. Вермас пө лоны, сылөн жө шпана котырыс тани и гусяліс төварсө. Мамедовыс пө көин котырнас, шпана чукорнас, веськөдлө. Клараыс, гашкө, зськө обидасыс, скөрйивсыс ставсө өтгудыр суклялө? Ог и төд, мый вөчны? Кытчо шыасыны?

— И эта дыра, быдса төлысь чөж тэ та йылысь эн висьтав!

— Ме и ачим на сөмын төрыт та йылысь кывлі... Кларасяныс.

— Оні жө пыралам мянө! Папалы ставсө лючки висьталан...

— А батыд нө көні уджалө?

— Адвокат... Юрист сійо...

— Адвокат?— Рөманлөн первойысь бөрря кадас нюм модаа мыйкө артмис. И найо пырисны пемыд подъездө, Олялөн оланінө...

РАДЕЙТАН КӨ...

ВИСЬТ

М удзөм поезд матыстчис Сыктывкар вокзалө стөч урчитөм кадө. Локтысьяскөд тшөтш вагонысь петісны салдат паськөма кык том морт, Петя Коснырев да Вася Пипуныров — кык друг, кодъяс өтлаын служитісны.

Петя, карын быдмөм морт, сюсь вежөра да зэв кыв-вора зон, пөся другасис сиктын быдмөм тшөтшьяыскөд — пөслукман, мывкыд да лабутной Васякөд.

— Водзас, инё, миянё ветлам?— корис другсё Петя сьёкыд сумкасё отар кисьыс мёдарас вуджодіг.— Бать-мам кё абу гортынось, дзебассё тёда, патера ключсё аддзам...

— Гортё кайтёдз мёд лун вола, висьталін тай адрестё,— кёсийсис Вася, картуз увсьыс руд юрсисё лёсьодігмоз.— Тьотка ордын недыр гёститышта. Сьёлём оз инась, Галяёс кё ог аддзыв, эз на кё бытьё велёдчёмсё помавны.

— Муса нылыд, гашкё, вунёдіс нин тэнё?— тшоть кодь ус пырыс наяна сероктіс Петя.— Онія нывьясыд ёнась оз виччысьны...

— Галя виччысьё,— зэв збыльысь вочавидзис Вася, нывлён кодь гёгрёс чужём вылас ыпнитіс нимкодьлун.— Бөрья письмёас гижёма: сьёлём пё потё тэ вёсна, одйёнджык пё лок!

И другьяс торйёдчисны.

Тулыс бёрын дыр виччысян гожёмыс вёчёма нин воськов-мёд. Уличаяя пёлён пуяс вёччёмны мича веж паськёмё, сёльгёны-ворсёдчёны корьяснас лунвивсянь пёлтысь шоныд төвруысь. Вежёма ас вивсьыс лым еджыд платтьёсё да вевьялёма нин гёрддзавны веж сикётш мольясё льём. Керкасайса йёрьясын, туйбокса кушиньясын кисьтёма виж юра дзоридз, чашкёдома синьяссё да радлё гожёмлы катшасин. Град йёрын мыччёма нин нырьяссё картопель кор...

Батьыслён ыджыдджык чойыс, тьоткаыс, буретш вёлі гортас, племянникыслы ёна и рад лои. Сэсся кухняас пусиг-пёжасигас эз и дугдыв юасём-висьтасьёмысь. Уна шензьёдана юёр кыліс сысянь Вася. Совхозас пё удждонсё дугдёмаось сетааны, ставыс мёдёма кисьыны. Нянь да сакар ньёбны лавкаысь оз вермыны, непёштё кём-паськём. Та вёсна тьоткаыс корис племянниксё гортас мунёмысь нёровитлыны, кёні сідз нин тшыг нисьё пёт олёны и ышодіс карас кольчыны, шогмана удж корсьны. Шоперыдлы пё нянь кусёк ылад эм на кён вынтё песны. Сэсся пё олыштан да позьё и гётрасьны. Патераыс пё эм, кык жырья комнатаын тай со отнам ола. Пёрысьма пё да менё видзысь лоан.

Вася думнас сёглас вёлі тьоткаыскёд, но мёвпаліс Галя йылысь, кодкёд ичотсянь ёртасисны да армияас мунігён ота-мёдыслы кыв сетісны — Васялён локтём бёрын гётрасьны. Сэсся од код тёдас, велёдчём бёрас кытчё на Галясь мёдодасны? Вот и коліс тарыт аддзысьлыны: отлаын мёвпыштасны, карын али сиктын том гозьялы овны...

Шондіыс вылісянь на му вылас дзоргис, абу на дзебсьёма уна судта керкаяс сайё, коть и сизим час рыт нин вёлі Галя дорё общежитиеас мунігён. Том морт тэрмасис муса ныв дорас, а сьёлёмыс чань моз йёктіс. Но Пипуныровлы талун эз везит, оти жырыын олысь нывьяс висьталісны: Галя пё муніс кытчёкё да локтас сёрён. Бёрсё мунігён зон корис нывьяссё, мед аски Галя виччысяс сійёс, тайё жё кадас.

Аскинас и аддзысисны. Галя петіс аслас олаңнысь, вомыс пельёдзыс радысла. Сьёд пашкыр юрсиыс пельпом вылас быд тувччёмысь пальялё, ичотик пельясас дзирдышталёны син ёран исергаяс, пелькиник туша-мыгёрсё зэвтёма вёсньыдик лёз ситеч вылын каразей бо-

бувьясa, пидзёс вылөдзис платтётор. Носкиён саймовтём кокъясaс пысалёма лым еджыд босоножкияс. Киасигас ныв чургөдис чим лөз изийөн мичмөдём чунькытша кисö.

Зон топөдис нылөс морөс бердас. Волнуйтчөмысла чужөмыс гөрдөдөма, мича лөз синъясыс вильыша кыйкъялөны, инас оз öшйыны, уска льөбйыс тяпөдчө нылөс оқыштны. Сьөлөмыс чуть сайкалыштис да вөлись сяммис юавны.

— Менö виччысин?

— Тэнад призывыс локтавны мөдисны да быд шынеляөс кыйөда, абу-ö тэ?— ворсөдчөмөн вочавидзис Галя. Сэсся босьтис зон юрысь картузсö, аслас юрө пуктис, китш-китшөн серөктис.— Муна салдатка вылас?

— Нывъясыдлы зэв на лөсялө формаыс, он шу градйөрсa полөкалөён,— Вася водзөссö тшөтш серөктис. Перйис зепсыс водз-выв дасьтём зарни гижөда шоколад плитка, мыччис Галялы.— Гөснеч пыдди.

— Мися жö, төрытсынь ус лудö,— бара гылыда серөктис ныв.

Тадзи өттор-мөдтор йылысь баитыштём бөрын зонлы окота вөли нуөдны Галяөс кар кузя гуляйтыштны, но ныв мөдис пыксыны.

— Рытъяснас ме ог эшты. Аски пышъя лекция вылысь, лок татчө өбөдөдз, сэсся, колөкө, мудзтөдз шляйтчам.

Пипуныров думыштис, мый экзаменъяс кежлө рытъяснас, көнкө, дась-тысьö, да эз мөд водзö юасьны, но Галя ачыс висьталис.

— Миян группaысь некымын ныв «Бюро добрых услуг»-ын рытъяснас уджалөны. Стипендиятөгыд век нин сьөд нянь вылад вичмөдөны, огö тшыглы кулө.

— Кутшөм нө сэтшөм услуга вөчанныд?— чуймис Вася.— Зэв тай тшап лоөмыд, дзик зарниын ветлан.

— Абу гусялөма, а бур йөзөн сетөмтор. Козин либө, рытъяснас уджалөмысь. Отсалам уна челядя мамъяслы; өткөн олысь пöрысьяс-лы; вермытөмъяслы мыськалам дөрөм-гач, пелькөдам керка пытш; инвалидъяс дорын пукалам милосердия сестра пыдди. Вот! Öнi ме бара муна. Аски аддзысям,— Галя инмөдчылис зонлы киас, бөр мыч-чис картузсö көзяиныслы.

Вася колльөдис синъяснас Галяөс, кытчөдз мөдыс эз вош общежитиеö пыран өдзөсö. Кык во бөрад öнi сийö кажитчис нөшта мичаён, лөсьыдикөн: вöснныд да орөм коска, но кок пөкъясыс да бекъясыс гөгрөсджыкөсь нин лоөмаөсь. Вöсни платтё улас зэлалём морөсыс зонъяслысь вежсö петкөдлө.

«Татшөм нывтө грек воштыны»,— Галяөс колльөдём бөрын думыштис зон. Сэсся нөшта на недыр сулалыштис, өттор-мөдтор йылысь думайтыштис и мөдөдчис друг дорас, Петя Коснырев ордө.

Рытыс вөли шоныд да лөнь, садьмөмаөсь нин номъяс, нем жалиттөг сатшйөдлөны ёсь ныръяссö морт чужөмө, сьылиө, кытысь адд-зылисны тупкытөмин. Зэр водзö öвадыс петөма сы мында, мый уличатi гуляйтсыяс коръясьөм нин кыз пу ньөръясөн шенасьöны-өвтчөны, вөтлөны вир юысьясөс.

Петя другыс гортас өтнас жö гажтöмтчис, бать-мамыс кытöнкö гöсти-тисны.

— Бур, мый локтін,— Петя кухня пызан вылö сёян лöсьöдiс, сэсся кыскис комодсьыс джынъялöм нин водка доз.— Даръясьыштам...

Пызан сайö пуксьöм бöрын точкысисны. Петя лолышттöг румкасьыс пöрöдiс, эз и чуқыртчыв, а Вася босьтiс вомас пулъя ва да вöлисти ньöжйöник, коставлöмөн юис.

— Тэ косөн и коллялiн тайö лун-войсö?— сола öгуреч вазгис-курччис кöзяин.

— Тöрыт тьöткакöд сулöдöм вина румкаөн видлiм жö,— гöсьт сатшкис вилкинас сельди тор.

Неуна сёйыштöм бöрын том йöз бара на румка-мöдөн тьякисны. Чужöмъясыс гөрдöдыштiсны, синъясыс вильышмисны, сьölöмъяс вылас лои кокныд и лöсьыд, став вир-яйныс личалис, небзис.

— Сулеясö вай помалам да нывъяс дорö ветлам,— вöзйис Петя.

— Кутшöм нывъяс дорö?

— Кодъяс кокныд руаöсь да оз ёнасö пыксьыны,— доз пыдöссьыс кисьталiгмоз стöчмöдiс Петя.

— Ассыйм Галяöс на эг вевъяв оқыштны,— ныр улсьыс румкасö вештiс Вася, чöвтiс вомас калбас тор, мöдiс няклявны.

— Эн вевъяв? Öз ков нюжмасьны. Томлуныд абу Иван лун, мöдысь оз во,— ышмыны пондiс Петя.— Тарыт нывъяс корисны, висьталiсны местасö, кöни вермам личöдчыны. Сöмын мед деньга кöшельыд сьöрсыйд вöли. Вай ветлам!..

— Ме ог. Кöвъялан ещö мыйкö дай,— пыксьыны кутiс гöсьт.

— Эн пов, миян карын СПИДыс пö абу на, а мукöд заразаыс — ерунда! Крукыштан кö, сiтанад вежон бытшйöдласны, и всё!— бöрря румканас точкысьны лöсьöдчис Петя.

— Ог, бл... дорад ог мун. Ме, навернö, регыд гөтрася, сэки пöттöдз лоас,— эз кöсьысь Вася да румкасö ректöм бöрын öни тьякис вомас нянь тор, сэсся вешйис пызан дорысь.— Ог кöсьи пежöссьыны, яндзим лоö Галя водзын. Кольчча кö карас, велöдчёмсö помалас Галя да гижсям.

— Кольччан карö? Молодеч!

— Тьöтка ышöдö, гортын пö ставыс уджтöмалöны, а мужикуловыс юсьöмаöсь.

— Эн и кай, уджтö татысь аддзам, ме отсала,— кöзяин тшöтш чеччис пызан сайысь, пуксис гöсьткöд орччөн.— Тэ пока гөтыртöм, вай нывъяс дорас шутөвтам. Сэни пö студенткаяс, а найö оз висьны.

— Абу лöсьыд Галя водзын, гусясьöм кодь, страмитча. Öтчид кö мыйкөкеран, мöдысь телепит лоö.

Кык друг юисны öтмында, а Петя важ жар вылад гажмис прамöя.

— Тэ, колöкö, и ныв кöрсö на эн видлы?

— А кор? Армияöдз том на вöли, а служба дырйи ачым эг окотит шуры-мурыасыны.

— Ме тай нö шуры-мурыаси,— ошйысис кöзяин.

— Тэ, зонмö, самоволкаясö пышъялiн, зато и губа вылысь эн пөтав,— кöритiс другсö Вася.

— Ме шуа: тэ бычөпи на, ошкөдзыс колө на быдмыны. А ме вот сы кузя варыш,— водзө ошйысис Петя.— Көни барыш чуктө, сэтчө и муна. Вай нөшта содтысям, көнкө мамөлөн эм на винаыс.

— Тырмас, код юнад менө тьотка оз лэдз.

— Ладнө, талун гажа юраөсь ми, некытчө огө мунө, аски рыт лок, абу кө сьөмыд нывьяс дорө ветлыны, ме сета. Тэ жө, ёлки-палки, менам друг.

— Аскиөдз ылын на, тэ вод да шойччы, а ме муна.

Вася чеччис, пуктис картузсө юрас, лөсьөдчис петны.

— Ме колльөда,— выныштчылис көзяин.

— Оз ков, аттьө ставсьыс, сёян-юанысь,— шуис Вася и петис.

Мөд луннас, кызди и сёрнитчисны, сийө виччысис нин Галяөс студентьяслөн общежитие дорын. Ныв матыстчис зон дорө — быттьө гулю паркнитис, еджыд платтьөбис лөза-вижа анькытш кодь тусьяса, мича босоножкия, пельпомас волыс вылө тоньгөдөма лакөн лөсталысь смоль сьөд сумкатор. Чим гөрд парьяснас нюмяялө, но пудри-тыштөм чужөмыс кажитчис жугыльөн, дай синьясыс вөліны мудзөсь.

— Кытчө мунам?— киасьөм бөрын юалис Галя.

— Лэччылам паркө, Сысола дорө,— нуөдчыны кутис том морт, сэсся питшөгсьыс перйис алөй рөма дзоридз, мыччис нывлы.— Мед тэ вөлін татшөм жө мичаөн да шаньөн.

— Зэв ыджыд аттьө,— Галя весиг чужөм вылас вежсис, пельяс йылөдзыс дзоридз кодьыс лои, руд синьясыс югдісны, мичаммисны, воши мудзыс.— Вася, тэ менө важ моз на радейтан?

Зон кежөдіс нылөс туй бокас, видзөдліс мөдыслы веськыда синьясас, зэв меліа шуис:

— Важ моз... Муртса виччыси гортө лэдзөмсө. Төрыт нин лөсьөдчи чупнитны вом дортө, да яндыси. Талун абу сёр?

— Уличас йөзыс тыр жөдзө, янөдасны,— мода вылас шуис ныв, а кор Вася матыстис Галялысь чужөмсө, ачыс пөся ляскис парьяссө зонлөн вом дорө.

Радейтчөмыд — сийө тувсовья ытва кодь, ылькнитас ва нырыс да некутшөм пыкөд оз төд, быть ассьыс туйсө пьськөдас. Сідзи кымын жө лои Пипуныровкөд: ылькнитис сьөлөмас, вир-яяс, лов вылас көсьөм: окавны муса нывсө пөттөдзыс, мед пө, колөкө, йөзыс и дивитасны, өд быдса кык во тайө здуксө виччысис, эскис, водзө олөм вылө лача кутис.

— Кутшөм мастера тэ, вөлөм, окасян,— зон кийысь мездысьөм бөрын вом дорьяссө нюлышталис ныв.

— Ачылд тай зэв жө юмола чупйөдлан!..

Кыкнанныс зэв азыма серөктисны да кияснаныс кутчысьөмөн лэччисны паркө. Бөрыисны джуджыд кыр йылө пуксянин да скамья вылө индысьөм бөрын том морт шога ышловзис, кор аддзис син водзсьыс чуймөдана серпас. Коркөя визув, бузгысь ваа паськыд юыс чинөма-косьмөма. Крут кыр берегыс ставнас тырөма леторосөн, пипу да оржа пуясөн. Ю мөдлапөлысь тыдалыштис пөрысьмөм посёлок, мастерскөйлөн серөдөм трубаыс. Отарө-мөдарө дышеника вуджөдчис

катер. Сөмын важ моз лыа берег вылас чиктылісны, котралісны, пулькөдчисны муртса на шоналыштөм ваас челядь.

— Дзоля дырйи бать татчө вайліс, да серпасыс дзик мөд вөлі,— зон видзөдіс жугыль синъясөн аддзөмторсө да шензис.

— Миян Сорд юйд ёна жө нин чинёма, шор кодь лоёма, купайтчыныд пыран да гөгтө весиг оз нин дзеб ваис...

— Тэнад кор велөдчөмыд помасьö?— друг юалис Вася.

— Во нөшта колис,— веськодя моз воча шыасис Галя.

— Абу нин дыр, помалан да гортад муна велөдны?

— Гортө ог мун, сэні нель чоя-вока тшыг олоны, сөйныс пө нем, картофельөн, коньөрьяс, рушкусө тыртөны. Совхозсянь сьөмсө абу на сетлөмаөсь, да батьө дугдөма уджавны. Мамөлы дояркаалөмсьыс пызы мешөк во джынйөн вичмылөма, а өні пө керка помас көпейка абу. Меным письмө оз гижны, конвертсө пө ньөбны весиг немтор вылө. Вот өні сиктад кутшөм оломыс. Бурджык карас кольччыны.

— Ме татчө жө көсья кольччыны, тьотка ордын мөда овны. Удж кута корсьны, верма шоперавны, электрикавны. А өні колө бөра-водза гортө ветлыны, бать-мамөс да чойөс видлыны,— юксис мөвпьяснас Вася.

— Ветлан гортад да миянө тшөтш пырав, мясянь «чолөм» висьтав, шу, экзаменьяс сдайтны лөсьөдчө,— корис зонмөс ныв.

— Висьтала бать-мамыдлы, мися, Галядкөд көсьям гөтрасьны.

— Он жө, пөди, сідз шу,— чуймис ныв.— Миян сы йылысь сёрни эз на вөв.

— Сёрнитлім армияөдз на, и тэ, муса ныв, сөглас вөлін. Вунөдін? Локта, мися, служба вылысь да мөд луннас и гөтрасям. Сідз өд? Сідз.

— Сэтшөм договорсө мыйкө ме ог помнит,— пыркнитіс лэдзалөм юрсинас Галя, ачыс вильыша кыйкнитліс зон вылө.

— Думыштлы. Кыв сетін менө виччысьны, а өні мөд ног сёрнитан.

— Всө течёт, всё меняется,— зон кывьяс вылө рочыштис ныв.

— Мөдөс радейтан? Паныд мекөд өтлаасьөмысь?

— Абу паныд, но... колө нөрөвитлыны. Помала тайө курссө, ветла бать-мам дорө, мый шуасны.

Васялы ковмис кык лун ноксьыны тьотка патераас: стеньяс оботны, сэсса джоджьяс мавтны. Мудзөм бөрас эз петав рытьяснас некытчө, көть и гажыс бырис Галысь.

Өти рытө, патеранас ноксьөмысь ёна дөзмис да, мөдөдчис Косныревьясө. Петя пажын бөрас узьөма, сөмын на чеччөма, трусик-майка кежсьыс шлөньялө гортас.

— Кодкө рытө корлі, да мыйла эн волы?— видзаасьөм бөрын гачасьны босьтчис көзяин.— Висьтасыа кө — завидьыдла кулан. Но ладнө, сы йылысь бөрынджык. А тэ кызди... Уджтө эн на корсь?

— Гортө ветла да вөлисти. Гашкө, бать-мам сиктө кольөдасны,— вочавидзис Вася, көть ачыс бура нин төдіс: гортас оз кольччы.

— Исаклы помечавны али мый кольччан? Сьөм оз мынтыны, перспектива абу, сьөлөм косьтысьыд тані,— чуньяссө кусньөдліс Петя.

— Кора петны верөс сайө, да шуө, нөрөвитлы пө.

— А кытчө тэрмасын?

— А мый нюжөднысө? Водзджык кө гозйөдчан, водзджык отсасысьяс лоасны. Водз гөтрасьёмысь да водз чеччөмысь пө некор на абу каитчылөмаось.

— Ме юрөс ог на сирав. Кольөм рыт на оз тусь вом дора рочакань кодь нывкөд мусукасим,— унзиль синьяссө тильшталіс да нюжмасыштіс Петя.— Колөкө, тарыт нуөдла ныв чукөрас. Сьөмтө удждыла и.

— Сьөмтөгыс нө мыйкөкерныс оз позь?

— Оз. Налөн сійө удж, најөвитчөны.

— Но и но,— шензис та вылө Вася, көть и кывліс нин быдтор йывсьыс, но эз чайт, көнкө, мый и татчө воөма модаыс.

— Асьнысө вузалөны, а ми вок кодьыс ньөбамө.

— Но и олөм пуксис! Колө өдйөджык гөтрасьны, а то татшөм вабергачас верман ылавын,— ышловзис сиктса зон.

— Вася, аслад пөдругаөн ошйысян, а он петкөдлы... Ог өд мырдды,— зеркалө водзын сулаліс Петя да сьөд юрсисө пелькөдіс, ачыс син бөжнас кыйөдіс другыс бөрся, мый сійө шуас.

— Тарыт ветлам, колөкө, чукөстлам,— Васялы аслыс нин окоата вөлі друг водзас гөтырпунас ошйысьны, вежсө сылысь петкөдлыны принцесса кодь аньнас.

И кык друг мөдөдчисны нывьяслөн общежитиелань.

Галя чукөстөм бөрас регыд и петіс. Гырысь лөз синьясыс талун вөйтчөмаось син гураньясас, дай видзөдласыс мыйлакө жугыль. Петяөс казялөм бөрын ныв шай-паймуніс, вежсис чужөм вылас, пель йылөдзыс гөрдөдіс.

— Петя — менам армияса друг,— төдмөдіс найөс Вася.— А тайө менам невеста, Галя.

Мича нылөн нимкодясьөм пыдди Коснырев зумышмис, ныр бордыасыс эзвтчисны, зу кодь ус улас вомкөтшыс топаліс.

Васякөд недыр сёрнитыштөм, бөрын Галя тэрмасис бөр пырны, ыстысис экзаменяс кезлө дасьтысьөмөн.

— Но, мый шуан менам невеста йылысь?— долыдырысь юаліс Пипуныров.

— Вася, тайө нылыскөд вөйдөр вой ме и мыйкөкери,— нем виччысьтөг крапкис Петя.— Сө збыль! Сэки шусис Катяөн, а өні со — Галя.

— Эн сөр!— горөдіс Вася.

— Ме аслам синьяслы первойсө эг эскы, кор аддзи нывсө, муртса Катяөн эг шу. Чайта, төдіс сійө менө...

— Но тырмас! Тадзи шмонитны оз позь,— пузис Пипуныров.

— Тэ Галятө пасьтөгыс коркө аддзылін?

— Пасьтөгыс? Ичөт дырйи купайтчигьясө. А мый?

— Велькыдладор нёнь улас аныкытш тусь кодь мампас эм.

— Эм, помнита,— сөгласитчис Пипуныров.

— Эг кө пөрччөдлы Галятө, кытысь ме төда?

— Ак, еберигач! Прөсти... господи... лоөма!— скөрысь йирыштіс пиньсө Вася. Бөрсө мунігөн лёк думьясас сэтшөма ылалөма, мый паныд локтысьясөс эз казяв да тангысяліс наө.

Тайо рытсö кык друг ныр улас усьтöдз юисны. Петялөн бать-мамыс быттö нарoшнö кытчöкö муномаoсь, некод эз мешайт. Вася юис забеднöйсла, а Петя пöдтис Вася водзын мыж кылöмсö.

Сийö рытсаныыс Вася Пипуныров кутиc повны Гальякöд виччысьтöг паныдасöмысь. Гортас ветлис, локтöм бöрас медаcис фирмаö шоперавны, коллялис кадсö руль сайын да гаражын — кöсийс вунöдны нывсö, но удж бöрас локтас тьотка ордас, водас, а сьölöмыс нюкыртö, чеччыштны кöсийö морöс кудсьыс, син водзсьыс оз вешйив муса нылыслөн мыгöрыс, мича чужöмыс, жугыль синъясыс.

Зон вежöрын дугдывтöг вермасисны кык вын. Öтиыс дорйис Гальялысь мыжсö, корис прöститны, отсавны петны вабергачсьыс. Öд нывсö грекö вöйтис-тойлис гöльлуныс: отсöг гортсяныыс абу, стипендия киритöмаoсь, юр выв тырыс уджйöз, а öд колö быд лун сөйны-юны, кöмасьны-пасьтасьны, йöз мозыс жö краситчыны-пудритчыны, и быдлаö колö сьом.

Мöд выныс некыз эз миритчы воддзаыскöд, дугдывтöг вензис лун и вой, тшöктис морт туйö не пуктыны, некор не матыстчывны, не сёрнитны, пыр кeжлö вунöдны.

Муса нылөн тадзи вöчöмысь зонлөн сьölöмыс чорзис. Удж вылас эз мöд некодкöд сёрнитны, юалöмьяс вылö ныр улас буркнитлис сöмын, ветлис, быттö висьысь морт. Тьоткаыс тölка морт вöли да пыр и казялис: племянникыскöд лоöма мыйкö неладнö. Некымын лун пöрысь морт нөрөвитис юасьöмысь, эз суйсьы пычкыны лоöмторсö, ачыс пö, гашкö, висьталас, но Вася быд лун ёнджыка зумыштчис. Нинöмөн эз мöд интересуйтчыны, дугдис юасьны-висьтасьны. Öтчид сэсся удж бöрас локтис код юрөн, шыбитчис вольпасяс да рытывбыд мургис-видис кодöскö.

Тьоткаыслы сьölөм чепöльтмөн жаль лои майшасьысь зонмыд да öти асылö мам мозыс и шыасис:

— Муса пи, Василей, он кöть висьтав, а ме аддза: тэнад мыйкö мисьтöмтор лоöма? Рытъяснас дугдин петавлыны гуляйтны, синъясыд жугыльмисны, он прамöя сөй ни ю, чужöм вылад омöльтчин. Сэсся тöрыт код юрөн со локтин. Мый тэкöд лои?

— Нинöм эз,— соссьöмыс жугыля артмис Васялөн.

— Мыйысь шогалан, юксьы вай, сьölöмыд личалас,— корис пöкаитчыны зонмöс пöрысь ань.

— Ладнö, кöть абу лöсьыд висьтавныс, рытнас сёрнитам,— сöглас сетис том морт да мöдис удж вылö пасьтасьны. Но Вася час-мöд бöрын бара нин вöли гортас. Тьоткаыслы висьталис, мый «отгул» сетöмны, а збылысьсö — начальникыс удж вывсьыс вештис: тэ пö талун вошласян, мун пö да шойчы.

Тьоткаыс абу вунöдöма асья сёрнисö да пыр и гарыштис зонлы сы йылысь.

— Асланым сиктса нывкöд ичöтрянь дружитим, сэсся радейтны кутим öта-мöдöс, армия бöрын кöсийм гöтрасьны. Öни сийö танi, велöдчö учительшаö...— Ыджыда ышловзьöм бöрын зон водзö висьталис:— ...Веськалöма дур компаниё. Страминаoс кöсийи пельöсын кыйöдны да

садь быртөдзыс зульөдны. Век на өд радейта, а мөд ног кө — синмөн көть ог аддзы.

— Муса пи, детина,— бара зэв меліа шуис пөрысь ань.— Ме тадзи чайта: радейтан кө, колө дур компаниесыс мездыны, ветлыны да аскөдыс сёрнитны...

Субөта рыт вөлі. Вася Пипуныров выль костюмасис, кодөс локтөм бөрас нин рынок вылысь ньөбис, выль ботинки эз на удит најөвитны, да салдалансө кышаліс, и мөдөдчис төдса общежитиеө...

КОВТӨМ ЖӨНИК

ВИСЬТ

Катя чужтіс кагасө райцентрса роддомын Иван лунлы паныда войө. Том мамлөн мича лөз синъясыс вөліны пыктөмаөсь дай ачыс жугыль чужөма, эз төдчы кага чужтөм бөрас кыпыдлуныс, радлуныс, куйліс больнича палатаын чөла.

Лина пөдругаыс кывлөма кага вайөмсө да пыр и локтөма райцентрө видлыны. Юалөм вылө Катя гусьөник косөдіс вазьөм син дорьяссө да нор гөлөсөн висьталіс:

— Сьөкыда чужсис, быдлаті на висьө.

Но вежон кольөм бөрын Катя локтіс гортас нюмъялан чужөма нин, шудөн тырөм синъяса, кыпыд руа да кыв-вора.

Грездсаяслы кага вайөмыс Катялөн вөлі виччысьтөм. Том ныв фермаын лысьтысис, эз төдчыв нөбасьөмыс. Нёрпалыштөмысь лэччөдісны больничаө и со, кага вайөма.

— Мый нө нимсө пуктам?— юасьөны том мамлысь бать-мамыс.

— Петя армиясяньыс гижис: ай кө лоө, пөль мозыс — Юраөн нимтөй, а нывка кө — Анастасияөн.

— Юрик нимыд, шуам, олас, но рөдыс налөн... Вывті дыгыдөсь да нөшта и пеж вомаөсь,— көритыштіс кага батьлысь семьясө мамыс, шөр арлыда збодер нывбаба.

— Кутшөмөсь ай-мам, сэтшөмөсь и ныв-пи,— содтіс ззысь пратьяса кушмыны мөдөм юра батыс.

— Петяыс зэв шань морт, энө зонсө немөстө,— дорйысьны пондіс Катя.

— Катерина, муса ныв, эн дорйысь, батьыд збыльтор висьталө,— вомаліс нывсө мамыс.— Армияс мунтөдз тэнад мусукуд эз уджав, эз пыр водзө велөдчыны ни, көть зськө шөр школасө и помаліс.

— Көні мортыс уджалас? Совхоз киссис, мукөд производство сиктын абу,— том мам венласис бать-мамыскөд, эз көйы сетны верөспусө өбөдитны.

— Земля-матитө шоңді баситө, а морттө удж краситө. Вөлі кө, быттьө, окотаыс, сюрис на, майбыр, вын-эбөстө песаніныд,— суйсис зня-ныла костө сёрнинас и батыс.— Лесхозө пө уджалысьяс колөны, Ниашор

сиктын ю вомоныс выль пос кымын во вочисны, кодї косьис уджавны, нарошно автобус новлөдліс, сэссия Потапов фермерлы позис медасьлыны, батрачитоны тай некымын зон. Совхоз кө киссис, сы пыдди видз-му вөдитан артель воссис.

— Эн дөзмы, ныланө, мусукидлысь муссө сьөкыд уджыс зыртө, либө сямыс абу,— крапкис татчө мамыс.

— Чуркасө вочны тай сямыс тырмөма!— содтіс батыс, быттьө вөчис приговор.

— Ми косьимө гөтрасьны, но асьныд шуид: нөрөвитлө пө,— Катялы заведнө лои верөспуссө немортө пуктөмысь да мырдөн кутіс пычкыны синвасө.— Көританныд? Петя локтас армиясьыс да мөд луннас и гижсямө, ачыс сідзи көсьө. Сэссия абортсө сійө жө эз тшөкты вөчны.

— Дыр-ө сылы коли служитныс?— юалис батыс.

— Нöшта во. Юрочкалы локтігкежлас арөс тырө.

— Катерина, батытөм кага вайөмыд некор эз вөвлы ошканаөн,— юрсө гогйөдлөмөн да кинас өвтыштчөмөн шуис мамыс.

— А меным оз и ков некутшөм ошкөм. Радейтана мортсянь сьөкті да вайи свет вылас Енмөн сетөмтор,— Катя босьтіс зыбкаысь няргөдчысь писсө, разис ковта кизьяссө, ки пөвнас перйис морөссьыс булки моз пөгьтчөм нөньсө, лөсьөдіс кагалы ичөтик вомас. Мөдыс геуна ниргыштис на, а сэссия и ланьтіс.

— Ме вөсна оз ков дөжнасьны, кагаыс абу батытөм. Во тырөм бөрас локтас салдат, да ми өтвытчам. И йөзыслы меөдз мед некутшөм делө эз вөв!

— Йөз вомтө ветьөкөн он тупкы, чуркаөн көритөм на пи дорад мед оз вужьясь,— бара на лөдсалис батыс.

Бать-мамыс Катялөн паныд шуасисны сы вөсна, мый кага вайөмыс налы вөлі сзэь лунө гымыштөм кодьөн жө. Нылыс быдмис лючки-ладнө, школа помалис, велөдчыны эз мун да скөтөс дөзьөритны вөзйысис. Удж бөрас шочиника петавліс войпукны. Гортас и йөзын пыр вөлі серамбана, кывзысьысь. И друг висьмис, вөлөмкө, нөбасьө, кага вайны больничаса ветлөма. Бөрыннас нин суседьясыс висьталісны: Терень Петякөд пө унаысь аддзывлім.

Быдтор төдны окотитысь грездса нывбабаяс быдсяма мог пуктылісны, мед сөмын Зөтиньясө волены да пузчужөм кагаөс видзөдлыны. Коркө, төлысь-мөд-коймөд кольөм бөрын, внуксө видлыны воліс и Тереника, Петялөн мамыс, ар ветымына, сельди бөчка кодь кыз нывбаба.

— Тайө абу Петялөн пи!— зыбкаын куйлысь вылө дыр видзөдөм бөрын нем виччысьтөг крапкис-шуис сійө, быттьө сьөвзис. Сэссия бугжыль синьяссө чөвтліс шөйөвошөм чужөма кага мам вылө да петігас нин содтіс:— Корсьөмыд тэ, гөлубушка, боковысь.

Катя сулаліс зыбка дорын вомсө паськөдөмөн да сөмын лапйөдліс синьяснас, көсьис мыйкө шуны знькапуысды, но морөс кудсьыс гөлөсыс эз пет. Тереникалөн шуөмыс том аньөс кынтіс места вылас, вөрззыныыс оз вермы, но регыдөн сэссия сайкаліс жө, вир-сөныс личаліс,

кельдöдлöм бандзибьясыс алöймисны и морöссыс вöлись петис гөлöсыс:

— Вот еретнича бабайд! Абу пö Петялön пи... А сылы нö кутшöм мог сэтчöдз? Чайтö: сыкöд и кутам овны? Мед ог! Петялы колö вöли кагаыс, да со и вайи!.. Абу Петялön!

Нель-ö-вит тöлысь бöрын кагалön гөн кодь небыд юрсиыс мöдiс гөрдөн, асыя кыа моз, пöртмасыны. Петялön юрсиыс сьöд, Катялön рудов, а дитяыслön быттö чишкасьöма. Терень рöдын ни Зöтин рöдын гөрд юраыс нэмнас абу вөлöма. Сидзкö пö и, кагаыслön батыыс мöд, абу Петя,— шуасисны грездсяя.

Шогыд пö öтнас оз ветлы, мöд притча коклябöрас нин Катялы тувчöма. Тереника волöмсянь мусуксяныыс дугдiсны воливлыны письмöяс. Энькапуыс, тыдалö, суклялöма пиыслы быдторсö, вот и ори зона-ныла костын гижöда йитöдыс.

Кадыс мунiс водзö, и Юрик быдмис. Визув, мам мозыс жö серамбана, мичаник зонка. Джодж кузя кысьясьö пидзöсьяс вылас, ачыс нин пуксьö. Квайт тöлысь тыригөн бура нин тöдiс уска пöльсö, пöчсö, мамыслысь небыдик шоныд кияссö, да весиг и гөлöссö.

Катялön пöдругаыс, Лина, асыя лысьтысьöмсö фермаын помалö да пыр и котöртö сусед ордас. Том нывлы окота ворсыштны акань пидди ичöтик Юракöд, ки вылас качöдлыштны, ки-коксö гильöдыштны, ча-чаөн ворсöдны. Отчыд тадзи ворсöм бöрын Лина шуö пöдругаыслы:

— Кагаыд öд и збыльысь оз мун Петя вылад, Терень пилön нырыс вöсньыд да кузь, синьясыс рудöсь, юрсиыс сьöд, а талön со нырторыс чангыля, синьясыс карöйöсь, юрсиыс рыжöй. Катя, висьтав веськыда, кызди пöдругалы, кагаыд öд абу Петялön? Эн пов, ме вомысь бокö оз пет. Миян сиктын Аркадей сöмын гөрд юраыс...

— Чöv, кызди тэ лысьтiн сидз шуны!— Катялön синьясыс повзьöмны, вом дорьясыс тiралöны, мича лöз синьясас ыпнитлöны би киньяс.— Тэ тöдан, подруга, менам öти мусук вöли: Петя... Гөрд юрсиа кö, чайтан, сöмын нин сылön?

— Ме кöсья шуны: кутшöм кöйдыс, сэтшöм и вотöс.

— А ме шуа: кутшöм кузнеч, сэтшöм и наковальня, кутшöм дорсьысь, сэтшöм и вöчöмтор,— вомалис пöдругасö Катя, аслас гырысь синьясысь повзылöмыс абу на кусöма.

— Йöзыс шуöны: Зöтин да Терень рöдас пö гөрд юраыс некор абу вöвлöма,— водзö ассьыс долис Лина.

— «Пö»-ыс сизим чалля зорöд сөйлöма!— дözмис Катя пöдруга вылас.— Тайö Петялön мамыс удтö, мед ме пиыскöд торьяли.

— Эн лögась, ме тэ дор жö. Локтас армиясыс, öтлаын мöдам дорйысьны, чайта, ассьыс писö оз кут öтдортны,— майшасьöм поздысис сьölöмас и Линалы.— Кывзы, мый ме тэд висьтала. Кывли тайöс, кор Кировса шойччан керкаö мөдöдлiсны. Том дырйиыс öти нывбаба ветлас море дорö курортö. Тöдмасыс сэни грузинкöд, пöттöдзыс гуляйтасны, узыласны. Гортас локтас да öкмыс тöлысь бöрын рөдитас еджыд юрсиа мичаник нывкаöс. Верöсыс еджыд юрсиа жö вөлöма, да некод нем оз гөгөрво. Курортö сылön ветлөмсяныыс кызы во

кольо. Кагаыс лоо невестаон, петас верос сайо. Чужтас сэсса дзик съод юрсиа, мугов чужома зонкаос. Веросыс модас шуны том гогырсо гуляйтисьон, торйодчыны модласны. Мамыслы жаль лоо семья торк-оыс да, яндзим коть абу, ковмас висьтавны ассьыс грешитомсо, кыдзи вермис лоны съод юра зонкаыс. Грузиныслон геньясыс абу весь-кыда нылыслы вуджомны, а сомын колена борын.

— Тэ тайон висьталан, мый мамлон грек воли?— подругаыслыс висьтсо ас ногыс гогорвоис Катя.— Сийо ветлывліс курортьяссо сомын батькод. Сэсса вай дугдам сернитны та йылысь. Мед менам муса пиыс горд юрсиа ко, кодлы кутшом делю, сэтшомос ко Енмыс сетіс. Окотитас ко батыс ми дорю локны — пожалуйста, оз ко — отнам быд-та. Интернатю од ог сет татшом визув да авья зонкасю...

Подругаыслы Катя нарашно сидз шуис, быттьо сылы веськодь Петя-ыс. Но аслыс эсько съоллом нюкыртмоныс шог воли, на дорысь ко Петя отдортчас. Катя тшоқыда вюталю, кыдзи сийос мусукуыс милуйто да окалю, писю кысыс оз лэдзлы ни. Лоқтас да збылысь ко сы вылю оз готрась? Катялон од сэки съоломыс потю, йоймытюдзыс зонсо радейто да. Весиг верос саяс петтодз со мывкыдсо воштыліс да узыліс сыкод гусьон. Став роднялы корба лою, оз ко вай сийос Петяыс. А больничаас мунтодз Петя кымынысь гижліс: чужты по кагасю, и пом! А воас да мый шуас?

Подругаыслон гортас мунюм борын Юрочкаос мамыс неньюдис, водтодис зыбкаю, чюліника небыд голосон модис байюдлыны:

Баю, баю, баю, бай,
Сьолломшорюй, уномвь вай.
Зарни ёкмыль, муса пи,
Тэно радейтамю ми.

Мед бор оз паляв уномвьсыс кагаыс, кок чуньяс йылас кухнясян пырис Катялон мамыс. Матыстчис зыбка дорю да копыртчюмон видзюдліс внук вылас.

— Синьясыс лызкюдлоны, регыд уномвяс,— муртса кывмон вашкодис оломаджык нывбаба.

Эня-ныла виччысьыштисны быдтасыслыс уномвьсомсо и сидз жо чюла, кок шытог, петисны кухняю, подлыштисны борсяныс одзюссю.

— Аски Микитлон том гозьяыс лэчюны асланыс машинаон карса вичкою кагасю пыртны, гашко, тэ накод тшотш лэччылан? Юрочкаыдлы квайт толысь тыри, колю пыртны. Вежай-вежаныс согласось,— мам серниын кыліс внук вюснаыс тождысьюм.— Пыртан ко вичкоас, Спаситель-батушкоыс да Богородица-матушкаыс видзасны лек йозысь и лек кывйысь.

— Ме сы йылысь эг на и думышты,— котшасю мыссян доз дорю мунігмозыс вочавидзис Катя, кодзыд ванас котюдыштіс кияссо, чапкис чужомас да чышкасигмоз помаліс сернисю.— Паптогыс ог на ко пырто-а, локтас да мый сийю шуас?

— Батыслы кага пыртны оз ков, вежай да вежань сы вылө эмось,— арлыда нин ань төдөджык олөмсө да со и туйдөдө нывсө. Та дырйи син гуранъясас сьлөн ёнджыка төдчоны черань вез кодь чуқыръяс.

Катя кыліс сьлөмнас мамыслысь внук вөснаыс төждысьөмсө, но Петятөгь ас вөлясьыс мыйкө вөчны эз лысьт.

— Вай папсө виччысьлам, сьтөг кө пыртам кагасө, шуасьны, гашкө, кутас?

— Өти здук радөсьт, да нэмөвөйся көрба — вот батытөм кага вайөмыд,— дөзмискодь мамыс да дивитыштис нывсө.— Ки-коктө быттө мусук дорад көрталөма, нем сьтөг он лысьты вөчны.

— Да ог и вөч. Шулөны тай: кутшөм баба, сэтшөм и слава. Ме көсья Петялы бур гөтырөн лоны!— пыркнитис кудриа юрсө Катя.

— Мед жө тэнад вомсянь да Енлы пеляс,— шуис мамыс.

Эня-ныла, гашкө, дыр на варовитисны, но пытшкөс жырсянь кыліс Юрочкалөн дзерөдчөм, и Катялы быть ковмис пырны кагасө бурөдны. Кудзалөм рузумсө вежом бөрын кага бөр унмовсис. Катя сэсса матыстчис стенын өшалысь ыджыд зеркалө водзө кудриа юрси пратьяссө лөсьөдыштны. Зеркалөсянь сы вылө видзөдіс мичаник гөгрөс чужөма, гырысь лөз синьяса, чангыльтчөм ныра, юмбыртчөм вома, вылын морөса ныв. Зеркалө водзын Катя мыш-воҗзсө бергөдлыштис, любуйтчыштис аснас да вомгорулас артмис шуөм: «Менамса бур да лөсьыд ныв Петялы оз сюр, мөдас кө, быттө, бөрийсьны».

Юрочкалы нөнясигад мам йөлыд медся на вынйөра вөлөма: быдмис визув, зумыд зонкаөн. Регыд арөс тырө, а пөшти эз и висьлы. Кок нин шеді, первой тапьяліс-ветлөдліс лабич дорө кутчысьөмөн, сэсса велеліс мыджсьытөг мунны, дерт, усялөмыс уна жө вөлі.

— Папсө ас кокнас нин паныдалас,— нимкодьясь Катя.— Регыд пө тай локтас, гортас виччысьөны нин.

Вежон кольөм бөрын пөдругаыс Катялы висьталіс: Петяыд пө төрыт локтөма, виччысь пө, локрылас эня-пиаөс видлыны. Та бөрын коли лун, мөд дай быдса вежон, а Юрик ба:ьлөн нырыс Зөтиньясын сідз эз и мыччысьлы. Катя некымын рыт кильчө помас петаліс, йөз син сайын сулаліс, виччысис мусуксө, гусьөникөн синвасө чышкаліс да эз төд мый вөчны. А Петя нарошнө эз көсьи аддзөдчыны Юрик мамкөд, пышьяліс. Өтчид лавкаын паныдасисны. Петя вина сулея ньөбис да петіс ывлаө, Катя вөтчис сы бөрся, но ывлаас поньясысь өтдор некод нин эз вөв — пышйөма керкаяс сайтыс.

Шулөны тай: гөра гөракөд оз паныдась, а мортыд морткөд пыр нин вочаася. Вөлі кутшөмкө праздник, том йөз чукөрөн ветлөдлісны грезд кузя, няръялісны-ворсисны гудөкөн да гольккисны частушкаяс.

Катялөн сьлөмыс төдөма, көні вермас паныдасьны Петякөд. Мичаджыка пасьтасис да тшөтш петіс улич вылө. Ывлаас вөлі рөмдө нин, но ныв ылісянь на казяліс йөз чукөрысь салдат паськөма зонмөс. Сьлөмыс тэрыбджыка мөдіс тіпкыны. «Петя»,— сөмын и петіс морөс кудсьыс ышловзьөм. Катя матыстчис йөктысь-сьылысьяс дорө, сибөдчис мышсяньыс мусук дорас, кыскыштис сойөдыс.

— Петя, видза олан, чолөмала гортад бөр воөмөн!

Салдат бергөдчис, төдіс нывсө да паськыда нюмъевтіс, бытьё аддзысьёмыслы зэв рад лои.

— А-а, Катерина, видза олан, кызди кагаыд быдмө?

— Петя, вай бокө кежыштлам, сёрни эм.

— Колөкө, кежавлам,— зон дінысь ёна кыліс вина дук, но сійё зілис сулавны веськыда.

— Петя, ме кывлі, вежон сайын нин локтөмыд.

— Так точно!

— Лавкаын эськө паныдасьлім, да эгө слөймө сёрнитныис.

— Так точно, ме тэрмаси!

— Мый тэ, муса зон, рочасян, коми кывсө вунөдін?

— Так точно, эг на!

— Тэ талун гажакодь да верман-ө коть бура сёрнитныис?

— Так точно, верма!

— Господи, абу нин өд тэ салдатын,— терпеньёис мөдіс бырны Катялөн.

— Так точно, абу салдатын!— быд тадзи шуигөн сувтіс «смирно» команда дырйи моз. Морттө, тыдалө, прамөя бонзьөдөмны служитигас.

— Петя, менам сьөлөм потны мөдліс, письмөястө дугдін ыставны да. Мый лоис? Ачыл тай гижлін: локта пө да мөд луннас и гөтрасям, а өні ныртө он мычөдлы, пышьялан, полан меысь, биысь моз. Эн на весиг видзөдлы аслад кага вылө, сэтшөм өд мичаник да мусаник, арөс нин тыри, мужик! Лок, ветлам мянө,— Катя шамыртчис ичөтик кабырьяснас Петялы сояс, мөдіс йөз дінысь кыскыны.

— Вола мөдысьджык... Шуоны: пиыд гөрд юра пө... Ми тэкөд абу рыжөйөсь, а кытысь друг чужис сэтшөмыс?

— Чужис тай! Сэтшөмөс Енмыс сетөма. Эн падъяв, өткодьлуныс тэкөд уна жө, волан да видзөдлан гуг и бан.

— Видзөдла, дерт,— Петя вештіс руд синьяссө ныв вылысь, кутіс видзөдны муас, тупли нырнас гудйө туй вылысь лыасө.

— Муса зон, эн менө омөльт, ме тэнад медводдза вөлі, ачыл тай сідз шулін, эн йөзыслысь сөрөмсө кывзы, эскы меным. Көсьян кө, Ен водзын шуа: эг веж тэнө некод вылө.

— Ладнө, вай мөдысь сёрнитам, талун праздник, колө гажөдчыны,— и Петя вешйис том йөз дорө.

Мөд луннас Катялөн пөдругаыс, Лина, бара локтіс Зөтиньясө, пыригас на вомыс шешьялө.

— Аддзысьлід тай төрыт Петяыдкөд, мый сёрнитід?— туплісө пөрчигмоз юасьны мөдіс гөстя.— Ме том йөз чукөрас жө вөлі да нарошнө эг матыстчы, мед ог торк сёрнинитө.

— Сёрнитім. Первой, попугай моз, «так точноасис», сэсса кори мянө волыны.

— А сійө?

— Көсйысис волыны... Бөрынджык пө сөмын...— Катя төдіс Линалысь модасө: томантөг кутө кывлөмторсө, да эз и кут став сёрнисө висьтавны.

— Эз и кутлы, эз и окышт тэнө?

— Мөдарө на, синъяссө дзебө.

— Господи! Мыйсяма и зоньяс? Ылөдласны ми коддьомсө, а сэсса потөм мач моз чужьясны,— дугдіс вашьялөмысь Лина.

— Мамыс сійөс ме дорысь көдзөдө. Петя волас писө видзөдлыны да, гашкө, вежяс йөй руыс?— Катя лача на кутіс мусук вылас, мөвпнас и сьөлөмнас виччысис зонлысь волөм, эз көйы эскыны, мый сійөс мач моз чужьясны.

— Төрыт нывьяс водзын тшапитчө, сирасьө Пашко Галя дорө,— стрөга артмис шуөмыс Линалөн.— Öтиөс көмөдіс, а сійө мывкыдөн и мөдөс эновтас.

— Эн сэтшөма зонсө вид,— дорыны пондіс Катя.— Сійө өд сөмын на армияысь. Но, кутыштлис кодөскө... Мый сэні дурыс?

— Но, но, ог мөд сэсса. Синьяс сертиыд төдчө: ёна сійөс радейтан!

— Радейта, дерт.

— Но и бур. Көні Юрочкаыд, вай ме сыкөд ворсышта?

— Сөмын на водтөді. Мед узыыштас.

Та бөрын пөдругаыс бөр муніс гортас.

Петялөн армияысь локтөмянь коли төлысь, а сійө эз тэрмась волыны Зөтиньясө писө видлыны. Катялөн быри терпенньөыс виччысьөмсьыс, ачыс көйыс пиыскөд Тереньясө ветлыны, но полис знькапусьыс, ёсь кывья да збой нывбабаысь. Ковмис виччысьны бурджык помка. И сійө сюрис — пиыс мөдіс нёрпавны. Бать-мамсө эз окотит нокас көвьавны, корис пөдругасө ветлыны Петяясө да висьтавыны пиыслөн висьөм йылысь.

Лун-мөд мысти Петя локтіс Зөтиньясө, кор Катялөн бать-мамыс мунөмаөсь нин вөлі удж вылө. Петя вежөма салдатас новлан паськөмсө: сьөд ной пальтоа, төвся кынь ку шапкаа.

— Видза оланныд, көзяева!— чолөмасис.

— Көзяеваыс... ми сөмын Юрочкакөд, мукөдыс удж вылынөсь. Локыв, локыв, муса морт, важөң нин виччысям,— нюмьялөмөн паны-даліс локтысьөс көзьяйка.

— Висьө пө тай пиыд?

— Жарыс талун лэдзыштіс, писти пө вөлөма. Пыді жырыың куйлө,— том мамлөн вомыс радысла оз пөдласьлы.— Пөрччысь, пырам горни-чаас, видзөдлан.

Зон пөрччысис и бөр лои важкодьыс, кутшөмөн төдліс сійөс Катя армияс мунтөдз на: ыджыд тушаа, кузьмөс чужөма, вөсньыдик ныр улас быдмөма чепөльө шедмөн сьөдіник ус, сөмын руд синьясыс, мыйлакө, абу важ кодьыс меліөсь, а быттө полөны веськыда ныв вылө видзөдөмысь, гусясьыслөн кодьөсь. Зон руд костюмсьыс кизьяссө разяліс, көйыс пөрччыны, но мыйкө думыштіс и эз пөрччысь.

Пыді жырыын Юрик узис паськыд вольпась вылын. Шебрассө выв-сьыс шыбитөма, ки-кокыс куш. Петя копыртчөмөн дыр видзөдіс ичө-тик морт вылө, сэсса веськөдчис да шуис:

— Ноко, садьмөдлы.

— Муса пи, сьөлөмшөр, папыд локтіс, восьты синьястө, вай кекө-ястө,— Катя небыдика инмөдчыліс кага сойө, пальөдіс писө. Ичөт

морт восьтіс синъяссө, нюжмасьыштіс, сэсса чургөдіс кияссө мамыслы. Мамыс небыдика топөдіс кагаос киняулөдыс да матыстіс морос бердас.

— Юрочка, муса пи, зарнитор, видзөдлы пап вылад, то сійө сулалө кутшөм ыджыд да ён, локтөма тэнө видлыны,— нимкодпырысы шуалис том мам.— Слава богу! Локтіс мянө, гажтөмтчөма тэысь, өд эз на чужөмсяньыд аддзыв, любитыштыны тэнө көсйө.

— Но, мужик рөд, локыв, инө, ме ордө,— Петя чургөдіс кияссө кагаос босьтөм могысь, но мөдыс ёнджыға топөдчис мам дорас да дзебис чужөмсө.

— Первойысь на аддзө да өтдортө,— правдайтчис Катя.— Тшөкыджыка кө мөдан воливлыны — велалас, оз мөд повны.

— Пиыд ёнджыка тэ вылө мунө, не ыштө ме вылө,— донъяліс кагасө Петя.

— Быдмас, быдлаті на вермас вежсыны: юрсиыс — едждөдны, карөй синмыс — рудөдны.

— Ог төд, ме абу тун,— пыркнитіс юрнас Петя.

Катя лэдзис кисьыс кагасө джджө, мөдыс кытшыла кокъяснас тапсьөдіс өшинь дорө, чачаяс дінас. Том нывбаба матыстчис зон дорө, сывйыштіс мусуксө сьыліөдыс, вильыша мөдіс видзөдны сылы синъясас да сьөлөмсяньыс петысь кывъяс кутіс вашкөдны:

— Кыліс Енмыс менсьым кевмөмс, вайөдіс тэнө, муса зонмөс, мянө. Ме ёна нин гажтөмтчи, быд вой на тэнө вөталі, чөскыд вом доръястө окала. Виччысьөмла рытьяснас кымыныськө и петала жө кильчө помө, гашкө, мися, локтан да виччысян. А тэ, муса зон, век абу и абу. Мый тэкөд лоис, коді тэнө ме дорысь көдзөдө? Ачыд шуин письмөад: локта пө да мөд луннас и гөтрасям. Вежин кывтө, дугдін, тыдалө, менө радейтны. Йөзыс висьталісны: колльөдчан пө Пашко Галякөд.

— Катерина, веськыда тэныд висьтала: мян дружитөмсянь кадыс уна коли и мөд ногджыка куті олом вылас видзөдны,— Петя мынтөдчис ныв сывйысь, вешыштіс бокө.— Сьөлөм оз көсйы прөститны Аркадийыдкөд ветлөмысь. Сійө гөрд юра, пиыд чужис гөрд юра жө.

— Йөй, ме өд ськөд аддзысьлывлі тэөдз на, а бөрыннас сэсса менам некод эз вөв. И тэ ачыд төдан... Ме ныв на вөлі...

— Армияө мунөм бөрын пө ськөд ноксьөмыд и.

— Вот крест!— том мам пернапасасис.— Пөръяся кө, мед Енмыс көть кызди мыждас менө.

— Катерина, кора тэнө гөгөрвоны, гөтрасьны тэ вылө ог вермы. Аркаша улын куйлөм бабаыд пө тэныд абу пара, шуө мам.

— Тэ эскан бызгөмыслы?

— Мамөс эскөдны ог вермы, мый тэ гректөм.

— Көсьян зновтны мянөс, Пашко Галя вылө гөтрасян?

— Ог на төд, но эм өтитор, мый серти вермам төдмавны пиыдлысь рөдствосө.

— Мый сэтшөмыс?

— Колө карө лэчывны, сетны анализьяс, мед төдмалөны, лөсялөны-ө батыскөд пиыслөн геньясыс.

Катя лапйөдліс синъяссө, көйсийс вежөртны, кутшөм геньяс йылысь сёрнитө зонмыс, сэсса бөрынджык гөгөрвоис жө да шуис:

— Коді нин татшөм йөйталана мөвпсө юр вежөрад тувъяліс? Татшөм көдзыднас мөда тай зарни пиөс кынтавны!— дөзмис Катя.— Мед, инө, висьмас? Эг на йөймы!

Юрочкалөн чаяяснас ворссьөма да бөр варгьльтіс мам дорас, кутіс вөзйысьны моздорас, тыдалө, кынөмыс сьмзьөма.

— Пиыд пажнайтны көйсө, ог мөд мешайтны, муна сэсса,— мөдіс пасьтасьны зон, порог дорө сувтліс да сэтысянь нин шыасис:— Ая-пиалөн кө өткодьсь лооны геньясыс, мяня гөтрасьөм вылө мам, гашкө и, сөгласитчас. Мөвпыштлы та йылысь, Катерина...

— Петя, ме тэ вылө пыр на лача куті, да он жө эновт мяняс. Каганас өд тэнад тшөктөмөн лои. Көть шочиника, воыльвы жө видлыныд, Юрочкакөд гажтөмтчам өд,— Катялөн син дорьясыс вазисны, тыдалө, сьөлөмыс кыліс: мусузыкскөд водзө аддзысьлытөм лоө.

Вочавидзөм пыдди Петя гогнитіс юрнас, кимөдзнас лап-лапкерис Юрочкалы и саяліс өдзөсөд.

Геньяс больничаян төдмалөмыс Катяөс дзикөдз шогө уськөдіс. Петялөн да Юрочкалөн геньясыс, дерт, некыдз оз мөдны лөсявны. Сідзкө, гөтрасьөм йылысь нинөм и мөвпавны, но вөлі нөшта өти петан туй, коді вермис артмөм мытшөдсө, зэлыда көрталөм гөрөдсө разьны.

Роддомас куйлігөн на Катя төдмасьліс кага чужтысь нывкөд. Ёртасьлі пө зонкөд, гажөдчим-узьлім өтлаын, а сьөктөм бөрын ськөд янсалим. Висьталіс, көні олө зонмыс, өбликсө висьталіс...

Гөрөдсө разьөм могысь и вөзйысыс Катя бать-мамыслысь, ветлыны пө мөгөн колө Ниашор сиктө, а мыйла — эз висьтав. Ныв висьталөм серти Катя өдйө аддзис колана керкасө. Посводзас пырөм бөрын мөдіс кывны керкаас гудөкчн ворсөм шы. Ныв тотшкөдчыштіс өдзөсас да восьтөм бөрас юалис:

— Позьө тіянө пыравны?

Жыръяс, пызан дорын, пукалісны кык том мужичөй. Öтиыс, ар комына, гудөкчн няжгис-ворсіс. Пөсялөма, пукаліс майка кежсьыс, морсьыс пөдушка кодь, кыз сойясыс вевттьысьөмаось читкыла сьөд гөнөн. Юр чукуы куш, быттьө ыргөн таз. Мөдыс, чужөм вылас, кызьысь жө нин петөм зон, пукаліс пызан дорас да панясис. Ныр улас усторыс, синкымыс, юрсиыс пөрөдөм пожөмлөн шонді водзын косьмөм лыс кодь.

Люся, кодкөд и куйлісны өтлаын больницаас, лючки висьтавліс, кутшөм өблика вөлөма сылөн укажорыс — рыжөй Ольөшыс, да Катя зськө сорсьытөг шуис: «Тайө!»

— Милости просим, красавица, а гашкө, «Графиня де Монсоро», а гашкө, «Королева Марго», а гашкө, «Просто Мария»,— кинофильмьясысь да сериальясысь босьтөм нимьясөн роча-комион ыдждөдліс пызан дорын пукалысь гудөка мужичөйыс да рочалыштіс:— Мы к вашим услугам!

— Эдик, эн кикимеритчы, повзьөдан гөстясө. Локтөй, сибөдчөй матөджык, пыринныд кө, гөстяөн лоанныд,— вомаліс ёртсө Ольөксеи да корис Катяөс пуксьыны.

— Ме, эськө, эг гөститны лок, мога, но абу, тыдалө, колана часө татчө пырсьома, тiян со кутшөмкө праздник,— Катя видзөдлiс пызан вылас, көнi сулалiсны кык тыртөм вина сулея да кутшөмсюрө сёянтор.

— Абу праздник. Эдикөс со кольёда карө. А тiян кутшөм ме дiнө могныд? Ме абу код, верманныд висьтавыны, юавны...

— Ме көсийи, эськө, сёрнитышны тiянкөд,— Катя збоймыштiс, матыстичс пызан дорө, пуксис.— Пезьö кө, ас костын.

— Свидетьлөтөг тайö шусьö,— Эдик бара мөдлiс ышмыны, но казялiс кöзияныслысь дözмөмөн видзөдлөмсö да чужөмсö бергөдiс öшиньялань.

— Эдик, тэд, зонмө, сёрнитiгкостi ковмас ыркөдчыштны ывлаын,— индiс чуньнас öдзөсö Öльöш.

Эдик чеччис, синмалыштiс томджык ёртсö да петiгас нин кыдъярочалiс:

— Вам достаточно час джын, а сэсся бөр пыра. Ывлаас көдзыд.

Эдик петөм бөрүн зон чышкыштiс пöсялөм ныр-вомсö, судзөдiс пызан помысь папирос пачка, öтиöс тойыштiс гөрд ус улас, би чуткис. Лöz тшын вомсьыс пуркнитөм бөрүн дорйыштiс ывлаö петөм ёртсö:

— Эдик — абу омөль морт, но юыштөмө ышмывлө. Миян грездө во куим-ö-нөль сайын локтiс, кор ю вомөн бетон пос вөчисны, уджалiс ош моз, уна сьом көсийс нажөвитны, сэсся төдмасис танi öти нывкөд да зять пидди пырис на ордө овны. Мортыс сяма, быдтор вөчас, уджач и. Во бөрүн аслыныс виль керка лэптiсны. Со берег дорас сулалө. Пывсян вөчис, юсянь труба пыр моторөн васö керкаас и пывсянас качайтө. Көсийс вужьясьөмөн овмөдчыны, но пос вөчөмыс помасис, удж эз ло, совхоз киссис, нажөтка некытысь оз во. Гөтырыскөд деньга вөсна эз мөдны ладмыны. Вот и көсийö лэччыны карө пөрысь бать-мам дорас. Нажөвитлөм сьөмсö ставсö сбербанкысь босьтөма и коймөд лун нин кодалө. Гөтырыс вөтлөма гортсьыс да миянын узьлө. Мый-лакö оз вермы карас лэччыны, тыдалө, жаль гөтырсö кольны, көть челядыс и абу.

Катя кывзiс зонлысь лабутнөя висьтасьөмсö и сылы кутiс кажитчыны, быттö сiйöс важысянь төдö: сьөлөм сертиыс зонлөн сёрнитаногыс, олөм да войтыр вылө видзөдласыс да ськөд, төдтөм морткөд, тадзи, кытшлавтөг варовитөмыс. Том морт прамөя ёртыскөд дарьясьома, но зiлис кутчысьны том нывбаба водзын веськыда, мывкыдсö воштавтөг.

— Мый нө пыр на ме висьтася,— кватитчис сэсся сiйö да чигарка помсö табак пөим дозийö зульөдiс.— Ме весиг нимтö на тiянлысь ог төд. Вайö либө төдмасям. Ме — Öльöш.

— А ме Катя. Сөдзьель керөсысь.

— Төда сикттö, дас вит кымын верст лөö. Нимыд, инö, Екатерина, мича ним пуктылөмны бать-мамныд.

— Гортын Катеринаөн шуöны.

— Но, висьтася, инö, кутшөм мог суис татшөм мича нылөс рыжөй Öльöш дорө, кызди менö ыдждөдлөны кодсюрө.

— Кыдзи ті төдмасинныд Люсяядкөд?— веськыда юалис ныв.
— Кытысь ті төданныд Люсясө?— вочавидзөм пыдди юалис зон.
— Өтлаын больничанын куйлим.
— Дивө тай. Пачысь сөмын на кыскөм тупөсь кодь ныв и друг
висьмөма. Абу жө өд лек висьөм көвъялөма?

— Абу.

— Но и слава богу! А төдмасим ми тані, пос вөчигас. Мостостройлөн
автобус ветліс райцентрсянь, а тані том йөзыс вөлі уна, вот и велалөмны
вит-ө-квایت ныв быд субөта войколөн воыны татчө. Сэки жө ме и
төдмасы Люсякөд. Во кымын дружитім. Пос вөчөмыс помасис, и
дружба мян Люсякөд ори. Во сайө нин нырсө оз петкөдлы, воши
кытчөкө. А райцентрсыыс адрессө сылысь ог төд. Өні ті висьтасый,
кызди-мый сийө олө?

— Ог төд, кысянь и панны сёрнисө,— вочавидзис Катя.

— А ті бөрсяныыс панө сёрнитө, кывкөртөдсяныыс,— Өльөш бара
босьтис папирос да сідз жө гулскис гөрд ус улас.

— Бөрсяныыс кө и бөрсяныыс,— докнитіс юрнас Катя да веськыда
видзөдліс зонлы синьясас.— Ме тэнсьыд кагатө быдта. Арөс нин лоө.

Пызан дорын пукалысьлөн весиг кысыс истөгыс уси. Зон быттьө
кынмыліс места вылас, гипнозысь моз кыис өшыйіліс сынөдас, син
гөптас видзөдласыс вежліс рөмсө, чужөмыс гөрд нин винасыыс вөлі
да нөшта на гөрдөдіс, мыктавны кутіс:

— К-кызди к-кага? Шуйсны кө өні, мый Комиын аски лоө землетря-
сение, ме эськө эски, көть сэтшөм дивөыс тані некор на абу вөвлөма,
но кывны дзик төдтөм аньсянь татшөмтор? Вежөрө оз пуксы татшөм
юөрыд! Тэ нө мый? Он-ө сьөм көсйы пычкыны менсьым?

— Сідзи тай артмис, мый тэнсьыд кагатө ме быдта,— мөдысь
стөчмөдіс ныв.

— Энлө, нинөм ог гөгөрво, юөрсыйд менө со ставнас пөсьөдіс. Он-ө
ті менө мөдкөд сорлалө?

Нем виччысьтөм юөрсыйс коркө том морт сайкаліс жө да выльысь
юалис:

— Кыдзи ме батынас лои, висьталө көть вай?

— Кагасө вайис Люсяйд, но сийө сылы вөлөм оз ков. Эновтис. Ме
чужті жө, но шой. Фермаын өш дойдліс да кості веськалі больницаас,
төлысь кыкөн водзджык... Но вот... Меным колө вөлі кагаыс да босьті...
Со и быдта тэнсьыд питортө... Зэв шань да визув...

— А мясянь кутшөм отсөг колө?— өні нин төждөнмоз юалис
Өльөш.

— Воы мянянө питө видлыны да менам жөникпулы юөрт, мыйла
менама кагалөн юрсиыс гөрд. Өтдортіс мянянөс, колө пө геньяссө төдма-
вы, өткодьөсь-ө ськөд...

— Вот немортыд! Аски жө вола, талун гажакодь да ог некытчө
вөрззы. Бать-мам локтасы да, накөд тшөтш колө тайө бур юөрнас
юксыны и.

Катя мунөм бөрын Эдик пырис керкаас, шешъялө, вомыс пельясө-
дзыс.

— Но мый?

— Пуд вый!— Ёльош эз косьйы большыны ёртыскөд кывлөм юөр йывсьыс. Сэки өд вежон на нөшта гортас оз путымы лэччыны.

— Синьясад би и чужоьмьд гөрдөдөма! Мый красавицаыс висьталіс?— Эдиклы телепит вөлі төдмавны нывкөд сёрнисө.

— Аддзысьлөма больничанын Люсякөд да сійөс и висьталіс. Висьө пө. Аски муна видлыны,— пөръявліс гажа мортөс Ёльош.— А тэ вай жө лэччы талун гортад. Автобусыс регыд воас...

Аскинас Катя лунтыр виччысис Ёльошөс: өти өшиньянь мөдө уськөдчылас, дзоргө мир туй вывті ветлысь йөз вылө, но зонмьд сідз эз и лок. Катя сьөлөмнас дзикөдз уси, войнас омөля узис да пыктөм синьясөн и аддзис шонді петөмсө. Мамыс пыр и казяліс нылыслысь майшасьөм-дзуглясьөмсө да юалис:

— Тэ, ныланө, эн-ө висьмы?

— Туй вылас төнлун яя пирөг ньөблі да войбыд кынөм гудрасис,— ылөдліс мамсө нылыс.

Катя эз косьйы Ниашор сиктө ветлөмсө висьтавны. Кадөн пө ачыс ставыс явө петас, а сьөдзыс нинөмла вөйпнысө.

Мөд луннас, муртса югдіс да Катялөн бать-мамыс артельө мунісны уджавны, регыд локтіс и Ёльош.

— Юасьөмөн аддзи керкатө,— висьталіс гөсьт,— кык ныв паныдасисны да налысь юалі, мися, көні Зөтин Катериналөн керкаыс? Юалөны, тэ пө коді, мися, ме Юриkyслөн бать. Нывьяс первойсө шай-паймунлісны, сэсса тай кызды мөдісны гөрдлыны-серавны, кымын пө сьлөн батьыс? Ме ногөн, өшибка вөчи, эз ков висьтасьны батьөн.

— Мед, сьө-рөвнө вед кывласны, грездад быд пу пеля. Талун и кутасны нин бызгыны: Юралөн пө мөд бать аддзысьөма. Но и мед, корам Петяөс да тэ ставсө сылы висьталан.

Грездса челядь сьөрысь юөр Катя кыкысь Петялы мөдөдліс, мед локылас Зөтин ордө, но мөдыс ыстысьөма эштытөм вылө. Челядь висьталөм серти, жөникпуыс горт гөгөрыс пө шландайтө, көть нинөм пө эштытөм уджсө оз аддзы.

Сідзи и бөр ковмис лэччыны Ёльошлы гортас рытья автобуснас. Косьйысис волыны субөтаө, бать-мамыс кө вөрө песла оз мөдөдны.

Аскинас Катялөн пөдругаыс лысьтысьөм бөрас бара локтіс Зөтиньясө, пыригмозыс и окайтны да акайтны мөдіс, лысьтысьысыяс пө мяншензыныс оз вермыны, кодыр тэ вевьялөмьд мөд сиктса гөрд юра зонсө крукыштны? А мамыс пө Петялөн лавка шөрын кокнас зымөдө джоджас да горзө: Катя пө быд гача бөрысь вөтлысис, а мян зөлөта пи вылө пө чуркасө мөдліс вожөдны. Ачым пө ме медводз казялі: абу сьлөн пиыс. Терень рөдтө пө он на ылөдлы, то пө налы,— кучкис пө кыз сїтанас.

Ичөтик сиктад олөмьд тай сэтшөм: отар сикт помас кө кодкө несьяс, мөдар помас кылө нин.

Зөтин Катя пилөн мөд бать локтөмыс вөлі бомба потөм кодь. Кык нывбаба кө уличын паныдасясны, сы йылысь и варгөны, быдөн ас

ногыс лоомторсö донъялö да ассияныс на мыйсюрö содалö. Эз, дерт, кытшолөн ордыд татшöм юöрыс и Катялысь бать-мамсö. Рытнас найö локтисны удж вылысь зумыш чужöмаöсь да стрöг видзöдласаöсь. Ужын бöрын и панис мамыс сёрнисö:

— Ми тэнö, ныланö, ичötсянь быдтiмö лоны кывзысьысьён, яндысьысьён, овны пöръясьтöг да не аснырасьны, ыджыдöс и ичötöс пыдди пуктыны, йöз водзын не ышнясьны да вылö не пуксьыны, бать-мамысь пример босьтны. Тэд, муса ныв, таво кызь арöс тырис да эн сöмын ай-мамтö пöрйöдлы, но и став бур йöз водзас янöдiн. Первой нöбасьöмтö йöзысь дзеблалiн, сэсся висьöм улö лэдзчысин, больничаö водiн, а сэтись моздорад гортö кага вайин. Первой батьнас шуин Терень Петяöс, а талун кывлiмö: батьыс дзик мöд вöлöма. Висьтав, ноко, ныланö, кызди тайöс бать-мамыдлы гөгөрвоны?

— Сiдз жö, кызди эм. Батьыс Öльöксей, кодi талун волiс мянö,— чуклясьтöг, веськыда висьталiс Катя.

— А мамыс?— водзö скöралiс олöма ань.

— А мамыс — ме.

— Не зра Тереника лавка шöрын горзöма: Зöтин рöд пö — страми-на рöд, зöлöта пиöс пö чуть эз страмитны!

— Сiйö эськö ачыс Тереникаыс сiтöсь бöжа мöс кодь,— дорйыштiс нывсö батьыс.— Клессьысьö кывнас öтарö-мöдарö. Оз кöсйы казьявны, мый аслыс синмас майöг пырöма. Йöзыс öд эз на вунöдны, кызди верöсыс гöтрасьöм бöрас нин бабаяс бöрся кыскасис да бокö колис кык чуркаöс. А Тереникаыс дитя жö вайлöма верöс саяс мунтöдз на. Пыр вот кулöма, а эськö кык батьысь жö семьяс челядыс вöлины.

— Ме ог шу, мый Терень гозья гректöмось, а яндзим сыысь, мый муса нылыд кык мужик вылö лача кутлöма,— вомалiс верöссö мамыс.— Öтиыс кö оз вай, мöдыслы позьö уськöдчыны сывьяс.

— Мам, шуан жö нем абусö,— дöзмис татчö Катя.— Петяöс ме радейта, сы вöсна и пелкся-вийся, мед ме вылö гöтрасьö.

— А этийö, кодi талун волöма?— некыздз эз инась сьöлöмыс мамыслөн.

— Öльöксейсö ме мöдысь на сöмын аддзыли. Войдöрлун да талун.

— Нем ог гөгөрво,— пыркнитiс юрнас олöма нывбаба.— Лючки висьтав, кытысь тэ сийöс тöдан.

— Регыд ставыс лоö кымöртöм лунö моз ясыд!— эскöдны кöсйис ай-мамсö нылыс.— Мöд субöтаö бара волас да тi асьныд ставсö юасьö, а сьöдз ме нем ог висьтав.

Вой саридзсянь ёна нин кылис кöдзыд лов шыыс, корсюрö лымьялис, но талун асывсянь енэжыс вöли мича, шондиä дай ывлаыс ульдöма. Катя пуксьöдiс писö кöляскаö, и мир туй вывтi мöдöдчисны Терень Петяяс керкалань, думнас кöсйис аддзöдлыны мусуксö да ставсö сылы висьтавны, кытысь друг лои мöд батьыс. Терень керка öшинь увтi кöляскаа мам ветлiс öтарö-мöдарö, гашкö, дасысь, но зонмöс сiдз эз и аддзыв. Кылис эськö лэбулас черөн керасьöм шы, но вермис сэнi лоны и Терень дядь, Петялөн батьыс.

Оти керка сайсянь былсь петіс туй вылө Пашко Галя, тыдалө, аддзылөма Катялысь каганас ветлөдлөмсө да нарошнө лөсьөдчөма сылы паныд.

— Тэ, Зөтин Катя, кык бана шаньга: кырсалөмыд кутшөмкө рыжөй зонкөд, а чуркатө гижөдны көсьян Терень Петялы, оз удайтчы!— пыр-мунігмоз ярскөба шуис паныдасьысь ныв, быттьө помөй ва койыштіс Катялы чужөмас.— Петяыс со менө коралө, а тэ колян эндөм бөбыль-каөн!

Катялөн паськыд вома Галя вылө пузыліс вирыс, көсийс шуны зэв дойдана воча кыв, но думыштіс: чикулайка нылыдлы пө шуөмыд оз мөрччы да пиньяссө мурч курччөмөн, нем шыавтөг муніс ныв бокті.

Субөтаө Ольош локтіс өбедөдз на, вайис пиыслы юмовторьяс, кутшөмсюрө чача. Бать-мамыс талун Катялөн нарошнө уджавны эз мунны, виччысисны Юриклысь батьсө.

Ольөксей пырис керкаас, здоровайтчис быдөнкөд, сэсся матыст-чис джоджын сулалысь пи дорас, босьтіс моздорас да зэв гажаа юалис:

— Но, муса пи, кызди олін-вылін колян вежонсө?

— Зэв бура, шу,— пи пыддиыс вочавидзис Катя да видзөдліс аймам вылас, мый найө содтасны.

— Вот и бур, кывзысьны колө пөль-пөчылдысь, сэсся мамыдлысь, но и менсьым, кызди батылысь,— Ольош зэв гажаа серөктіс.

— Ольөксейөн, буракө, тіянөс шуөны,— ылысянь сёрни паніс мамыс,— кытысь асьныд лоанныд?

— Тасянь абу ылын, Ниашор сиктысь, кытчө тай бетонысь ю вомөн пос вөчисны.

— Төдам,— юрнас гогнитіс батысь,— суседьяс на лоамө.

— Тіян местаясыд меным кажитчисны жө, но мян сиктыс ю дорын да нөшта нин гажа. Шонді петігас да пуксигас кө юсайса парма вылө видзөдан, чайтан: кутшөмкө мойдын олан,— ошйысьны пондіс гөсьт.

— Но, сійө мед,— сёрнисө торкөмкодь артмис мамыслөн,— тэ, муса пи, висьтав мянлы, кызди тэнад кагаыдлы мамөн лои менам ныв?

— Ме ачым сы йылысь төдмалі вежон сайын на сөмын, кор Катеринаыд воліс мянө,— зэв прөстөя артмис висьталөмыс гөсьтлөн, быттьө быд луныя удж йылысь сёрнитіс.— А сыөдз ме нывтө эг аддзывлы...

Катя зэв тэрыба писө пасьтөдіс и ывлаө петігмозыс шуис:

— Ми ывлаас гуляйтыштам, а ті сёрнитө.

Бөрсө Катя пырис час кымын ветлөм мысти и пыр жө казяліс бать-мамыслысь вежсьөмсө, синьясыс ворсөдчисны, вомьясыс кутісны пычкысьысь нюмсө, а чужөмьясыс ыпьялісны радлунөн.

— Ми өні ставсө төдам, муса ныв, водзвыв кө мам-батыдкөд юксин лоөмторнас, Тереникаыдлы зськө лавка шөрас немтор йылысь вөлі горзынысө,— асьсө дорйыштөмкодь вөлі мам шуөмас, сэсся ачыс и босьтіс Юрочкаөс ныв моздорсьыс, мый водзті гежөда вөчліс.

— Ме көйи тасянь янөдышты Петяөс, а артмис мөдарө,— веськыда висьталіс Катя.

— Питө Өльөксей көсйө гортас нуодны,— ныв дорас шыасис батыс, пызан вылыс папирос босьтигмос.— Мый тэ, Катерина, шуан? Петяйдлы сийө со оз ков!

— Энлө, кызди нө сідзи? Арөса дитяөс мам дорыс торйөдны?— панайд сувтис Катя.— Гашкө, Петякөд өти кывйө на воам?

— Ме сідз жө чайта, вайө нөшта виччысьлам. Вежон-мөд бөрын бара вола, сэтчөдз, гашкө, гудырмылөм ваыс бөр сөдзас.

Өльөш шуөмөн ставыс сөгласитчисны.

Өні ставыс вөлі Петя сайын, сяммас-ө сийө Катялыс сьөлөм дойсө кывны да бөр осьтыны нитшсявны мөдлөм радейтчөмсө?

Өльөксей волөмсянь лун-мөд кольөм бөрын дас арөса юр вундыс кодь зонка, Зөтинлөн суседыс, вайис Катялы Петясянь гижөдтор, көні вөлі пасйөма сөмын некымын кыв:

«Нөшта кө локтас, зоньяскөд зульөдам! Нинөм менө янөдны!» Гижөд помас абу некутшөм кырымпас. Өльөксейөс повзьөдны көсйис тадзи Терень Петя. Сідзкө, сийө абу на дзикөдз эновтчөма Катяыс.

Катя ыстис тшөтш зонка сьорыс татшөм гижөд: «Пётр Терентьевич, запискатө вайисны, но Өльөксейыс нинөмөн тэ водзын абу мыжа, медым сийөс зульөдны. Эм кө нөшта ме дорө кутшөмкө пөсьлун, ыкшалунтө шыбит, локыв ме дорө и ставсө тэныд, Енлы моз, висьтала. Ме век на сэтшөм, кутшөмөс коркө первойысьтө окавлін. Мөд субөтаө Өльөксей бара локтас, колө сэк кезлө думыштлыны, кольөдны-ө Юрочкаөс ас дорө али сетны батыслы нуны гортас. Өні нин көсйис нуны, но ме шуи, мися, вай нөрөвитламө, тэкөд сөрнитам да вөлисти артмас, кызимый. Ме тэнө важ моз на радейта, көть и гөтрасян пө мөд вылө. Катя».

Водзөссө Петя бара ыстөма гижөдтор, өні ыджыдджыкөс нин. «Ме тэныд эскылі, а босьтін да пөрийөдлін. Өтчыд кө пөрьялан, мөдыс тэд оз эскыны. Питө сетан, кызди гижан, «батыслы» али он — сийө тэнад делө. Ме тэкөд орөда ставсө, мый миянөс коркө йитліс. Пётр».

Кызди и көсйисис Өльөксей, коймөдыс локтис стөч субөта асылө медводдза автобуснас. Гортас суис на Катялыс бать-мамсө, кодьяс вөлі лөсьөдчөны мунны кык вөлөн аслыныс турунла. Том морт окыштіс узысь пиыслыс небыдик чужөмсө да пыр и корис: вай пө ми, кык мужик, турундыла ветламө, а мамыд шойччас. Мамыс мөдліс жө пыксьыны, но батыс лои Өльөш дор, кык мужик пө өдйөдджык эштамө.

Рытнас локтисны сөрөн нин, рейсөвөй автобусыс мунөма нин вөлі, да батыс шуис:

— Аски выкоднөй, абу уджалан лун. Войсө миянын узьөй, мөд лун лэччанныд.

Өльөшлы лои сетчыны, радөсь лоины и эня-ныла. Рытнас уж-найтігөн мамыс лэптис мужикьяслы аскур штоп.

Катя войнас ывлаө петалис и аслас синьяслы эз эскы: кухняс пукалісны лөз тшын пиын кык мужик да гусьөник килькйисны-сералисны, а самөкур дозйыс вөлі куш.

Вөскресеннөнас гөсьт рытөдзыс на эз мун. Лэбулас машина пес коркө арнас вайлөмны да өнөдз на вөлі поткөдлытөм. Том морт

татшөмтортө эз терпит, некодлысь юасьтөг поткөдчан чер аддзис да өбедөдз школкйис-поткөдліс став пессө.

Рытнас зон мунөм бөрын батыс шуис:

— Уджач зон, оз ков, небось, тшөктөм, ачыс уджсө аддзө. Бур и верөс кодлыкө лоө, бабаыс нэмсө мөдас красуйтчыны.

Та бөрын сэсса кымынысь и воліс Ольөксея, некод эз куж висьтавны. Быд пөрийө вайліс пыислы юмовтор, чача, а мамыслы, Катялы, то юр көртөд, то вом дор мичмөдантор, то дуки. Некод эз чайтлы, гадайтлы, мый гөрд Ольөш лоө Зөтин рөдын ас мортөн. Коркө, Виль во бөрын нин, кор луныс мөдіс нюжавны да лов шыыс кыліс нин тулыслөн, Ольөксея шуис Катялы:

— Воан субөтаө ми вежай-вежанькөд корасьны локтамө, лөсьөдчы.

Катя дзик пырсө нем эз шу, сөмын нюмьөвтис да зэв вильыш синьясөн видзөдліс зон вылө, сэсса дыр мысьт вөлись шуыштис:

— Кыдзи бать-мам шуасны.

А рытнас бать-мамыс юалісны нылыслысь:

— Кыдзи тэ ачид, радейтан-ө водзө Петятө?

— Сыкөд ставыс ори и бурасьөм вылө надеяыс абу. Локтөмсяныс сизим төлысь коли, а сійө өтчыд убөлитис воыны. Пашко Галяөс пө коралө, көсийө сы вылө гөтрасьны,— веськодя шуис Катя.— Ольөксея дорө ме велалі да, чайта, бурджык верөс не корсьны.

— Правильнө вөчан, петан кө Ольөксея сайө, мортыс, тыдалө, шань, абу ыджыдө пуксьысь дай челядсьө радейтө,— ошкыны мөдіс зять-пусө мамыс.— А дыш рөдсө, дыгыд рөдсө да пөж вомаяссө вунөд, Терень Петырыд абу тэныд пара. Армиясьыс локтис да пыр на төв чужьялө, некөні оз уджав, сэтшөм верөс дорад тшыглы кулан.

Субөтаө, лун шөр гөгөр, журкнитисны Зөтин өшинь улөдз куим легкөвөй автомашина — сватьясыс. Порог вуджөм бөрын локтысьяс пернапасасисны, и вежайыс шуис:

— Локтімө ньөбасьны, тіян пө тай дона төвар эм.

— Төварыс эм, кызы во нин дасьтамө вузөс вылө, но өд лөсялө-ө ньөбасьысьясыслы,— вочавидзис пызан дорсянь Катялөн вежайыс, коді төдөмөн локтис Зөтиньясө.

Сватьясөс корисны пөрчысьны да пуксявны пызан дорө. Вузасьөм-ньөбасьөм пансис. Ольөксеякөд локтөма тшөтш Эдик, карас лэччылөма, вежон олөма бать-мам ордас да гажтөмысла бөр локтөма гөтыр дорас. Оні олөны пө гозья лючки да шаня. Карсьыс локтөм бөрын Эдик том йөзысь котыртөма вөр пөрөдысь бригада, Ольөшөс босьтөма вежысь пьидди.

Невестаөс вузалөм-ньөбалөм муніс кызкө дзуртөмөн моз да гажтөма, сэсса, пызан вылө кор лэпталісны фольгаөн юрсө гартөм шампанскөй сулея, самөкур дозьяс, шаньгаяс, пирөгьяс, черинянь — вөлись гажаджыка кутис мунны сёрниыс, кыптис серам-гаж.

Гажмыштөм сватьясыд важ обычай вылө видзөдтөг Ольөксеяөс корисны невестасө оқыштны, мед пө лоө чорыдджыка йитөма корасьөмсө да невестаыслөн сөглас сетөмсө. Свадьбасө шуисны ворсны ныв-бабаяслөн праздник вечерняө — март 7-өд лунө.

Сійо жö луннас кыльöма корасьöмсö Терень Петя, но оз тöд, сöгласитчис-ö Катя лоны сълөн невестанас, да лун-мöд кольöм бöрын ачыс локтис Зöтинö Катя дорö.

— Корасьысьяс пö тай волöмны,— пыригмозыс и панис сёрнисö Петя.

— Кывлін кö — збыль, мый юасян сэссия?— зэв коса вочавидзис Катя; сьölöмсьыс радейтчан биыс кöдзалöма нин да нем вöли ворсöдчынысö вöвлöм кавалерыскöд.

— Тэ сöглас лоин?— пöрччис юрсьыс шапкасö, лэдзчысис порогдорса улöс вылö.

— Кык во тэнö армиясьыд виччыси, воöмыдлы сизим тöлысь тыри да öтчид убöлитін миянö пыравны, а öни юасян? Виччыси жöникöс моз, сьölöм потны вöли кöсийö, дырджык кö письмötö оз вайны. Локтöм бöрад кымын рыт кильчö вылын пукалі, лов шы пöдтöмөн кок шытö кывзi.

— Ме эг тöд, мый кагаыс абу тэнад,— чукрöдліс ныр-вомсö зон.— А менам кöни? Тэ öд гижліл: абортсö пö ог вöч.

— Вöли и быри, ёгөн тыри,— сидз жö стрöга вочавидзис Катя, водзö олöмыс ськöд оз ло да эз мöд яндысьны.

— Кулі али мый?— зон гөлöсын кылыштiс майшасьöм.

— Сизим тöлысьясöс нин öти асылö лысьтысигөн öш люкыштiс. Сы бöрын лун-мöд нёрпалi и ковмис лэччыны больничаö, кулöмаöс вайи. Гижин, эн пö абортсö вöч, быдты пö кагатö. Сэки больничаас Öльксейлөн пöдругаыс, Люся нима, кагасьыс öткажитчис, да ме и босьтi сылысь асьсым пыдди...

— Мыйла нö водзджыксö эн висьтав,— кутiс майшасьны Петя.

— Ме тэныд, зонмö, висьтавны кöсийи и не öтчид, но кывзiн сöмын мамтö,— кöритис зонмöс Катя.— Сизим тöлысьён öтчид волiн!

— Дугдiн менö радейтны?

— Кутшöм нин радейтчöм тадзинадтö? Пашко Галясö пö коралан, мый нöшта тэд колö?

— Ме Галясö ог радейт, прöста сёрни. Эн пет гöрд юра Öльöш саяс!

— Киссьöм ватö бөр он курав,— Катялөн синмас некутшöм жальлун зон дорö эз тыдав дай сьölöмыс забеднöйсла вöли йи тор кодь.

Пес моздорөн ывлаысь пырис мамыс, зывöка видзöдліс кортöм гöсьт вылö. Мöдыс гөгөрвоис: зык пансьытöдз колö мунны, и петис.

— Мый сылы ковмöма?— пач дорын кияссö шонтiгмоз юалис мамыс.

— Прöститны корö, эн пö Öльксей саяс пет,— веськодьпырысь вочавидзис Катя, ыджыд зеркалö водзын юрсьыс бигуди перьялігмоз.

— Колі шуны: мамыд пö миянös мир пасьта янöдiс, сійös пö тöдан он?

— Эг шу. Сöмын висьталi, мый Öльксей сайö пета.

— А сійö?

— Тэ пырин да, пыр тай и муніс.

Свадьба кежлö лöсьöдчöм муніс кыкнан семьяс. Сур пуисны, вийöдiсны аскур, нывбабаяслы лавкаысь ньöбалисны небыдик гöрд

вина. Сватъясыс ю дорын олісны, черид пыр вөлі заптыштөма да, свадьба кежлас юксыштисны и Зөтинъяскөд. Яй да вый вөлі асланыс. Свадьбасө шуисны вочны кыклаын, медводз гажөдчасны ныв оланінын, сэсса став свитанас лэччасны рытнас жөник ордө, Ниашор сиктө.

Кыдзи и вөлі сёрнитчөма, гөсьтъяс Зөтин ордө чукөртчыны мөдісны асывъян, жөниксө да сылысь рөднясө эз жө ков дыр вичысыны, бара журкнитисны Зөтин өшины улөдз некимын легкөвөй машинаөн. Свадьба вылад төвъянсө и гожьян керкасө вөлі ломтөма, вөлі көні гажөдчыны. Пызанъяссө лөсьөдісны төвъян керкаас, гөсьтъяс төрисны ставныс.

Чолөмалөмъяс да том гоэялы бурсийөмъяс бөрын и заводитчис пирыс. Ю, сөй, кодлы мыйтөм колө.

Свадьбаыс вөлі тыр гажын, кодыр керкаас пырисны куим том морт, шатласгыр матыстчисны пызан дорө, көні пукалісны жөник да невеста.

— Тэ, вай чеччы менам местаысь!— чургөдчөм морөса зон индіс чуньнас жөник вылө, кывъясыс өдва артмалөны.

Керкаын ызгөмыс лөнис, коді шөйөвшөмөн, коді повзөмөн видзөдісны кытыськө локтөм зонъяс вылө. Куим том мортыс көнкө юөмаөсь да локтөмаөсь свадьба вылө тешитчөм ради али збылысь көсьөны жөниклысь местасө босьтны?

— Терень Петыр, өвсы, тані өд свадьба. Юин кө, мун гортад, шойччы,— өлөдны пондісны гөсьтъяс вельмөм зонмөс.

— Ог мун, ме көсья этійө местаө пуксыны,— бара индіс чуньнас Ёльөксеі вылө.

Мөд кык том мортыс вөліны гажаөсь жө, но найө кыв ни джын некодарө эз шуасыны, сулалісны Петякөд орччөн.

— Ме көсья жөникнас лоны, Катякөд орччөн пукавны,— педзис места вылас кортөм «жөник».

— А тэ, любезной, төдан-ө, коді сэні пукалө?— кыліс гөлөсыс Эдиклөн.

— Төда, менам невеста, ме сы вылө армияөдз нин көсьи гөтрасьны,— долис ассыс Петя.

— Он төд. Жөникыскөд орччөн пукалө красавица Антонелла,— Эдик шуөмын кыліс шмонь.

— Коді?— Петялөн синъясыс баргысисны Эдик вылө.

— Графиня де Монсоро,— серам сорөн содтіс Эдик.

— Кутшөм ещө графиня?— нем гөгөрвотөг пельпомъяссө лэптыштіс «жөник».

— Но, абу кө графиня, сідзкө, королева Марго.

— Абу тані некутшөм Марго, а ме көсья Катерина дорө пуксыны,— Петя збылысь кутіс вештавны кияснас пызан сайын пукалысьясөс.

Эдиклысь шмоньсө свадьбуйтысьяс гөгөрвоисны да мөдісны серавны.

— Абу кө тані королева Марго, эм, сідзкө, царица Екатерина треття,— Эдик өні наян зон вылын гы-гы-өн сераліс.— А царицаөс трон вылысь вөрзөдны оз позь, орччөн пукалысьсыс сылөн слуга — Ниашор сиктысь медся сюсь да шань зон Алексей Гаврилович.

— Ме сійö мeстaö кöсья, лэдзö мeнö!— öнi нин ышмöм зонмыд да винанас этшсö воштöмаыд збыльысь грöзитчис пырны Öльöш дорö.

— Тэнад мeстaыд, «жöник»... Ноко, зонъяс, тодмышкалö тайöясöс, ылалöмны керканас,— Эдик макнитис ськöд локтысь зонъяслы, и вит-ö-квaйт том морт звиркнитисны пызан сайысь, квaтитисны сойбордъя-сöдыс кортöм гöсьтьясöс да кильчö вывсыяныс гири-люки тойыштисны тола пиö.

Рытнас, кор керкаясын öзйисны нин лампочкаяс, Зöтин ордысь жöник да невестакöд петисны унджык гöсьтыс, кодъяс окотитисны тшöтш лэччывны Ниашор сиктö, свaдбуйтигмоз видзöдлыны Зöтин Катялысь виль оланинсö.

НЕТШЫШТÖМ ДЗОРИДЗЫД КОСЬМÖ

ВИСЬТ

Костялы бара на ковмис дыр пукавны стрöитчан контораын. Старшöй инженерлөн бöрья кадö юр выв тырыс вöли уджыс: оз эшты график серти öкмыс судта олан керкаыс, со и лоö лукйысьны удж бöрын быд пöлөс бумага пиын, корсьны мыжаöс.

Ывлаö петöм бöрын Костялы чужöмас чапкис бус кодь зэр. Луннас вöли шоныд, а рытнас поводдяыс вежсьöма, кöдздöдöма. Сюръяяс вылын мыйлакö биыс эз вöв, енэжас öшйöм кымöрьясыс дзикöдз пемдöдöны му эжсö, гашкö, та вöсна и улич кузя ветлысь-мунысьыс вöли этша.

Костялөн пинжак вылас плащ палгöма, кöтасьöмысь оз пов, мунö гортас шойчигмоз, тэрмасьтöг. Вöйтчöма аслас мöвпясьö да эз и пыр казьяв, кöни, кодi горзö. А горзic керка сайын нывбаба, корис отсöг: мездö пö, грабитöны!

Костя, том морт, эз полысь рöдысь вöв, котөрөн чепöсйис керка мышкö, кысянь кылис горзöм шы. Ывлаас кöть рöмдic нин, морт чужöмыд омöля тыдалic, но керка стен дорын ноксьысьяслөн мыгөрьясыс бура тöдчисны. Кык зонка топöдöмаöсь нылöс, мырддöны кисыс сумка, мöдыс оз сет, лёггоршөн равзö, корö отсöг. Костя варыш моз уськöдчис зонкаяс вылö: первой öтисö шыбитic муас, сэсся мöдсö ныв дорысь нетшыштит, чужйис ситанас, скöрысь стрöжитic:

— Зырымбедьяс! Нывлысь сумка мырддяныд, абу яндзимныд!..

Отсöг локтöм бöрын нывлөн вöлись личалис вир-сöныс да сыркъ-ялöмөн бөррдзис. Том морт босьтчис бурöдны нылöс, а сы костi сумка мырддысьяс удитöмаöсь пышйыны.

— Бур мортанöй, сё пасибö мездöмсьыд,— небыдик, вöсньыдик гөлөсөн, сыркъялöмысь дугдытöг аттьöалис зонмөс ныв.— Ме бöрысь лавкаысь петöмсянь вöтчисны, тыдалö, чайтисны сумкаын сьöм нов-лöдла. Öтчид мырддылисны да, öнi пола нин, сьöрысь ог новлöд-лы.

— Тайо зырымбедьясыс жö мырддылысны?— жалитыштис нылöс Костя.

— Ог төд, гашкö и, тайöяс, гашкö и, эз. Чужöмъяссö эг аддзыв, рытыс пемыд жö вöли,— ныв дугдис сыркъялöмысь, носöвикöн чышкалис синвасö.

— Лок колльöда гортöдзыд. Көнi тэ олан?

— Пушкина вылын, асланым керка,— нывлөн гөлöсыс дзыкöдз сайкалис, кылис весиг серамкодь.— Сумкаыс выль да жаль, сэссия папиросыс кындзи сэни нем абу, батылы босьти.

Костя олис Куратов нима улича вылын да нылöс колльöдны сылы вöли пöпуттö. Ныв горт дорö локтöм бöрын том мортлы окота вöли төдны, кыдзи шуöны да юалис нимсö.

— Роза,— вöсньыдик гөлöсөн шуыштис ныв, быттö малыштис небыдик кинас зонлысь чужöмсö.— Ме вузася рынок вылын кутшöм-сюрö шылльö-мыльöөн, верман коркö воыны, мыйкö ньöбны. А тiянöс кыдзи шуöны?

— Константин, бать-мам нимтöны Костяөн.

Та бöрын ныла-зонма и торъялысны.

Вöскресеннö вöли. Костялы окота лои лун югыднас видзöдлыны Роза вылö, пемыдад төдмасисны, да эз аддзыв нывлысь чужöмсö, нарошнö локтис рынок вылö аддзöдчывны. Ылöсас төдис, көни вузасьö Роза да регыд и аддзис киосксö. Аддзысисны да зэв лои рад кыкнаннысылы, быттö важөн нин төдöны öта-мөдсö. Тайö лун бöрас Костя быд лун мог пуктылис пыравны Роза вузасянинö, мед видзöдлыны нывлысь мичаник гöгрöс чужöмсö, оз тусь вом доръяссö, лөз енэж кодь сөстөм синъяссö. Ныв казялис жö зонлысь быд лунъя воывлöмсö да ачыс эз төдлы, кыдзи радейтчис сы вылö.

Институтас велöдчигөн Костялөн гөррдзассылыс радейтчöм, но велöдчöмсö помалисны, и нылыскöд йитöдыс ори: зонмöс ыстисны Сыктыварö, а ныв мунис Печораö. Розакöд төдмасьöм бöрын Костялөн эз ло узьöм ни олөм: удж вылас и гортас юр вемсö йирö öти мөвп, кыдзи öдйöджык аддзысьны нывкöд. Удж бöрас гортас воылтöг, кынöмыс сямалö коть оз, мунö Роза динö, йöжгылясьö-виччысьö сэни киоск пöдлалөм, сэссия колльöдö нылöс гортöдзыс.

Тадзи кыссис кык во. Тайö каднас зон удитис төдмавны ныв йылысь ставсö: во сайын помавлöма курсьяс, төдса морт отсöгөн пырöма киоскö вузасьны. Бать-мамыс юöны, эмöсь ичөтджык да ыджыдджык вокьяс. Ичөтыс велöдчö на, ыджыдджыкыс уджтöмалö, лун-лун шöйтö кар кузя, чукөртö тыртöм сулея. Рытнас локтö гортас бать мөзыс жö код, и пыр зык да шум. Ая-пия оз лөсявны, код юрнас тайкö оз косясьны. Роза көсийö мунны на дорысь, зыксянинсьыс, надейтчö петны Костя сайö верöс сайö. Зон ачыс ышöдис сы вылö, көсийс гөтрасьны, öд нывсö төдö кык во нин, тайö каднас кымынысь колльöдчöма, окалöма öмидз көра вом доръяссö, нывсö төдö гуг и бан. Мед, колөкө, пö и омоль семьяысь, юысь бать-мамлөн, петас сы сайö, мунас голь позсьыс. Öбөдитны некодлы оз сет. Овны мөдасны торъя патераын, сё пасибö Онтон пöльлы патера козыналöмысь. Царство сылы небеснöй,

вит во лоӧ таво мӧдар югидӧ мунӧмсяньыс. Гортсьыс мунас, бать-мам дорас кольӧ на чайыс, оз ло налы гажтӧм.

Тадзи Костя мӧвпаліс командировкаас мунтӧдз. Кык тӧлысь кежлӧ сійӧс мӧдӧдісны Питерӧ, стрӧйтчаң трестӧ, кызди бур специалистӧс опыт босьтны.

...Гортас локтӧм бӧрын Костя сійӧ жӧ рытнас муніс рынок вылӧ Роза дорӧ, вайис гӧснеч — зэв мича исергаяс, но вузасянінас ныв эз вӧв, сы пыдди киоскын мӧд ныв нин сулаліс. Кытчӧ муніс Роза? Виль вузасьысь эз сяммы висьтавны. Колис нӧшта тӧлысь джын, и Роза ачыс корсьӧма Костяӧс, звӧнитлӧма удж вылас, корӧма рытнас ресторано, мед сэні аддзӧдчывны.

Гортас Костя уджалан паськӧмсӧ вежис, бӧрйис шкапсьыс виза кольквиж дӧрӧм, пасьталіс пемыдсьӧд костюм, кодӧс пырджык праздникъяс дырйи новліс. Ыджыд зеркалӧ водзын бергалігас и суис воксӧ удж вылысь локтысь Зина. Ичӧтик сумкасӧ да босоножкияссӧ шыбитӧм бӧрын пыр и вомаліс воксӧ.

— Бара нин лӧсьӧдчан Роза дорад? Ӧвсьы, вокӧ, кадсӧ сёйны. Потаповкӧд пӧ сійӧ нюлсьӧ.

— Кытысь кывлін? Эн нем абусӧ баит,— ырыштчыліс чайыс вылӧ Костя.

— Пӧдруга висьталіс, сійӧ Потапов домас олӧ.

— Сӧрӧм. Вот талун муна и корала ас сайӧ.

— Йӧйтав. Кызь вит арӧс тыртан — и век на челядь.

— Розаыс мыйӧн тэд оз кажитчы? Зэв мича ныв, и ме сійӧс радейта,— дорйысис вокыс, ачыс пыр на сулалӧ зеркалӧ водзын, лӧсьӧдӧ галстуксӧ.

— Коді татшӧм жар дырйи галстук новлӧ? Йӧй!— мамыс кодъ гӧлӧсӧн жалитыштіс чайыс.

— Ог либӧ пасьтав.

— Эн, дай дӧрӧмьд тайӧ костюмьдлы оз мун,— Зина ачыс бӧрйис лым еджыд дӧрӧм, мыччис вокыслы.— Тайӧ лӧсялӧ, мунан кӧ быттьӧ свиданньӧ вылад, но меным Розаыд, синмын жель кодъ.

— Меным кажитчӧ, гӧтрасям, торйӧн мӧдам овны, пӧльлӧн патераыс тыртӧм.

Чайыс татчӧ нем эз шу, пырис аслас жырйӧ вежсьыны. Недыр мысти бӧр петіс орӧм коска, лӧз сера кокныыдик халата. Вокыс кодъ жӧ ичӧтик веськыд ныра, пашкыр сьӧдов юрсиа, руд синьяса томиник ныв. Кольӧм гожӧм помаліс медучилице, ӧні уджаліс роддомын медсестраӧн.

— Вокӧ, менам пӧдруга тэ вылӧ радейтчӧма, он, небось, сійӧс казяв. Розаыд сы дорын нямӧд!— Зиналӧн некыз эз инась сьӧлӧмыс, водзӧ броткис вок вылас, сэсся тшӧтш матыстчис зеркалӧ дорӧ, йӧткыштіс воксӧ, мед лӧсьӧдыштны ассъыс юрси кутӧдсӧ, ядритыштіс:— Тырмас мыш-водзтӧ бергӧдлыны, тӧдас Розаыд тэнӧ.

Ресторан дорӧ зон локтіс урчитӧм кадысь неуна водзджык, виччы-сигмоз ӧзтіс папирос да бӧра-водза мӧдіс пӧкажывайтны. Костя, ыла-

лёма аслас думъясö, гартіс-тэчис юрас нывкөд сёрни панассö да эз и казявлы Розалысь мышсяныыс сибöдчöм.

— А вот и ме!— зэв нимкодъпырысь шыасис ныв, сэсся вöлись мыччис кисö. Роза зэв мича лöз платтьöа, воротник дорсö быгöртöма бисерөн пöртмасъысь сикöтш кодъ мольясөн, восьса морöса. Еджгов юрсисö лэдзöма мышкас коскөдзыс, югыдлöз синъясыс мудера дзоргöны зон вылö, вöсньыдик паръяса ичöтик вомыс вашмунöма да тыдыштöны посньыдик пиньяс. Золушка кодъ ичöтик, вöсньыдик, мусаник ныв!

Костя сывйыштис Розаöс коскөдыс и пырисны ресторанö. Пызан сайö пуксьöм бöрын сёян-юан закажиттöдз ныв нюмъевтис да шуис:

— Сöмын чур: ме тэнö пригласиті, ме и мöда мынтысьны. Öнi ме озыр, закажит, мый тэд колö.

— Муса ныв, тадзинад абу лöсьыд. Ресторанад векджык мужичöй вештысьö,— зэв збыльысь пыксыны мöдiс зон, аслас весиг ус помъясыс мöдiсны тiравны, руд синъясас сувтис шензъыштöм.

— Тэ менö унаысь гөститöдлiн, талун менам öчередь.

— Ладнö, бöрыннас видзöдлам. Мый кутам юны?

— Ме ликёр юа.

— Ме либö коньяк.

Официантөн заказ босьтöм бöрын Костя паськыда нюмдiс, мудер синъясөн видзöдлiс ныв вылö, сэсся пöлынтьiс юрсö да вашкөдöмөн мöдiс висътавы:

— Талун ме тэнö корала и кöсья кывны сöмын «да».

— Часлы, эн тэрмась, вай гажöдчыштам, а бöрыннас и сёрнитам сы йылысь, но?

— Бара ковмас виччысьны!— дöзмискодъ том морт.

— Вай ужын бөрöдзыс нөрöвитлам, сэки стöча висътала.

— Но либö,— папирос öзтигмоз ньылыда шуис Костя.

Вайисны кык графинын юантор, закуска. Костя кисьтiс пемыдгöрд ликёрсö ныв румкаö, сэсся мöд графинысь аслыс — коньяк.

— Тостыс лоö миян аддзысьöм вöсна. Мед миян костö некод эз лысьт суйны нырсö!— румкаяснас точкисьöм бöрын кыкнанныс юисны. Сэсся сёйыштiсны, öттор-мөдтор йылысь сёрнитыштiсны да бара юыштiсны, сы бöрын Костя юаліс:

— Көнi öнi уджалан? Ме öд ог на и тöд.

— Öти частнöй фирмаын, Потаповлөн секретар пыдди, телефон пыр чукöртала кытчö да кутшöм тöвар колö, налөн карас вит вузасян лавка, некымын киоск, кык кафе, аптека. Сиктъясын на лавкаяс эмöсь и,— чуньяссö кусньöдлөмөн лыддьöдлiс Роза.— Важ удж вылас ковмис эськö во джын мырсьыны, мыйта тöлысьнас удждонсö тані мынтöны.

— Потаповыс том?— вежөгтöмкодъ кыліс зон гөлöсын.

— Ар комына.

— Гöтыра?

— Шуöны, гöтрасьлöма, бөр юксьöмны. Став уджнас ёнджыкасö Потапов-батыс бергөдлö, пиыс сöмын отсасьö.

— «Потаповъяс да К°» фирмаон, инё, шусьё тэнад уджаланиныд, — серамыс петіс зонлөн.

— Меным веськодь, коть кыдзи шуасны. Мынтёны тай бура-а.

— Пиыс тэнё босьтіс удж вылас? Кажитчин, сідзкө, сылы?

— Ог тёд. Метөг сы дорё нывьясыс унаон воливлөны, — Роза тані пөрьясыштіс: Потапов пиыслы сійё ёна кажитчө, рынок вылысь киоскыс аддзис да Розаос пыр и корис аслас контораё уджавны.

Залын ворсіс музыка. Сцена вывсянь сьылісны тешкодь куплетьяс, висьтавлісны анекдотьяс. Гажмыштём госьтьяс эз нин пукавны места вылас, өткымынөн йөктісны пызан дорас, некымын пара бергаліс вальсын.

Костялөн талун олан руыс кыпыд вөлі да бара на кисьталіс румкаясө. Роза эз жө пыксы, чукрасьтөг пөрөдіс румкасыс вомас, кинас чышкыштіс парьяссө, бара босьтчис сёйны. Вина жарсьыс Костялөн чужөмыс ломалө, руд синьясас поздысис вильышлун, ус улас вазьём льөбйыс калькаліс, тыдавын мөдісны табак тшынсьыс вижөдыштём пиньяс.

— Роза, сьөлөмшөр, ме тэнё радейта, көсья, мед тэ пыр вөлін мекөд, вай гөтрасям? — пөся кутіс сёрнитны сьөлөмсянь петысь кывьясөн Костя. — Тэ сөглас вөлін лоны гөтырөн, сідз өд?

— Ме юысь бать-мам дорысь көсйи мунны, а тэ гөтрасьём пыдди кытчөкө пышйин! — көритөмкодь артмис нывлөн. — Шуин: нөрөвитлам пө... Кутшөм мем сэки вөлі өбиднө. Ачyd ышөдін, ме надейтчи, бать-мамлы и быдөн висьтавлі. А өні менсьым ки коран?

— Менө командировкаё ыстылісны, — правдайтчис Костя. — Аски вай ветлам мянө, бать-мам мед бласлөвитёны.

Та бөрын Роза көритана синьясөн дыркодь видзөдіс зон вылө, пыркнитіс пашкыр юрсө, кывьяссө торйөдлөмөн морөс пыдөссянь петысь лов шынас шуис:

— Кор ме вөзйыси, сэки эн босьт, өні ачым ог көсйи!

— Мыйла? Дугдін менө радейтны?

— Ме, Костя, воддза моз на тэнё радейта, но олөмыс вежсьё и мөд синьясөн куті свет вылас видзөдны. Өти-кө, виль уджыс меным кажитчө, ог көсйи воштыны, мөд-кө, бать-мам моз гөль позйын ог көсйи овны.

— Ме абу нин сэтшөм гөль, кыдзи тэ чайтан.

— Кывзы, ме кызь арөсөдз майшаси юысь бать-мам дорын, югыд лунсө эг аддзыв, йөз дінө петны платтьөй эз вөв, пыр вежөй петіс мича паськөмаяс вылө. И вот, бур морт босьтіс менө удж вылө, мортө вөчис, уджысь ошкөны, сьөмөн оз өбөдитны. Сёя — мый колө, пасьтася — кыдзи көсья. Регыд кадөн лои йөз кодьыс, ачыс Потапов ошкө менө, пыдди пунктө. Сійё озыр морт, а тэ гөльсьыс-гөль.

— Тэ, муса ныв, гажмин тыдалө, ачyd он төд мый сёрнитан? — чуймис Костя.

— Ме абу на код, мед чуть кө гажмышті. А кори тэнё ресторанас веськыда висьтавны: тэ сайё ог пет! Коді тэ? Омөлик инженер, кодлы

удждонсö во джын оз сетлыны. Гötрасян да кыдзи мöдан семьятö вердны? Тшыг куласны.

— Роза, чöвлы!— öлöдiс нылöс Костя.— Менам патера эм, машина ньöби, батылön Дырнöсын дача, сэссия öд олöмыс коркö бурмас жö.

— Менам ставсö артыштöма нин, тайö мян бөръяысь аддзысьлöм. Вай чукöсты официантсö, мынтысям и мунам.

Сёрниттöг петiсны ывлаö. Зон көсийс на нылöс гортöдзыс колльöдны, но неылын сулалiс «Мерседес» автомобиль, чеччис сэтысь шоперыс да чукöстiс нылöс нимнас. Роза серöктiс, чожа матыстчис машина дорö, Костя вылö видзöдлытöг пуксис, и машина ыджыд öдön шуркнитiс-мунiс уличатi.

Костя вомсö паськөдöмön сулыштiс ресторан дорын, сэссия зывöка шуис:

— Роза эськö мича дзоридз, но ёсь емьяса да ёна бытшласьö.

Ресторан дорысь ылыстчöм бöрын «Мерседес» вывса шопер висьталiс Розалы:

— Потапов пиыс ыстiс тэла, час сайö нин ывлаас виччыси.

— Кытысь сийö тöдмалöма, мый ме ресторанын?

— Налön быдлаын син да пель, ресторансяныыс звönитлöмны, висьталöмны кодкөд тэ сэни пукалан.

— А öни кытчö менö нуан?

— Асланыс офисö корис, сёрнитантор пö эм.

Машина сувтiс öкмыс судта керка дорö, Роза танi жö луннас уджалiс. Шоперкөд пырисны керка помö писькөдöм öдзöсöд улыс судтаса кык жырья контораö. Потапов пиыс, кыз яя, пöльтчöм чужöма, нимкодпырысь паныдалiс воысьясöс, а шоперлы шуис:

— Тэ мун гортад, шойччы.

Контораас öти жырийн сулалiсны: пөрчысян шкаф, пызаньяс, телефон, пельöсас бумагаясön тырöм этажерка. Мöдас — телевизор, небыд диван, сэтшöм жö кык креслö, кокныыдик зеркальной шкаф, көни видзисны тасьтияс, румкаяс, эз быравлы сэтысь и вина-сур.

— Личöдчы вай, висьтась,— шыасис көзяин джодж шöрын сулалысь ныв дорö.— Кутшöма гуляйтiд? Синьяс сертиыд тай быттьö код-а.

— Игорь, ме шойччыны көсья, мудзи талун, аски висьтасья.

— Ме тэнö, рочакань, рытывбыд виччыси да ёнджыка мудзи. Вай öти здук пукалыштам, гажöдчыштам,— көзяин перйис шкафсьыс кык румка, коньяк доз и вöлись пуксьöдiс нылöс ичöтик пызан сайö.

— Төнья моз бара мыйöнкö юкталан? Асывнас юр чашка мöдлiс потны,— норасьны пондiс ныв.

Тöдмасьöм бöрас регыд и вöли делöыс. Игорь кольöдiс удж бöрас нылöс да юктöдiс коньякön. Роза эськö кык румка и юис, но бöрнас воштiс садьсö, нинöм оз помнит. Вöлöмкö, узьтöдан зелля вина пиас Потаповыс кисьтöма, медем нылöс вой кежлас кольны. Роза сэки ёна жö скөрмылiс, но мый нö вöчан, кор найö көзяеваыс да ставыс насянь и вичмö.

Розалы өні коньякыс эз нин пыр горшас, но Потапов мырдөн юктөдіс румка-мөд. Сэссия сёрни паніс:

— Өні висьтась, мый Желевыс тэнсьыд көйсийс?

— Гөтрасьны көйсө, коралө ас саяс.

— Тэ мый вочавидзин?

— Шуи: ог пет!

— Сідзи веськыда и крапкин?— водзө пытайтис Игорьь.

— Эг чуклясь, водзө ог көйсы корысявны.

— Правильнө, вай та вөсна юыштам.

— Мем тырмас, код нин.

— Ме юышта на, а тэ вод диван вылас, шебрасыс шкапас.

Потапов нөшта на лөдсалис румка-мөд, сэссия пөрччысис да водіс ныв дорө.

Розакөд торьялөм бөрын Костя зэв ёна майшасис, майшасьөмсьыс весиг чужөм вылас омөльтчис, пачкаөн лун папиросыс эз мөд тырмыны, но том сьөлөмыд некор тыртөм оз овлы. Аддзис сэтысь кушинсө чойыслөн пөдругаыс, Оля, да поздысис сэтчө дыр кезлө. Костя өні эз тэрмась гөтрасьөмнас, төдмаліс, збыль-ө сійөс Оляыс радейтө.

Розаөс Костя дзикөдз воштис, эз төд, көні сійө-олө и кызди олө, шуда-ө Потапов пиыскөд?

Коркө, төв кольөм бөрын, гожөмнас, Костялөн чойыс, Зина, локтіс роддомысь, вайис татшөм юөр:

— Вокө, тэнад вөвлөм зазнобаыд төрыт пи чужтөма.

— Но, Потаповкөд, сідзкө, өтвывтчөма,— зон шуөмын эз кыв жалитөм ни көритөм, но сьөлөмнас өнөдз век на эз вермы вунөдны Розасө.

Костя удж вылас ветлывліс подөн, и өтчыд друг вочаасис Розакөд, коді кагаа көляскаөн ветлөдліс тротуар вывті.

— Видза олан, Роза!— медводз шыасис зон.

— Бур лун, Костя,— юрсө муртса лэптыштліс ныв да син бөжнас кыйкнитліс мича костюма том морт вылө.

— Кызди олад-вылад?— сувтовкерис зон.

— Бура,— кызмырдөн шуис ныв и гөрддзасис горш діныс, водзө нем эз вермы висьтавыны.

— Менам вежсьөмьяс жө эмөсь,— ошйысьөм артмис зонлөн,— омөлик инженертө, кызди тэ коркө шулін, главнөйө пунктисны. Гөтрасьны көсья, субөтаө лоө свадьба. Тэнад со чужөма нин пи, а миян Олякөд ставыс на водзын. Но, ладнө, ог мөд тиянөс манитны, гуляйтөй,— тадзи шуөм бөрын Костя муніс аслас туйөд.

Роза сулаліс көляска дорын, чышкаліс чышъян помнас синвасө. Том йөй рунад ышмис озырлун вылө, чайтіс, Потапов гөтрасяс сы вылө, а мыйөн сійө төдмаліс Розалөн нөбасьөм йылысь, пыр и аддзис помка, вөтліс сійөс фирмасьыс. Нетшыштөм дзоридз моз Роза косьмөма: мича чужөмыс омөльтчөма, син гураньясыс вөйөмны, лөзөдөмны. Коркөя мича платтьөсө, пельясас син ёран исергаяссө, чуняс зарни чунькытшсө сійө өні эз нин новлы...

КУЗЬ ТУЯД БЫДТОРЙЫС ОВЛО

ВИСЬТ

М айö гижöдыс чужис 60-öд воясö нин, но пыр на куйлис пызан йöрын. Онi аддзи да выльысь лöсьöдышталi. Тайö лоöмторъяс йывсьыс висьтавлis меным зэв тöдса ёрт, кодi ачыс вöлöма сэни. Сэки мир туйыс эз на вöв асфальта, совхоз-колхозьяс скöтсö лэччöдлисны карö госпоставка вылö аслас кокөн на, Важ туйöдыс.

Тайö хроника-висьтас сöмын геройяслысь нимъяссö вежöма, а сэсся — ставыс збыль.

* * *

Оти асылö Кебра сиктысь гузьгисны-петисны мир туй вылö пемöс чукöр — ставыс комын нель душ. Ыджыд сюра мöсьяс нориника бакöстлисны, арöса кодзöм бычöяс ныр пырыс нiргисны, төвьöдöм куканьяс кизьöриник гөлöсьяснас ымöстлисны, тыдалö, тöдисны ыли туйö петöмсö, поставка вылö лэччöдöмсö да прöщайтчисны найöс видзысь-яскöд.

Найöс вöтлысьяснас вöлины витөн: кык мужичöй, сымда жö том ныв да дас нель арöса зон — Петя. Быдөнлөн киас — орс либö кузь ньөр.

— Галя, тэ вöсньыда пасьтасьöмыд, а кодздодас кө?— сиктысь петöм бöрын тöждысис ёртыс вöсна Настя.

— Мунiгад ог кынмы,— вочавидзис сьöd сэтөр синъяса Галя,— ной ковта пасьталi дай нопйын плащ на эм.

Настя нöшта мурталis видзöдласнас пöдругасö да жалитыштis: «Абу тай кузь туяд петöмысь повзёма, кызди бара подöныс карöдзыс лэччас-а?»

Галяös вир-яйнас енмыс абу öбөдитöма, лöсийтöм гыр моз вöчöма: судта и пасьта öткодь. Сийö ачыс и вöзйысьöма мöсьясöс поставка вылö лэччöдны: мед пö ветлиг-мунигөн вöснямышта, гос сывдышта, пигура вöчышта.

— Настя, тэ гуртсö ордйöд, мед мöсьясыс оз чожа мунны, посниясыслы сьöкыд вöтчыныс,— нарадитis син пöла Митрей Вась, вöтлысьяс пиын медся пöрысь да асьсö нырщик пыдди пуктысь морт.— А тэ, Сергей, öтар туй дорсö видзöд вöрас пырöмысь,— тшöктis орччөн мунысь зонлы.— Петя мед мöдар туй боксö кыйöдö.

Настя ордйöдис гуртсö, лои пемöсьяс водзын, ачыс нач туристка кодь: дженьыдик гöленя резинöвöй сапöга, лыжнöй гача, көрöм коска лöz курткаа, кельыд öгырөн сотчысь юрсисö кымöма шаньга кодь беретөн. Киас бедь, мышкас ноптор. Том нывлы татшöм паськöмыс зэв лöсялис, синмö шыбитчимөн тöдчöдис пелькиник да лöсьыдик тушатэчассö. Сийö вöсьлалis пемöсьяс водзын, корсюрö кыйкнитлывлis бөрвыв, тыдалö, польшtis люкыштöмысь.

А кадыс — гожöм пом. Сулалis кос поводдя, эз на тöдчы арлөн лов шыыс. Шонди, сынöд, вөр-ва — ставыс на вöли гожöм ки улын: зэрö,

гымалё либё пөжө. А өні со везон сайё нин эз зэр. Мөс чукөр весьтын буссыс кымөр артмө. Гурт вөтлысьяслөн паськөмныс, чужөмныс дзикөдз нин рудмөма. Пөсь, буса, лолавны сьёкыд. Буса вом дорьяссө отарө нюлыштөмысь Галялөн парйыс сотчө.

Галя муніс отар туй боктіыс, Сергей да Петя — мөдартыс, өтнас Митрей Вась камзьөдіс туй шөрөдыс, кадыс кадө равөстлывліс пемөсьяс вылө, а муқөддырйиыс и плетьнас вурыштлис дышджыка вөсьялалыс пемөслы. Сійө скөтсө бөрсяныыс вөтліс.

Медводдза лунсө пемөсьяс чожа мунісны, пажынөдз воисны нин Чукаыбөдз. Тані шуисны пемөсьясөс шойччөдыштны, йирөдыштны, юктөдны. Коньөр пемөсьяс руз-раз паськөдчисны Вепра юдорса видз вылө.

Том йөз уськөдчисны ю дорө мыссьыны, а Митрей Вась кольччис пастукавны.

— Ок! Өні кө купайтчыштны — лөсьыд!— окайтө Настя көдзыд васө чужөмас чайыгыр, пөттөдзыс мыссьөм бөрын бергөдө чужөмсө пөдругаысланы:— Ныр-вом көть едждыштіс эз?

— Акань кодь лоин,— ошкө пөдругасө Галя. Сійө радейтлис быдөнөс ошкыны. Нывъяслы таысь зэв любө; гашкө, сы вөсна некор сійөс эз и кедзөвтны, эз өтдортны. Нылыс небыд характернас вылө пуксьытөг быдөнкөд лөсяліс, торйөн нин Настякөд. Но асьсө Галя некытчө туйтөмтіс туша-тэчас радиыс, көть и ныр-вомыс мича вөлі. Сылы чайтсис, мый зонъяслы нылыдлөн туша-тэчасыс главнөй, найө медводз веськөдасны синнысө кок вылад, коскад, сэсся морөсад да вөлисти видзөдласны чужөмад. Кажитчас кө — нюмдасны, оз кө и — оз. Өні, кызь арөс тырөм бөрас, ныв юр кольмытөдзыс мөвпаліс верөс сайө мунөм йылысь, арталіс да донъяліс тайө вөськовсө быд боксянь, мөвпаліс сідз и тадз, сэсся бөрын гөгөрвоис, мый бөчка кодьөн кө лоө пыр — нем и мөвпавны верөс сайө петөм йылысь.

Мед водзө оз кыз, сійө дугдіс столөвөйын пөваритөмысь, пырис совхозө, медым пөсь петтөдз уджавны да тадзи вөснөдчыны, лоны статяөн. И со тарыт ачыс вөзйысис мөсьясөс карөдз подөн лэччөдны.

Сергейлөн мыссьыссьөма, да өні матыстчис нывъяс дорө, шөр тушаа, зумыд пельпомъяса, кузьмөс чужөма, нывлөн кодь лөз синъяса өн зон. Сыкөд арлыдаясыс служитісны нин армияын, но Сергейөс омөля пельнас кылөмысь эз босьтны. Сёрнитіс сійө гораа, кыз гөлөсөн.

— Галина, мыйла тэнө оз шуны Линаөн?— ю дорө пуксигмоз шмонь сёрни паніс Сергей.

— Тэнө тай оз шуны Степанөн, либө Иванөн, Сергей ним эм да,— шмоньсө гөгөрвөтөг збыльысь вочавидзис ныв.

— Ангелина, Полина, Социалина — ставыс лоө дженьдөдөмөн кө — Лина, а Галина сідз жө помасьө Лина вылө. Сідзкө, өткодь, вот и кута шуны тэнө Линаөн,— пыр на шмонитіс Сергей.

— Эн сөр. Менам Галя ним эм, и абу мисьтөмджык кутшөмкө Линаысь.

Тадзи вензигөн и шойччөмыс помасис.

Настя да Галя өні кольччисны мөсьяс бөрө, нырщикавны ыстисны Петяос. Митрей Вась да Сергей нывъясысь кольччыштöмны, мунігмо-зыс мыйкө варовитöны. Настя мунö веськыдладортис öтнас, вöйтчöма аслас мөвпъясö, казтылö, мый вöлі бурыс да лёкыс олöмас. Нывлөн өні на син водзас сійö страшнöй луныс, кодыр гөрд вом дора мамыс да кутшöмкө дядьö вайисны сійöс карысь да колисны бабыс ордö. Нывлы кажитчö, мый тайö вöлі зэв нин важөн, но өні на сьölöмыс забеднöсьыс топавлö, син доръясыс вазьылöны. А батьсö оз помнит: вилöмны сійöс.

Настялөн быдмöмыс и велöдчöмыс муніс бабыс ордын. Та вöсна, гашкö, и олөм вылö видзöдласыс, пытшкөсса мирыс омöля торьялісны öта-мөдсьыс. Йöзсянь Настя кывлывліс бабыслөн томдырся сюсь-лун йылысь, сылөн збойлун йылысь, и сійö бур киподтуя тölка пöчыс сяммöма вичмөдны став бурторсö нучкаыслы. Öні найö йитчöмаöсь синмөн аддзытöм везьясөн да некор эз дзевны öта-мөдсьыс вöйт мында гусятор. Ныв окотапырысь юксывліс пöчыскөд аслас медся мича да сöстөм мөвпьясөн, эз көсий дзевны и өні Сергейкөд лөгасьöм йылысь, кодкөд шөр школа помалөмсянь нин ёртасисны. Сэсса ба-быс жö и тшөктіс нучкасö петны тайö сьöкыд туяс, гашкö пö, öтлаад мунігөн бурасянный бөр.

Настя дзумгысьöма-вöйöма аслас думъясö, эз и казьявлы наян мөслысь вөрö пырөмсö.

— Тэнö, ныланö, рөмдігас слепöкур али мый босьтіс? Мөссö тай вöрас колин!— Митрей Васьлөн горөдöмыс вайөдіс нылös ас сядяс. Нывлы лои пыравны вöрас да пановтны пемöссö.

Настя лыддис асьсö мыжаөн да горөдысьлы паныдсö нинөм эз шу. Но сьölөм дінас мыйкө ззлавліс, öбиднö вöлі Сергей дырйи тадзи сійöс шуöмысь. А Митрей Васьлы веськодь, быттьö некод вылö эз и горөдлы, плетьнас шенасигтыр мунö да аслыс бротөдчö.

— Талун колö вөдчыны Визин дорса Сорд грездөдз, ставыс кө лөö лючки-ладнö, аски колö Межадорын узыны.

Сорд грездö ёна рөмыднас нин локтісны. Пемөсьясös йөрö мес-титöм бöрын ывлаыс дзикөдз пемдіс, юр весьтын дзирдавны кутісны кодзувьяс.

Нывьясös узыны лэдзис öтка пöчö, а мужичöйяс шуисны войнас пемөсьяс дорын дежуритчыны.

Нывьясös пöчö ужнайтөдіс да тшөктіс водны крөватьö, но найö öткажитчисны: ми пö бусаöсь да пöлатяд каям. Водөм бöрас Галя вöлись кутіс норасыны пöдругаыслы.

— То кутшöма кок зыртіс, öдва нин локті.

Настя видзөдліс да ойкнитіс: Галялөн кок шегйыс вольсьöма, яр-свидзö-доналö гөрд.

— Колö мавтны мыйөнкө да көртыштны,— майшасьны пондіс Настя.— Аски тэ мунный он вермы. Пöчыслөн вазелин, гашкö, эм, час ме чеччыла да юала...

Ныв чеччис пöлатысь, пырис жырьяс пöчö дорö, недыр мысти бөр петіс, дозмукин руд мазь вайис.

— Бур зелля пö тайö.

Öтчүд мавтыштöмысь Галялөн садьыс быри, дой вылас быттö кислöта кисьтыштисны.

— Ой-й-й! Мамöй-мамöй! Зöлитö!!!

— Первойсö зöлитас, сэсся дугдас,— öлöдис пöдругасö Настя.

Но Галя нöшта на ёна мöдис ымзыны.

— Ой, караул! Ог, ог вермы терпитны... кула татчö!..

Настя бөр лэччис джоджö, кутис лыддьыны гижöдсö, но этикетка-ыс вижöдöма, вушйöма шондi водзын да омöля тöдчис. Медбöрын сяммис жö лыддьыны да чожа кавшасис бөр пöлатьö.

— Тайö мазьыс лудöмысь, колö бөр чышкыны.

Галялөн дойыс ланьтис коркö вой шөр бöрын и вöлись нывъяс унмовсисны. Асывнас пöчүд казялöма ассьыс ылавлөмсö, нывъяс водзын кутис кевмысьны:

— Бобöяс, дивитö кöть эн, а пöрысь выживыдлөн сорассьöма. Тайö мазьсö ме кольöм ар першавлысь корлi, порсьсянь лудöм сойö вуджлiс да.

Туйö петтöдз нывъяс лысьтисны мөсьяслысь кык ведра тыр йöв да пöшти ставсö пöчöлы колисны.

Талун Галя мунiс чотiгтыр, кок зыртöминыс доймис, но ачыс некод водзын эз няргы, Сергей казялiс да пыр и юалiс, а Митрей Вась жалитöм пыдди «гы-гы-гы» серöктiс: абу пö кокад здоровьейд, мед пö мукöдлатыс дзоньвидза-а.

Луныс бара лои шонид, но төнлун серти тöладжык, эзджык вöв öвада мөсьяс дорын. Лыска пуяс шувгисны, коръяяс сёлгисны. Гурт вöтлысьяс пыр частöджык чатöртчывлiсны кымöртчыны мөдöм енэжö, виччысисны зрыштöм.

Асывсянь öти кодзöм бычö мöдис чотны, сэсся пажын гөгөр и дзикöдз сувтiс да нюзöдчис туй вылö. Митрей Вась эськö пондылiс чеччöдны плетьнас, но весьшөрö. Пемöсыд, тыдалö, чорыда коксö песöма, беднöйлөн весиг син доръясыс вазьöмны, сьöкыда пошкö-лалö. Том йöз виччысисны Митрей Васьылысь воча кыв, но та пыдди сийö арыштiс бугыль пöвсö нывъяс вылö да лёкысь горöдiс:

— Мөсьясыд вöрас пышйöны!

Том йöз уськöдчисны пановтны. Кор став пемöссö чукöртiсны, Митрей Вась шуиc Сергейлы:

— Тэ вай, зонмö, тайö сюра дявөлсö видзны кольччы. Шойччыштас да, гашкö, и водзö мунас.

Мусукыскöд торйöдöмысь Настялөн вомыс калькалiс шуны: ачүд пö тэ гуртөн «веськöдлысь» кольччы, зэв пö тай яра командуйтан быдөн вылын, но, гашкö, повзис ныв сёлöмыс скөр дядьöысь, гашкö, яндысис Сергейысь да нинöм эз шу, сöмын плеш пырыс букуша видзöдлiс «командир» вылö, код вöсна талун бара на сёрниттöм лöö Сергейкöд.

Том морт да кывтöм пемöс колины вөлökö öтнаныс.

Номъясысь öвтчигмоз Сергей сулалiс, синъяснас колльöдiс мөс чукөр, кытчöдз найö эз бердны чукыль сайö. Зон аддзылiс Настялысь бөрвыв видзöдлөмсö, муртса тöдчымөн кинас öвтыштöмсö, но эз

гөгөрво, мый көсйис сійөн ныв шуны: көритө али жалитө өтнәсөн кольчөмысь, сәсся пьдисянь ышловзё да гораа төдчөдө:

— Колө Настякөд сёрнитлыны, бурасыны...

Том морт нетшкис моздор тыр турун, сетис пемөслы. Ачыс кежис туй бокө, корсис лөсьыдджык места, пуктис нопсө юр улас, нюждөчис кызд улө. Номъяс дөзмөдчөмысь чужөмсө тупкис носөвикөн, кунис синъяссө да зилис немтор йылысь не думайтны, сідзи прөста куйлыштны, виччысьны бычөлысь шойччөмсө, но куйлігас юр вемыс уджалө, вөйтө пьдөстөм мөвпясьсө. Сергей медводз вежөртис, мый колө водзө велөдчыны. Во-мөд сайын босьтчыліс пырны институтө, но кык балл тырмытөм вөсна эз веськав, өні век на забеднө; мөд-кө, армияө эз босьтны сьөкыд пель вөснаыс. Кызь арөснад зонмыдлы топыда нин колө водзө олөм йылысь мөвпыштны. Аслас чайтөм серти кажитчис, мый мывкыдыс сьлөн пыр на челядь кодь — төвруа. Татшөм кокньыд характер вөснаыс жө и Настя лөгасис сы вылө. Колө жө вөлі сылы Илля лун празник дырйи шома юрнас крукыштны карысь локтөм гөрд вом дора нылөс да йөз водзас колльөдны сикт кузя.

Асьсө пьдди пуктысь ныв татшөмтор вөчөмысь зонлы, дерт, оз прөстит, лөгавны пондас, парсө чушйөдлыны, кодкөд не өти рыт колльөдчөма, висьтавлөма сьлөмсянь петысь пөсь кывъяс. Настяөс Сергей сьлөмсянныс радейтис дай, буракө, нылыс эз вөв сы дорө көдзыд. И вот кызди артмис... Өні том морт эз гөгөрво: дзикөдз кө лөгасис Настя, мыйла мөдөдчис ськөд сьөкыд да кузь туяс? Сергей эз висьтав ни эз нуөд нылөс, сійө ачыс кыськө кывлөма да вөзйысьөма. Сідзкө... сідзкө сійө эз нажөтка понда мөдөдчы — пөчыс пенсия босьтө, а ачыс совхозын уджалө — сьөмнад некор оз орлыны, сідзкө, мекөд бурасьөм ради лэччө.

Шондйыс лун шөр бөрын пыр тшөкыдджыка сунласьліс кымөр сайө. Поводдяыс вежсис, но ывла вылас сьнөдыс пыр на оналіс шоньдөн, мый вөсна ном-өвадыс сатшкысьөмөн сатшкысис куш яяс. Сергей вөчис кызд пу корөсь да пондис шенасыны, вөтлавны номъясөс. Тадзи мыйкө дыра пукаліс на, сәсся дзикөдз дөзмис өвад вылө, петис туй вылө. Зон вылысь видлаліс пемөслысь коксө, но нинөм синмө шыбитчанасө эз аддзы да жалитөм могысь пондис малавны пемөслысь паськыд плешсө.

— Но, мый нө лоин, мый? Вай, батюшка, чеччы, водзө мунам, дзикөдз колясны мяняс...

И дивө! Кывтөм пемөс быттьө гөгөрвоис мортлысь корөмсө, размөдысь выныштчис и сувтис кок йылас. Сәсся чөтигтырйи мөдөдчис мунны.

Мудзөм да вир тшыг пемөсьясөс бара на ковмис Межадорө локтөдз сувтөдлыны да бур здук йирсьөдны, сәсся рытнас нин воөдчисны матысса грездөдз. Пемөсьясөс тані некытчө йөршитныс, грезддорса луг вылө и лои коньөрьясөс өтилаө чукөртны. Гурт вөтлысьяслы бипур дорын жө ковмис войсө коллявны. Настя Галякөд войбыд воча син эз лапкывны, дзоргисны-видзөдісны мир туй вылө, мыччысяс оз бычөыскөд Сергей, но зон ни пемөс сідзи эз и локны. Аскинас виччысьнысө быри

Митрей Васьлөн терпенньоыс да том йёзёс ыстіс гуртнас водзё, ачыс кольччис сиктё, шуис, машина пё корсьла да Сергейлы паньд ветла.

Войнас прамёякодъ зэрис, буссё туй вывсьыс весалис, мунны лои кокньыдджык. Овадыс талун эзджык тёнлунья моз сапкысь, омольджыка вийсисны и пемёсьяс.

Петяёс ыстісны нырщикавны гурт водзё, нывьяс кольччисны бөрө. Мужичёйястёгыд асьнысё кутісны вольнойджыка, тэрмасьтёг восьлалисны пемёсьяс бёрся да зэв пёся варовитісны. Галя век на чотыштё, мунё пёлынясьомён. Настя сы дорын кажитчис чёрс кодъ вёсньыдён да чирк кодъ пелькён. Муніс кокньыда.

Кык пөдруга орччөн муниганьыс мый йылысь сөмын эз больгыны. Адам-Евасянь да талунөдз том олөмыс интересуйтіс да майшөдліс найёс. А мый нё? Вөчны нинөм, яндысьны некодысь, гусяторьяс өтамөдсьыс эз вөвны, вот и варовитісны пөттөдзыс! Сёрни да басни сорөн муниганьыс нывьяс эз и казьявлыны пажын кад локтөмсө. Шуисны гуртсө шойччөдыштны, йирөдыштны туйдорса кушины, аслыныслы колө вөлі нурьясьыштны и. Окурат тайё здукас и вөтөдіс найёс Сергей. Локтөма пөпутной машинаөн, ачыс нюмьялө, синьяссө оз вештыв Настя вылысь, висьталіс: войсө коллялөма вөлөкас, узьөмны бычөыскөд воча мыш, а Митрей Вась абу и волөма паньдыс, машина аддзытөм улө ыстысьөмөн. Талун асыв сійө кольччөма пемөс дінас, медым кытчөкө инавны.

Пажнайтөм бөрын Галя думыштіс: колө пө вешйивны друга-пөдруга дорысь, медым сетны налы сёрнитыштны, мед нин пө бурасьөны. Тайё мөвпсө төд вылас кутөмөн и висьталіс:

— Ме гурт водзас жө Петякөд мунышта.

Сергей ог төд, гөгөрвоис-ө нывлысь тадзи вөчөмсө, но Настя дзик пыр жө казьяліс пөдругаыслысь мөвпьяссө да гусьөник нюмдыштіс. Ныла-зонма колины кыкөнөсь, кыв ни джын шутөг вель дыр мунісны. Эз лысьтны юрнысө лэптыны, видзөдлыны өта-мөдыслы синьясас. Сергейлы зськө окота вөлі сёрнисө панны, но эз төд, кысянь да кызди чөв олөмсө торкны. Настя тшөтш быттьө кывсө нылыштөма: первойөн эз окотит паньд сетчыны, лыддис асьсө правөнджык, но думнас виччысис зонлысь сёрни панөмсө, сэсся кокньыдджыка нин ышловзис мусукуыслысь гөлөссө кылөм бөрын.

— Тэ дыр-ө чайтан мөсьясыс олөны?— ныв дорө матыстчигмоз юалис зон. Та дырйи мыйлакө эз шу нывсө нимнас, но «тэ» кывсө торйөдыштіс.

Дыр-ө олөны мөсьясыс свет вылас, Настя эз төд да вочавидзис ылөсас:

— Во дас кымын.

Сергей төдысь морт моз кутіс висьтаваны:

— Мөсьяс пө олөны 36 арөсөдз, өшьяс да ыжьяс — 20, а порсьяс — 16 арөсөдз. Пемөсьяс пиысь меддыр олөны вөвьяс, позьё шуны, дзор старикөдз — 67 во.

Татшөм төдөмлун петкөдлөм бөрын ныв шензяна синьясөн видзөдіс зон вылө: вот пө тэ, зонмө, кутшөм төдысь вөлөмыд, а ме пө

ог и чайт вöлі. Сергей казяліс нывльысь сюся кывзёмсö да водзö пöся нуöдіс панöм сёрнисö. Öні сійö висьталіс, кутшöмöсь овлöны мöсьяслөн пöрöдаяс да мыйöн торьялöны öта-мöдсьыс.

Галя муніс гурт водзас сьылігырйи, колипкайлөн кодь мича гөлöсыс юргис туй вылын, паськöдчис нэмöвöйся вөр пöвстö, öтлаасис шувгысь-сёльгысь пуяскöд, но бöрын мунысь ныла-зонма вöлі ылалöмны асланыс сёрни-басниöн да эз и кывзыны сьылöмсö.

Ныр улас сунгысьтöдз мудзём бöрын коркö локтісны öти овтöм керка дорö, Ыб заводитчаніно. Пемдö нин вöлі да водзö эз мöдöдчыны, шуисны сэні узьмöдчыны.

Тані найöс и вöтöдіс Митрей Вась, висьталіс: бычöыслөн пö кокыс висьмöма ли, музгыльтчöма ли, муннысö водзö оз вермы, öти тöдса ордö пö коли, мöдысь мöсьяс лэччöдигөн пö кöзяиныс бөр сетас. Сергей ачыс матайтчыліс сійö бычöнас да эскис Митрей Васьлы, но эз тöд, дай думыштыны эз лысьт, мый гуртөн «веськöдлысь» бычöсö асывнас нин вузалöма Межадор сельполы. Öні, кöнкö, няпйöны-сёйöны нин чöскыд бычö яйсö сиктсаяс.

Митрей Васьлөн ичöтдырыс прöйдитіс кольём война дырйи. Ичöтсьянь пондіс нимавны кузь киаөн. Асланыс грездын керка эз кольлы гуллысьтöгыс. Вöлі вывті лукав: пырас керкаад некод абутöминас, гурйыяс пачас, шыдсьыс яйсö сёяс, йöв кашниксö ректас, чипан улсьыс кольксö босьтас и бөр петас. Сёян-юанысь öтар нинöм на эз вөрöдлы. Сэсся воысь-во пöвадитчис и гырысьджыкторьяс дінö кутіс кватласьны. Мортыд, тыдалö, чöскаммис дарöвöй сёян-юан вылас, гусьясны кутіс и гётрасьöм бöрас. Нинöм эз öтдорт, матынінсьыд да дзэбастöмджык пуктöминысь öдйö, мый аддзас да колö, шышнитліс. Тадзи, синмö пырысь гут моз, грекөвöйтіс сиктсаяссö, кытчöдз прамöй морт улö эз веськав. Сэсся кольём во на и локтіс дзескыдінын пукаланінысь, син пöвсö и быдөн сэні воштöма. Овмöдчис семьясьыс торйөн: гöтырыс эз сибöд, да оліс öтнасöн. Мый вöлі нажöвитыштö, сійöс и юыштö.

Узьмöдчанінас керкаыс сулаліс юр пöла, сэні жö киссьём карта да неыджыд амбар.

Митрей Вась Межадорысь локтіс гажакодь, дзирдалысь бугыля, пукаліс бипур дорын, куритчигмозыс сераліс, анекдотьяс висьтавліс. Сэсся том йöзлы тшöктіс шойччыны, узыыштны, ачыс кöйысис мöсьяс бöрся видзöдыштыны.

Рытыс воис кымöра, дай позис виччысьны, мый войнас ыркöдас. Увтасіньяс вевттьысьöмаöсь майтöг быг кодь руөн, вөр-ва унмовсьöма, кыліс сöмын пемöсьяслөн ыджыда лолалöмыс. Митрей Вась вель дыр бипур дорын пукаліс, некымынысь куритчис, сэсся чеччис, кок шытöг кыньгис-муніс амбарлань — татчö локтігас нин казяліс тайö неыджыд стрöйбасö. Сійö видзöднысö вöлі выль на: кöзяиныс, тыдалö, мыйсюрö сэні видзис. «Пытшкас, гашкö, мыйкö згöдчитчантор эм», — кöйнöс яй дінö моз кыскис мужичöйöс горшлуныс. Видліс öдзöссö — пытшкөссяныс игана. Вевт вылас кавшасис, морт тöрмөна розь вöчис да шлювöдчис пытшкөсас. Зепсьыс истöг корсигөн шаговтыштіс водзö,

но вештём кокыс некытчө эз мыджсы, да мужичёй сунгысис гуё кымыньон. Чужём пасьталаыс чапнитис кодзыд, дуксьом ва. Повзьёмысла мыйкө кёсийс горөдны, но сөмын упкөм и артмис. Сэссия Митрей Вась коркө сувтис кокъяс вылас, кималасөн гөгөр видлалис да вөлись гөгөрвоис: тайё абу амбар, а зновтём көбрег. Налькйё шедөм мортыд чорыда матьөктис да вөлись кутис кавшасьны-петны гусьыс. Кёсийс выльысь биасьны, но истөгыс котасьёма, ковмис бара кималасөн петны пыран розьёдыс. Сылөн нопьяс шоныд дөрөм-гач вөлі, коліс вежсьыны, но бипур дорас эз кёсий пасьтөгыс пөрччысьны да муніс киссьом керка саяс.

Галья садьмис, кежис сійё жё керка саяс, но сійё жё здукас шердйысь вөв моз котөрөн локтис пөдруга дінас.

— Ой, мамөй!.. Ой, караул!.. Ой, ой, ой!— повзьёмысла став вир-яйыс нывлөн тіралө.

— Мый лоис, вөтасин ли мый?— тшөтш садьмис Настя.

— Ой, караул! Эстөні пасьтөм бубу!..

Настя гораа серөктис.

— Каститчө, буди.

— Збыль, сё збыль!

Нывьяс чеччисны, выльысь ветлісны керка сайё, но сэні некод нин эз вөв. Митрей Вась сы кості удитөма локны да нюжөдчыны бипур дорө.

Аскинас мөс лэччөдысьяс зэв крут чойяса помасьлытөм Ыб сикт кузя мунісны пөшти лун джынсө. Том йөзлы сюри тані пөсь петтөдзыс котравны, панлавны пемөсьясөс йөз град йөрө пырөмысь. Горзөмысла Петялөн сибдөма гөлөсыс, Митрей Васьлөн нывлөм жө лэччө чужөм кузяыс, быттьө пөсь пивсянысь петөма. Мича да джуджыд ыб гөраяс Галялысь вөрзьөдісны сьөлөмсө, ылькнитис-петис морөс кудсьыс горөдөм:

Джуджыд гөра, Кебра гөра!

Зэв ылысянь тыдалө.

Окаяннөй менам сьөлөм,

Кебрасасө думайтө!

Настя тыр шуда синьясөн видзөдліс пөдруга вылас да этша и шензьыштис, медбөрын эз терпитсьы да юаліс:

— Мишатө думыштін?

— Сійөс, но менө, тыдалө, зимөгорыд вунөдіс.

Нывьяс дорө матыстчис Митрей Вась, өтка синсө читкыралігтыр мөдіс висьтавны.

— Ыб помас эм төдса, зэв прамөй морт, сэтчө узьмөдчам. Чойяссө лэччиг-кайигөн пемөсьясыс мудзисны да водзө вөлөкас огө нин пырө.

Митрей Васьлөн төдсаыс быдөнөс бура примитис, пемөсьяссө кутшөмкө овтөм картаө и быдөн йөршитис. Нывьясөс вердөм-юкталөм бөрын петкөдіс шойчыны мөд керкаас, а мужичөйяс кольччисны көзяин дорө. Зумыд, ён дядьё чайник самөкур лэптис, юө пө, кодлы

мыйта колö. Петя пыр и бöрынтыс, пырис жыръяс да водис. Сергей кутлис жö аснырасьны, но кöзяиныс и кывзыны эз кöсьы. Пырин кö пö мянö — тэ гöсьт, а гöсьтöс не пыдди пуктыны — некытчö туйтöмтор. Сидзкö пö, давай чокнитчам...

Медводдза стöкансö пöрöдöм бöрын Сергейлөн ки и кок лёталис, чужöмыс гöрдöдис, синъясыс гудырмисны. Мöд стöканысь быть нин кутлис öткажитчыны, но öнi Митрей Вась нин мöдис кевмысьны: юышт пö, мед мудзыд прöйдитас, сөнъяссьыд вирсö разöдас, сэсся кутшöм пö тэ мужик, чипан мында юыштöмысь кö коддзан? Та бöрын нöшта на мырдöналисны стöкан-мöд пöрöдны. Эновтисны сöмын сэк, кор зон кымыньөн сапкысис диван вылас, здук мысти нин шкоргис-узис.

Том морт коркö войнас садьмылис, мужичöйяс, кылö, пыр на чайник дорас варгисны.

— Но, сидзкö, по-рукам,— кылис кöзяинлөн кыз басыс.

— Давай,— шуис Митрей Вась да кылис ки на ки воча швачкысьöм. Та бöрын деньгаөн моз кылис шпорöдчöм шы. Сэсся бара кöзяинлөн гөлöс.

— Лыдды, ме честнöй морт...

— Ладнö, верита,— шуис Митрей Вась.

Сэсся кылö, кыкнанныс петисны ывлаö. Сергей кöсьис виччысьны пырöмсö, но эз и тöдлы, кызди бара унмовсис.

Войнас бара зэрöма. Сергей кымöра лун кодьыс зумыш, шог, морöс письыс ставнас кöсьис петны ортсö, кöсичаас быттö нöшкөн сетöд-лисны, весиг сёрнитныыс вöли дыш. Настя гөгөрвоис том мортлысь майшасьöмсö да ньöти жалиттөг көрityштис:

— Пир вылö али свадьба вылö веськавлін? А ещö: виччысьлы пö, рытнас пö локта... Вот тэ кутшöм вөлöмыд...

Ныла-зонма кольчыштöмны мукöдсьыс да некод эз кыв налысь сёрнисö. Сергей кылис асьсö мыжаөн, эз кöсьы правдайтчыны. Зузьöдис-мунис сийö некод вылö видзöдтөг, нинöм йылысь думайттөг. Митрей Вась бара сы пыдди Галякöд шутитис, сералис — эз тöдчысылөн некутшöм пöкмелля висьöм. Сергейöс жалитöм могысь вашнитис зонлы пеляс: «Пажгаöдз терпит, сэни пöкмелитчам».

Том морт шеныштис кинас.

— Шабаш! И думайтны ог кöсьы.

Водзöссö мужичöй гы-гы-гы-өн сöмын серöктис.

Мöсьясös шойччöдигөн Настя друг матыстчис зон дорö. Синъясыс да чужöмыс зэв тöждысянаöсь, тöдчö, мыйыськö волнуйтчö.

— Сергей,— тэрыба кутис висьтавны ныв,— мем кажитчö: гуртас кык пемös оз тырмы, гырысьыс, а посныыдыс лишнöй.

— Мхы, интереснö. А тэ эн ылав?— эз веритсьы зонлы.

— Сергей, со тайö куканьыс абу мян, мöсьясыс коньöрös люкалöны, оз сибöдны ас динас. Мукöд куканьяссö тай оз люкавны, сибалисны нин öта-мöд дорас,— Настя висьталис тайös да видзöдлывлис зон вылö, мый сийö вочасö шуас, но том морт чукöстис Галяös да корис выльысь висьтавны.

— Миян узигкості вермис кодкө бычөсө вежны кукань вылө,— дыр думайттөг кывкөрталіс Галя.— Колө Митрей Васьлы висьтавны.

— Вайө лыддыам выльысь да вөлисти,— корис майшасьысь нывьясө Сергей да ачыс медводз босьтчис артасьны.

— Тані дас көкъямыс душ гырысьыс,— лыддис зон.— Ставыс кызь вөлі, өтиөс Межадорө колимө, сідзкө, өти ыджыд пемөс оз тырмы, но бара өти куканьон со лыдыс унджык.

— Ме тай шуи, мися, ыджыд мөс вежөмны кукань вылө,— стөчмөдіс Настя.— Кыдзи сійө лои, колө төдмавны.

— Чөвлө, ме войнас унзильон моз кывлі налысь сёрнисө,— өлөдіс нывьясө Сергей и висьталіс, мый йылысь сёрнитісны Митрей Вась да көзяиныс.— Вай огө на «веськөдлысьыдлы» висьталө, быттьө ми нинөмтор ог төдө, ачыс асьсө явитас.

Том йөзлы зэв өбиднө вөлі ас мортон тадзи ылөдлөмысь, найөс йөй туйө да пыдди пуктытөмысь.

Галя эз көсйи миритчыны чөв олөмнас, пузис скөрлунысла сьөлөмыс.

— Но вир юысь лешак! Пөвадитчөма дарөвөй денъга вылад овнытө и век на оз көсйи өвсьыны. Колө чожа милицияө явитны.

— Некытчө ог явитө,— өлөдіс нылөс Сергей,— асьным кө воштім, асьным и корсям...

Мөсьяслөн стада муніс водзө. А зэрлөн дугдөмыс оз тыдав: помся шливгө и шливгө. Мунысьяслөн паськөмныс көтасьөма сулик ва, сьыліяс дортіыс, пельпомъяс вывсьыс ру кайө. Буса туйыс кизьөрмөма, нөдздөма, шлюп-шлөпкылө кок улын кизьөр няйт. Зэрысла пемөсьяслөн гөныс югьялө, мыськөма мыш вывсьыс став буссө да няйтсө.

Том йөз восьталісны чөв-лөнь. Быдөн вөйтчөмаөсь асланыс думьясө, быдөн ас ногыс көсйө корсьны мыжаөс.

Ыб—Пажгаа вөлөкыс көть эз вөв сэтшөм кузь, но быд лунтө мунігөн пемөсьяс мудзөны, укшальмөны, воштөны сьөктасө, тайөс төд вылын кутөмөн Сергей шуис: колө пө вөлөк костьяссө дженьөдавны, частөджык пемөсьясөс йирөдны, юктөдны, шойччөдны. Та вөсна и Пажга сиктө вотөдз вөлөкас, паськыд кушино узьмөдчисны. Сэсса бипур дорын и пансис сёрниыс.

— Öти бычө төрыт миян вошөма,— став дінас моз шыасис Галя, но көсйис, мед кыліс сійөс тшөтш и Митрей Вась.

Сергей кыйөдіс син пөла мужичөй бөрся и казяліс, кыдзи сылөн чукрасьөм чужөмыс гөрдөдіс, тіравны мөдіс льөбйыс.

— Кыдзи вошөма? Тэ, ныланө, эн вай сөр!— воча скөрысь шыасис Митрей Вась.— Став пемөсыс эм, төрыт ачым йөрталігас лыдди, талун асыв сымда жө лыдыс, колөкө, лыддьөй.

— Лыдыс артмө, но арөса бычө пыдди кукань со мөс чукөрас... бокөвөй...— стөчмөдіс Настя.

— Мый сэн чуклясьынысө, веськыда колө шуны: бычөсө вежөмыд, Митрей Вась,— крапкис-шуис Галя, ачыс бедьсө киас чорыдджыка кабыртіс, гашкө пө, син пөлаыс варышөн уськөдчас сы вылө.

— Ме? Кызди, көні вежи?— быттьо повзис Митрей Вась да сарога кимөдзнас малыштис пөсявны мөдөм тшөттьөн тырөм чужөмбансө.— Тi, том йөз, олома морт вылас эн насмекайтчө, а то...

Сергей эз лэдз сылы помавныс, ёся видзөдліс паныдөн сулалысьлы өтка синмас, лэчыд пуртөн моз вундіс-шуис:

— Тэ, Митрей Вась, эн янөд миянөс, ме войнас кылі сёрнитө, бычөсө тэ деньга вылө вежин, эн лысьты соссьыны!

Зэв зывөктана видзөдласысь позис казавны, мый Митрей Вась вочасө көсийо шуны матькана чорыд кыв, но сійө жө здукас, тыдалө, гөгөрвоис, мый сійөс эрдөдөмны да друг вежис сёрнитанногсө.

— Сергей, зонмө, төрыт өтлаын вөлім дай сэтшөм жө ме код вөлі, кызди и тэ, некытчө войбыдөн эг петав. Нем абусө оз ков лөсьөдлыны, кывъяд чирей каяс!

— Митрей Вась, тэ олома морт, би пыр и ва пыр прөйдитөмыд и зэв бура гөгөрвоан, кутшөм вильыд туй вылө бара сувтін,— пыр и вомалис пөръясьысьөс том морт.— Абу кө окота выльысь дзескыдінас веськавлыны, ветлан Ыбас бычөсө вайөдны. Совхозыдлы деньгаыд оз ков, сылы яй кузя план мед тырө.

Некодлы нинөм шутөг мужичөй зэв скөра кисьыс плетьсө челөдіс канава сайө, сьөвзъысис и ыджыд воськолөн мөдөдчис сиктлань. Ставөн чайтисны, мый бергөдчис Ыбө, но бара на том йөзтө ылөдліс: муніс и вошис.

Пажгасянь кузя на ковмис мунны Гаръя да Лөзым сиктьясөд, Соколовка грезд сэки пукаліс на местаас, тані шор дорас пемөсьясөс йирөдісны-юктөдісны, но Вильгортө локтөдз пемдыны кутіс да, туйдорса кушино медбөръяысь вөлокө узьмөдчисны. Аскинас карө локтисны лун шөр гөгөр. Гурт вөтлысьяс ставныс няйтөсь, чужөмъясыс ном-өваднас курччалөмысь пыктөма, пупышьялөма.

Мясокомбинатө скөтөс иналөм бөрын том йөз кокныдджыка лөлыштисны: уси пельпомъяс вывсьыс сьөкыд из. Могнысө пөртисны оломө, но сьөлөмъяс вывсьыс шогыс эз вешйы: воштисны арөса кык бычө дай ачыс гуртөн «веськөдлысьыс» пышйис. Гортас локтасны, ставсьыс ковмас кывкутны.

Карын шуисны узыны өти вой, аски асыв, сюрас кө автобус вылө билетыс, ньобасны Визинөдз, а сэтысянь сэсся кызкө гортөдзыс воөдчасны нин.

Митрей Вась эз и лок, пышйис. Сергейлөн төнлун и талун юрас визьяліс мөвп: кытчө сійө вермис мунны? Гортас эз кай, поліс, бычө вежанінө, Ыбө, өдвакө бөрсө муніс, сьөмсө, көнкө, вузасигас и босьтис. Вермис лэччыны карө, деньгаыс өд зеп тырыс, буавны мөдас лун и вой, кытчөдз оз кушмы зептыс.

— Вайө корсьламө,— ышөдіс нывьясөс зон.— Базар вылын эм сур юанін, тшук да сійө сәні.

Базарыс сэки вөлі өнія шөр гостиницалы паныд, гөгөрыс пөвьясөн потшөма.

И збыльысь, Митрей Вась пукаліс неыджыд «Закусочнойын», гра-на ыджыд кружкаысь юис сур, ачыс ёна нин код. Залыс быттьө мазі

поз: код мужичойяс óta-мод вежмõныс ызгисны, сьылісны, матькисны, сэнї жõ и куритчисны.

Тайõ шум пиас некод эз и казявлы, кыдзи Сергей нывъясыскõд кватитисны Митрей Васьлысь кияссõ, бергõдісны мышкас, а сы кості Петя гугõдіс став зепсõ. Сьõмсõ аддзисны немыын сё шайт. Митрей Вась кор гõгõрвоис лоõмторсõ, ырыштчыліс жõ чеччыны, но вата кодь кокъясыс эз кутны да бõр шняпкысис-пуксис улõс вылõ. Вомсьыс быг резмõн мõдіс пинясыны, матькыны. Та вылõ Сергей сõмын шуис:

— Гортад локтан да сэки бура сёрнитам. А сьõмтõ сёрõнджык милицияõ нуам, мед сэнї тэкõд сёрнитасны. Онї некор.

Том морт нуõдіс карас сэкса медся ыджыд вузасыннõ да корис Настяõс бõрйыны еджыд мича платтьõ, та дырйи яндысьõмõн шуис:

— Он кõ мõд пыксыны, ме кõсья тэнõ коравны...

Некодысь яндысьтõг ныв сывйштіс зонмõс да зэв чõскыда немынысь оқыштіс.

Том йõз аскинас локтісны гортас. Тõлысь бõрын вõлі свадьба, Сергей да Настя гõтрасисны.

Совхозлы пакõсьт вõчõмысь Митрей Вась, тыдалõ, повзис да гортас эз и лок... Асьнысõ нин сэсся милицияõ корисны, следователь дінõ.

ЗАРНИ ЧУНЬКЫТШ

ВИСЬТ

Лашко пõль матайтчис моньнас, нук гõтырнас, Иринанас. Оз кывзысь, дай ставыс. Пыдди оз пукты пõрысь мортõс. Ачыс зськõ пыста кодь ичõтик, жебиник, пõлыштõмысь пõрас, а дышыс да горшыс — юр вывтйис. Армияõ мунтõдзис на нукуыс гõтрасис: вайис тэчõм син лыска, õжын кузьта гыжьяса, зонка моз шырõм юрсиа нылõс, татысь, карсьыс жõ. Отка мамлõн пõõtка ныв — чурка.

Пашко пõль гõтыр кулõм бõрас оліс õтнас, аслас керкаын Лесозаводын. Пияныс важõн гõтрасьлісны, аслыныс патера лõсьõдісны, кыкнан пиыс олісны торйõн. Сэсся ыджыдджык пиыслõн пиыс, Петяыс, нем думайттõг семейтчис. Том йõзыд эз окотитны бать-мамыскõд õтлаын овны, вõзйысисны пõль ордõ. Пõрысь мортлы любõ и нимкодь вõлі, мый нэм помсõ оз õтнас кут дженьдõдны, висигьясас пыр нин стõкан ватõ мыччасны. И корис том гозьятõ: местаыс пõ тырмõ, керка кык жырья, пырõй пõ да лючки-ладнõ олõй. Гõтрасисны Виль во дырйи, а тулыснас Петяõс нуисны армияõ. Гортас колины овны пõрысь да том — пõль да монь.

Ас овмõсад быдторсõ колõ вõчны: пес пыртны, пачтõ ломтны, ватõ вайны. Пашко пõль кор тшõктас моньсõ мыйкõ отсыштны, мõдыс зэв дышиника кыдзкõ-мыйкõ вõчас жõ вõлі. Сõмын радпырысь лавкаõ котраліс. Мода эз вõв, мед коляс сьõмсõ бõр вайны пõлыслы. Сэсся и казяліс Пашко пõль: моньыс пыді жырьйын пõдласьõмõн гусьõник

шпуккө-куритө, ас кодыс жө косіник пөдругаыскөд лөз тшын лэдзөмны керка тыр. Кыкөн пөдласясны да лунысь-лун кывзөны пельтө поткөда-на музыка. Пөрысь мортыд дзикөдз дөзмис шумсьыс да юаліс өтчид:

— Тэнө, ныланө, он мөй уджав?

— Ме өні уджтөмалысь,— вочавидзис моньыс.— Уволитісны заводсьыс быд коймөд мортөс сьөм абутөм вөсна. Ме тшөтш на пиө веськалі.

— Чөвтисны кө удж вывсьыд, сідзкө, эн колана морт вөв,— көри-тыштис пөль.

— Колөкө, ме ачым эг көйсы сэнi уджавны,— правдайтчис Ирина ёсь пельпомъяссө пыркнитігмоз.

Петяөс армияө нүөмсянь петук воськов мында кадыс коли, а моньыс дзайгис нин пөльлысь туй вылө сьөм: гажтөмтчи пө, окота пө верөсөс аддзывны. Лышкыд да бур сьөлөма мортыд джын пенсиясө латшкис-сетіс моньыслы: ветлы пө, ныланө, аддзөдчыв пө нукөйкөд, висьтав, мед бура-лючки и служитө.

Вежон мысти Ирина локтис гортас лөз син дора, чукрасьөм паськөма, пөль водзын правдайтчыны кутис:

— Поездын менө грабитісны, сумка и деньга мырддисны, горзыны кути да нөйтисны весиг.

Пөрысь морт веритис, нөшта жалитис на. Кад кольөм мысти кывсис: моньыс пө карсьыс некытчө абу ветлөма, юөма-кодалөма пөдруга ордас, код юрнас усялөма — зүльдөма ныр-вомсө.

Коркө, гожөмнас, Пашко пөль картофель мудйыны петіс. Пажынөдз ноксис му вылас. Локтис гортас да шемөсмис. О господи! Мый вөчсис монь оланінын, пиді жырьяс?! Кузь юрсиа кык том зон да Ириналөн пөдругаыс гындөны-йөктөны трусик кежсьыныс. Асьныс кодөсь. Табак тшыныс гөвкъялө, көть чер өшөд.

— Ноко, ставныд марш татысь, мисьтөм чужөмьяс!— чорыда шуис Пашко пөль.— Бардак восьтөмныд!

Моньыс скөрмис, тшөтш муніс гортсьыс, сэсся лун кык шляйтчис-ветліс код төдас көні. Коймөд луннас воис гөстя моз, весиг пөль водзас эз извинитчы. Ачыс на дузьяліс, быттьө абу и мыжа. Та бөрын Пашко пөль бара на моньсө жалитис. Мед пө гажөдчисны кө, сы вылө и томдырыс. Мыйкө дыра кежлө на костын лючки олөм пуксьыліс. Моньыс нарошнө леститчис пөрысь водзын, а мөдыс шылльө-мыльө вылад пыр нин мыйтакө сьөм вичмөдліс.

Пашко пөль ассьыс пенсиясө пыр видзис өти местаын — залавкаын жөч банкаын. Но тайө төлысьө зөв өдйө тыртөммис банкаыс. Пашко пөль жугліс юрсө, кытчө сьөмыс лои, али пө кодкө гусяліс. Вот и шыасис Ирина дорө:

— Тэ, ныланө, эн казьявлы зоньясыдлысь залавкаын гудйысьөмсө?

— Дедуль, мый тэ? Гоша да Саша — зөв прамөй йөз.

— Кватитчи талун да, деньга банканым куш. Ог төд, мый вылө кутам нянь-сакартө ньөбны. А тэ, ныланө, ачид эн босьт? Висьтав, нинөм ог шу.

— Эг, дедуль,— соссис Ирина,— гашкө, мөдлаө саймовтін да вунөдін, думыштлы.

— Ладно, кызкө-мыйкө оламо, картошкайд эм на, тшыглы ог куло,— асыо лоньодом могысь шуис поль.

Кымынкө лун Ирина гортсыы некытчо эз петав: лун шорөдз вольпасын вальмасы, рытнас вой шорөдз телевизор видзодо. Сэсса вөрүн узылысь мос моз бара куйм войкол кежло вошли. Локтис гортас пыктөм чужома, киясыс тиралоны, табак тшынсо апаломла курско-кызю. Коньор кодь моньсо аддзюм бөрын польлон бара на жалыыс петис: омидза пось чайон юктюдис, водюм бөрас пасьясон шебрюдис да косийс врачос корлыны. Кытчодз по он бурд, сэтчодз и куйлыны кутан.

Участковой врачыд локтис пажын бөрын. Шор арлыда нывбаба, сийо тодо воли Пашко польос, пыригкостыс и юалис:

— Павел Петрович, тонлун на аддзыли — сирод мыр кодь волинныд, а они висьмомныд?

— Эг ме. Моньой мыйкө нерпало,— индис кинас пыди жырланьо.

— Бур, оно ко висьо, а моньто час видзодлам.

Врачыд пырис пыди жырйо, а козяиныс подлыштитс одзоссо, мед по нывбабаяслысь не кивны голоссо.

Мод вежосын кыкон вель дыр сернитисны, сэсса петис врачыд да гусьоникон висьталис:

— Ена юом бөрын алкогольной синдром. Зев на том и татшома юо...

Пашко польлы яндзим воли висьтавы моньыслысь вошласьомсо, босьчис дорйысьны:

— Нем выло юнысо, оз уджав, абу деньгаыс.

— А гортсыд нинюм оз гусявлы?— юасыны пондис нывбаба.

— Той-пытш абу, нем вузавнысо.

Врачыд подлыштитс пыди жырйысь одзоссо, мед по оз кив сернисо Иринаыс, да водзо висьталис:

— Кодколуню ме картошка ньобны рынокю пырали, аддзыли сзетысь моньто. Хрустальон воли торгуйто, зев мича румкаясон, веж быдон петис.

— Эз жо, поди, гортысь ну,— чуймис козяин, сэсса восьтитс залавка одзоссо, шарюдис кинас отилати-модлати, но нинюм эз сюр, да шойовшомон шуис:— Вошома! Но, мисьтом чужом. Пенсия выло петигон удж вывсянь подарок сетисны, хрусталь румкаяс, шойчигад по чоскыд вина модан сэсь чурскыны. Вот и чурски. Часлы, ме пырала сы дорю.

Но врачыд олодис, эн по они сийос вид, вермас нюшта омоль лоны, бурдас по да волисти. Пашко поль сидзи и вочис: кок йило сувттюдз моньыслы лек кыв эз шу, вердис-юкталис, кызд вермис дозьоритис висьысьос. Нельод луннас винев кань моз Ирина бара нин воли кок йылас, коть син гуясыс войомны, вир пастюм бан бокьясас черлыыс тодчо.

Бара на жалыыс петис Пашко польлон, век жо нукуслон готыр:

— Тэныд, ныланю, лечитчыны колю, кутшюмкю синдром по ковьяломыд. Вай сернитчам: юасытог гортысь нинюм сэсса эн ну, ковмас ко мыйкю ньобны, кор менсым, но эн гусясь. Миян рюдын сэтшюм мисьтомторыс эз вовлы. Кывлас ко верюсыд, оз ошкы, юрюдыд оз малышт.

— Ме эг гусяв, а водзёсөн босьті,— правдайтчис ныв.— Хрустальнас ті он вөдитчөй. Петя локтас да бөр ньобам.

Пашко пөль кутчысис пузьёмысь, кызд позьё юасис нывыкыда:

— Деньгасё залавкасысь тшөтш водзсалін?

— Дөлга вөлі да уджді.

— Кодлысь удждін?

— Тэнсьыд.

— Кызди менсьым? Юасьтөг босьтөмыд да.

— Петя локтас да бөр сетам.

— О господи! Кор на сійө локтас? Чай-сакартө өні нинөм вылө ньобны, гөгөрвоан он тэ, мисьтөм чужөм?!— бөрья кывъяссө чорыдакодь лои пөльлөн шуөма.

— Эн горзы, ме абу тэнад ныв,— ярскөба жө вочавидзис мөдыс, та дырйи быдсөн ныр гөчьясыс бледөдлісны.

— Тэныд, тыдалө, бур кывйыс оз мөрччы, ньөрйөн колө куш сітанад,— эз көсйи миритчыны пөрысь морт.

— Сөмын видлы,— челядь моз повзис Ирина.— Милицияө пыр и сорита кинад воөмысь.

— Асьтө мед оз соритны гусясьөмсьыд, мисьтөм чужөм.

Тайө пинясьөм бөрас моньыс эз мөд сөйны пөлыслысь пуөмсө, аслыс торйөн дасьтіс вөлөга. Шоңдіа, мича луньяс пукалісны, а Пашко керкаын быттьө сьод вой: некод некодкөд оз сёрнит, дузьялөны, бугжылясьөны өта-мөд вылас. Пөльыд эськө и дась вөлі бурасыны, но моньыс мөдарө — өтарө чушьялө. Везон мысти кымын Ирина бара вошлі некымын лун кежлө. Пөльыд и петіс сэсса терпенньөсьыс.

— Тырмас тэд менө грекө вөйтны, мун, кытысь локтін, ог лэдз гортө, мисьтөм чужөмөс.

Мөдыс йөткыштіс дедсө, пырис аслас жырйө, каличаліс өдзөссө. Аскинас гортсьыс мунігөн юаліс:

— Менө збыль вөтлан?

— Вөтла.

— Вөтлан кө, бөрыннас эн каитчы,— шуис Ирина и крапкис петігас өдзөссө.

Өбедөдз на Пашкоясө пырисны кыкөн — моньыс да томиник милиционер. Погона мортыд көзяин моз пуксис пызан дорө, вөлісь шыасис:

— Участкөвөй отпускын, ме өні сы пыдди. Так вот, гражданин... Гражданин, мхы, вунөді, кутшөмкө порсь памилльөыд эськө да.

— Порсьпелев,— стөчмөдіс Пашко пөль.

— Так вот, гражданин Порсьпелев,— командир сямөн сёрнитіс погона морт,— моньтө пө өбижайтан, жалөба локтіс, так сказать, ачыс висьталіс.

— Ме моньөс өбижайта? Сөрөм,— чуймис пөрысь морт, индіс Ирина вылө.— Мед, колөкө, висьталө, кор ме сійөс өбөдитлі.

— Дедө, тэ пыр менө кедзовтан,— збояліс Ирина.

— Тэ, Ирина, главнөйсө висьтав,— корис милиционер,— кызди көсйис насмекайтчыны тэ вылын.

— Ме эг намекайтчы, а видишти кузькиасьомысь. Мед коть сийо и монь, нуклөн гөтыр, а вöчны сідзи оз позь,— Пашко пöльлөн тiравны кутис гөлöсыс.

— Кывзы менö,— корис милиционер,— нукуд мунис рöдина дорйыны, колис тiянлы видзны ассьыс меддонаторсö, том гөтырсö, а тi сы пыдди нывлөн чесьт вылö ыршасяд... Абу яндзим?!

Пашко пöль кывзис милиционерöс и аслас пельяслы эз верит, сулалис кын мыр моз, синъяссö лапйöдлiс.

— Эн нем абуюссö баит, мисьтöм чужöм.

Погона морт шурк чеччис пызан дорысь, стенин öшалысь зеркалö пыр зiля видзöдлiс ассьыс чужöмсö.

— Эн оскорбляйт менö, гражданин свин... порсь... Порсьпелев. Ме официальной лицо, жалöба кузьята верма применитны закон, за попытку к изнасилованию эм статья... Вот.

— М-м-ме? Мырдöнавын?— мытшъялыштіс пöрысь морт.— Абу кö прöсуж тэ-а?— Пашко пöльлөн сьölöмыс ёкнитіс, сэсся мöдысь дай коймöдысь.— Ме, господин-короший, сизимдас во таладор светас ола да гөтырысь öтар, царство сылы небеснö, некод вылö эг ышмыл. То крес, Енмыс тöдö.

— Так вот, коть тэ и пöрысь нин, преклонной возраста, предупреждайтa, гражданин Порсьюров...

— Порсьпелев ме!— тайкö эз ёрчышт Пашко пöль.— Весаьöй тась кыкнаннид, мед дукуыс эз вöв!

Мунöм бöрас Пашко пöльлы нöшта на деливö лои, ковмис лекарство юны. Недыр кезлö морöс дойыс лэдзыштіс, сэсся рытнас бара топöдiс. Ковмис весиг «Скорöй помощь» корны.

Дас сайö лун куйлöдiсны Пашко пöльöс больничайн, уколъяссөн да таблеткаясөн бөр сувтöдiсны кок йылас. Карысь пияныс видлыны воывлісны, а нукуслөн гөтырыс, Иринаыс, нырсö эз мыччыв. Пашко пöльöс лэдзисны больничайсь луннас. Локтіс гортас, а моньыс абу. Пыдi жыръяс пыригөн и казяліс: телевизорыс абу, сідзкö, пöльөн ньöбöм добрасö бара вузаліс да юис Иринаыс. Нинöм сэсся вошöмсö керкасьыс эз казяв. Петіс сараяс, гунь-гонь чöвтліс синъяссö öтарö-мöдарö, кöйис тöдмавын, ставыс-ö ас местаын. Бöрсö петігөн нин син улас уси вон дöраөн саймовтöм горт.

Гөтыр кулöм бöрас Пашко пöль кык горт вöчöдiс, öтинас дзевис муса гөтырсö, мөд гортсö дасьтіс аслыс, оз пö тай сёйны кор, ковмас кö, дась лоö. Мичаа гөрд краскаөн краситіс гуг и бан, аслыс весиг кажитчис: горничайн моз пö кута куйлыны. Тайö здуко бара дум вылас уси моньыс, кодысь, тыдалö, нэмөн нин оз мынлы, пöратөг гортіö водтö-дас. А збыль кö öні водлыны, повзьöдны моньсö.

Пашко пöль пыртіс гортсö керкаö, кык улöс вылö лöсьöдiс öшинь водзас. Сиська би öзтіс ен ув пельöсас. Стенин öшалысь зеркалö сьöд чышьянөн вевттис, öшиньяссö занавесөн тупкис. Пашко пöль пуксис öшинь дорас, кыйöдны пондiс моньлысь локтöмсö. Регыдөн и тыдовтчис том нывбабалөн керка дорö матыстчöмыс. Пöрысь мортыд воськовтіс гортъяс, нюжөдчис сэтчö, кияссö морöс вылас крес-таліс — збыльысь покони́к.

Гым-гамкыліс кок шы, гуль-голь воссис кильчө өдзөс. Гортйын куйлысь покониқос аддзөм бөрын Ирина шай-паймунліс повзёмысла, бөр көсийс чепөсийны ывлаө, но мыйкө сійөс кутіс. Сэссия асьсө такөдөм могысь шуис гораа:

— Ог тэысь пов. Мед, колөкө, треснитін, абу жаль. Мыйла өтнадтө зновтөмны, көні йөзыс, али больничасаясыс тэнө вайисны?— вомгорулас шуалис Ирина.

Пөрысь морт көть и куйліс збыль покониқ моз, лов шысө пөдтөмөн, син потасөдыс сійө кыйөдіс моньыс бөрся, коді лукйысис-корсьысис көлуй кудйын, шкапын, пинжак да гач зепьясын. Коланаыс, тыдалө, нинөм эз сюр да лёкысь ёрччыштіс:

— Сөтана! Эм вед пөрысьлөн деньгаыс, но көні дзедасыс? Пиян вотөдзыс колө корсьлыны...

Видльпөмин керкаас эз коль, медбөрын казяліс пөль чуньысь зарни чунькытшсө. Тайө здукө горш мортыдлөн эз вөв полөм ни родөм: уськөдчис покониқ дорө чунькытшсө нетшыштны. Но пөльлөн, нэмсө сьөкыд удж вөдитысьлөн, чуняс туптөма чунькытшыс, оз и вөрзыы.

Во комын коли сысянь, кор Пашко пөльөс шуисны на Павелөн, дай ачыс на вөлі сэк сөкөл-молодеч кодь том да мича. Сэк жө и Көджпомын вичко вөсьөм бөрас ай-мамыс корисны: гозья костын кө пө эм радейтчөм, колө венчайтчыны, мед пө челядьыд и гырысьсөс. Венечыс пө кулөм бөрад гозьятө оз торйөд, пыр лоанныд өтлаын. Пашко пөль асьыс гөтырсө зарни чунькытнас и колльөдіс мөдар югыдө, ачыс некор жө чуньсьыс эз пөрчыв.

«Оз-ө көсий менсьым чуньөс вундыны?»— Пашко пөль повзис монь кыысь кузь воропа пурт аддзөм бөрын.

Мөдыс збыльысь көсийс вөчны мисьтөмтор: вундыны чуньсө да сідзи перйыны зарни чунькытшсө. Ирина муртса на инмөдіс лэчидінсө яй дорас, кыдзи тай «поконикыд» равөстас да клециөн моз тшапкас нывлысь килутшсө, бергөдас кимльөсыв, пуртыс пыр и усьө джоджас. Пашко пөль өні вөсьса синмөн нин видзөдіс монь вылас, кодлөн став вир-яйыс повзёмысла тіраліс, чужөмас вир пас эз ло — блөдөдіс, вомас «О» буква артмис. Сэссия, тыдалө, кудз гадьсьыс мыні каличыс да шольгыны-киссьыны кудзыс кутіс джоджө.

— Мама! Караул!..— лёггоршөн равөстіс моньыс.

Пашко пөль личөдіс кабырсө, и нывлөн мыні кыис. Тун-тан сійө садьтөг уськөдчис ывлаө.

Рытнас Пашко пөльясө чукөрмисны став рөдняыс. Сваттяыс, Ириналөн мамыс, звөниталөма быдөнлы: ныв пө локтіс ме дорө йөй нисьө прөсуж, висьтавныс оз вермы, мыкталө. Пөльөс пө больничасысь кулөмөн вайөмны, сэссия пө гортсьыс бөр чеччис да менө пө кутіс кватлавын.

— Сөрөм,— шуис татчө Пашко пөль,— ме ачим аслам кокөн локті и кыдзи аддзаннөд — дзоньвидза. А вот Иринали колө лечитчыны, алкогольнөй синдром пө сьлөн.

Пөрысь морт сэссия висьталіс моньыслысь кузькиасьөмсө, эз гарышт сөмын гортйын куйлөмсө.

ГӨДОКЪЯС

ВИСЪТ

С өд нись ө руд кымөръяс енвевтсө тупкөмны, сьөкыда личкөны му эжсө. Гыркас чөжсьөм ваис письтөма, лун-мөд нин оз өшйи — шливгө-зэрө, көтөдө ывла вывсө, пемдөдө, гажтөмтө. Мый сэсся вөчан? Ныр улын ар!

Лун югыдыс чунь кузя и эм, синтө он удит тупкыны — пемдө нин. Хохол Коля нель телега и слөймис нуны урожайсө картофель гуө, витөдысь посни картофель лэччөдис совхоз фермаө куканьяслы, сэсся рөмдигас нин локтис гаражө. «Беларусь» тракторсө кусөдис, кызди и пыр, чеччыштіс кабинасьыс туй юж вылө. Веськыд кокыс няйт вылас вильдіс, усигас мисьтөма песовтчис, вөрзис. Доймөмысла быдөн синсьыс би петавліс да ойөстіс. Чеччөм бөрас муртса вермис тувтчыны, тыдалө, кок шегйис касмовтчөма, вөрзёма. Гараж гөгөр морт нин эз вуджрась. Вөскресенньө паньид, йөзыс вельмөмны уджсө карын моз водз эштөдны, оз тай налөн мускыс вись урожай пондайд — зэр улө көть лым улө усяс. Сідзкө, отсөг виччысьны некодлысь, колис надейтчыны сөмын ас вылө.

Чөтигырйи том морт мөдөдчис гортланыс. Мунны кө гөгөртөмөн, машина туй кузя — кык верст лоө, дай зэра повөддя дырйиыд пидзөсөдзыд няйт колө собны, а веськыда кө, совхозса ферма дөрти и шор вөмөн — джынсяыс этшаджык. Бөрийис веськыдджык туйсө. Мөдөдчис ылөсас, сиктсаянь шыр би моз мыччасьысь югөр весьтө. Төдіс эськө, көнкө, пода туй эм, ачыс на коркө ветлывліс, но кысь корсян татшөм пемыднас.

Бөрсаяньыс кодкө шутилялігырйи вөтөдіс, тыдалө, Коля моз жө бөрийөма сиктө мунан веськыд туй. Орччаасьөм бөрас төдмаліс Ыргөн Павелөс, гөдоксө, коді «Беларусь» вылын жө совхозас уджаліс, а өні кытчөкө тракторнас сибдылөма да перйисигас сөрмөма. Ыргөн прөзвищөыс көвьясьөма Павеллы мамыс пөльсянь, коді, гашкө, сө во сайын нин вөвьясөн колльөдчөма Вяткаөдз да вайөма сэтысь ыргөн самөвар. Медводдза ыргөн самөвар сиктө. Сысянь и мөдөмаөсь рөдсө шуны «Ыргөнөн».

Коля эз өна окотит Павеллысь отсөг корны, но доймөм кокыс пыр өнджыка кырлөдліс сьөлөмсө. Пөсьывывсьыд позис на неуна тувчавны, а өні көть дойысла караул горзы. Быть лои Колялы шыасьны Павел дөрө:

— Кывзы, Паша, пельпомад вай кутчыся, кок шег, тыдалө, вөрзёма, тувчыны ог вермы.

— Кокөл Коля, эн дөзмы, карсянь гөсьтьяс лөктөмны, тэрмасы, сибдылөмнас манитчи.

— Но инө, тэрмасын кө, мун. Но мөдысь асьтө пөгибысь ог жө мезды.

Мөрчис, тыдалө, грөзыс Павеллы, небыдджыка нин шуис:

— Ладнө, Коля, эн дөзмы. Вай кутчысь пельпомө, неуна отсышта...

Му серыс кок улын воськов сайын өдва тыдало, а вылісянь оръявлытөг зэр киссьо и киссьо. Эновтөм, нэмнас нин гөрлытөм пашня вывтү мунёны, некымынысь конъясьлісны туруна вутшьясө, сапкысьлісны кымынь ныр вылас. Чеччөны да бара водзө мунёны. Ичөт эбөса мортыдлы, Павеллы, сьёкыд кутны Колялысь сьёкыд тушасө. Думсьыс кайтчис нин отсавны босьтчөмысь да здук корсис кызди мынтөдчыны.

— Воськыдвылын колө лоны кукань ферма,— висьталө Павел,— а шуйгавылас эновтөм силос гу. Татшөм пемыднад он и төдлы, гуас усян.

Коля төдіс жө тайө гусө, кодөс армияө мунтөдзис на фермасынь неылө ныръявлісны тракторөн. Сэсса во-мөд и вөдитчисны, да кості лои эновтны. Тулыс и ар, быд зэригөн фермасынь куйөд ваис нөрыс пөлөн лэччө силос гуө, пежосьтө корымсө.

Павел отсөгөн Коля кызмырдысь восьлалө, дойысла пиньсө гутш курччөма, мөвпалө ёртыс йылысь, кодкөд найө быдмигчөжыс прамөя эз ладмывны, көть и вөліны өттшөтшьяяс, мөд ногөн кө — гөдокьяс. Кыкнанныс сьёкыда кашкөны: өтиыс кок пөвнас мунөмысь, мөдыс — «нопсө» кыскөмысь.

— Уф, вай лолыштам,— корө Павел ёртыслысь.— Тэ сулышт, шойчышт, ме видзөдла, матын колө нин шор лоны,— и вошө гу кодь пемыдас.

— Отнамөс эн колы!— горөдіс Коля, но мөдыс нем эз вочавидз. Кыліс сөмын зэрлөн шливгөмыс.

Коля сулаліс на мыйкө дыра, думсьыс виччысис Павелөс, сылысь бергөдчөмсө, но весьшөрө. Ёртыс эз лок. Дой вылө видзөдтөг, пөлынясьөмөн мөдөдчис водзө. Воськыда мунөм пыдди сылөн ылавсис, сетчис шуйгавылөджык силос гу весьтө. Сэсса и гурскысис-вөйис пыдөстөм гөптө, куйөд ваөн дзулькйөн тырөм силос гуө. Курыд ваис пырис синмас, нырас, вомас. Мортыд эз другөн дзумгысь-вөй пыдөсас, тыдалө, сукмөм куйөдыс табйөс моз кутыштіс тушасө. Сійө пессис-вартчис ки-коknас, вынласис өтарө-мөдарө, но топыд нюрсялөм куйөдыс эз и лэдз, быттьө налькйө шедіс. Зонлөн повзис сьөлөмыс. Артмис неморт ногөн горөдөм:

— А-а-а-а!— сэсса ыджыд кост бөрын бара:— Караул!.. Вөя! Ыргөн Павел, лок мезды, вөя вед!..

Гөлөс сибдытөдзис вөйысь горзіс, корис-чуксалис отсөг вылө, Ен нимсянь кевмысис, пинясис и некымын пөвстөн матькис, но весьшөрө, некод морт эз лок. Мездысигас сапөг пөлыс коксьыс мыні, а мөдсьыс пыктөм кок шейыс усьнысө эз лэдз, гумовтчөм ваис кыскис пыдөсас.

Коля думсьыс прөщайтчис нин мамыскөд, коді, сійө чайтөм серти, лючки олөмсө эз и аддзвыс йөй бать дорас. Оз кө быттьө ачыс, Коляыс, ловйөн коль, Хохол батыс вөлісь мамсө ульөн сөяс. Онөдз письыс поліс да пышйис бара лесопунктө, Чувшорө. Төлысьнас раз-мөдысь и волө гортас вина дозйөн. Пи дырйиыс оз лысьт кампузитчыны, мамыскөд мелі и. Кывлас пиыслысь вөйөмсө да жалитыштас оз бара-а? Румка саяд, гашкө, и шогсьыштас, но синваыс өдвакө петас.

Коля дзикодз нин кутіс вёйны, петны некыдз оз вермы, песьёмысла эбёсыс быри, вот-вот вёяс. Енмыс босьтас мёдар югыдё, таладорас кольё Марина — сёлён радейтана нылыс. Армияысь локтём бёрын тайё лёсыдик да мичаник нывсё быттьё медводдзасысь аддзис. А вед велёдчисны өти школаын, өти классён нылыс ичөтджыкын. Олісны өта-мёдсяныыс кык керка сайын. Сэки асьныс на эз чайтлыны, мый лоасны коркё өта-мёдыслы. Служитём помасьём бёрын медводдза рытнас и аддзысисны. Өти рыт йөктісны-гажөдчисны клубын, мөд рыт коллялісны өтлаын, коймөд рыт... И гөрддзасис на костын радейтчөм. Ыргөн Паш унаысь пондыліс ёсь нырсё скойны зонма-ныла костё, но ковмис быть зновтчыны, эз сибөдны.

Коля да Марина во кымын нин радейтчөны, йөз син сайын кутчысьлёны, окасьёны. Өтчыд Коля корис, пет пё ме сайё верөс сайё, но ныв дзик пырсё эз вочавидз, юала пё ай-мамлысь. Тарыт бара көсйис гөтрасьём йылысь сёрни панлыны, но оз, тыдалё, удайтчы...

Вольной светас Коля оліс кызь кык во. Енмөс эз омөльтлы, но эз чөвтлы аслас нэмын и пернапас. Ичөт дырйиыс мамыс шульвліс, өшөд пё, пиё, сьыліад перна, мед Енмыс видзас лёк йөзысь, висьёмьясысь, сетас дзоньвидзалун, но детинка яндысис ас коддьём зонпосниён сералөмысь да мамысөн сетём пернасё дзевис кывт пельёсё. Армияысь локтём бёрын видліс, да век на местаас куйлө. Өні, кор зонлөн коли олөмыс чеполь мында, төд вылас зілис уськөдны мамыслысь молитва кывьяссё: «Господи боже, благослови!.. Во имя Отца и Святого Духа, аминь!.. Иисусе Христе, сыне Божий, помилуй меня грешного, Господи, молитвы ради пресвятая твоя мать и всех святых, помилуй нас, спаси меня раба Божия Николая... во веки веков, аминь! Слава тебе, Боже, спаси меня...»

Нюр сям зыбуныс дзоньнас нылыштөма зонлысь тушасё, юр тупылыс сөмын кольыштөма веркөсас. Вомнас апайтё берегё шыбитём чери моз васөд сынөдсё, сьёлөмас висьтавны позьтём страк! Ки-кокыс дубалөма, вир-яйыс көдзалөма сэтшөмөдз, кодыр мортыс дугдө кывны кынмөмсё.

Коля эз на дзикөдз вөй да эз на помась тайён ставыс. Өні бөрвыв бергөдчыла, висьталышта Колялөн да Ыргөн Павеллөн талунөдз олөм-вылөм йылысь...

Колялөн батыс — Украинаысь Иван Головня, вербуйтчылөма татчө Чувшор лесопунктё во кызь вит сайын. Сэні жё төдмасьлөмаөсь мамыскөд, коді уджавлөма ныв дырйиыс ув кералысьён. Лесопунктас и өтвывтчөмны. Пи чужөм бөрас мамыс лэчас сиктё рөдительяс дорас, а батыс кольччас. Первойсё частё том гөтыр дорас воливлас, но волисьёмьясыс өтарё шочмисны. Сэсса и дзикөдз дугдіс воливлыны зня-пиа ордё. Кывяс: пөдруга пё видзё, Ыргөн Катякөд пё, лесопунктса лавошничакөд мусакасьё. Иван Головнялөн вежыс петөма краситём вом дорьяса чуркаа нывбаба вылө, код кийн лун көть вой юр веськөданыд пыр нин эм. Орччөн өти баракын Катяыс олө. Пашко пийс сэк немтор на эз гөгөрво. Во кымын нывбаба сьылі вылын вербованнойыд ислаліс, дась сёян-юаннас гусьён кодаліс, кытчөдз эз

вештыны Катьоос лавошникаломьсь растрата вочом понда. Оз кут чуктыны юанторйис Хохол Иванлы, да вольсь чөвтчас Катьо дорө ветломьсь. Пиыс Катьолон, Павелыс, велаулас нин «батьыс» дорө, «папөн» нин шулома весиг. Збыльысьсө Павелыс молдавансянь, коді тані жө Чувшорын уджавлома, өні мунөма нин гортас.

Өти пөрийө Хохол Иван дзикөдз вөрпунктысь вошас, кывсяс, мунөма пө Украинаө, рөдинаас. Воысь дырджык сәні ветлас. Некод оз төд, көні да мый ылі муас вөчас. И друг бөр локтіс Комиө, вөйысис Коля мам дорө. Первойсө балун батьсө, зимөгорсө, мамыс эз көйы лэдзны, но пөль-пөчыс корисны: «Ми кулам, өтнадлы сьөкыд на лоө быдтысьны». И мамыс сөглас сетіс. Ошлөпан кодь мужикыд пуксяс гөтыр сьылі вылас. Рөштвоянь төвсө чужьялас куш муөдз — жель оз бергөд. Уджавны дыш, а юны быд рыт корө. Юас — кампузитө, вөтлө зняпиаөс ывлаө, уна вой лоис коллявны пөль-пөч ордас. «Яндысьтөм бугыль, тунеядеч», — син саяс көритөны төдсаясыс. Совхозын уджсө кедзөвтө, тулыс локтіс да бара пышйис лесопунктө. Зимөгорлысь посёлокө локтөмсө кывлөм бөрын Ыргөн Катьөйд асьыс писө, Павелсө, мед оз кут мешайтчыны, пыравлыны кө кутас Хохол Иваныс сы дорө, лэчөдіс сиктө бать-мам ордас. Тані сәсся Ягдор сиктын и быдмисны кык детинка: сьөд юрсиа, гу кодь пемьид синьяса Павлик да вөсньыдик тушаа, руд кудель юрсиа, лөз синьяса Хохол Коля. Павеллөн жебиник лысьөмыс, висьлөс чужөмыс кажитчис кос поводдя дырйи киськавлытөм быдмөгөн. Коля вөлі көть вөсньыд, но тушанас ас коддьөм пытшкын медся кузь, вермасигьясө некодлы эз сетчыв. Батьыс кодь жө туша-рожанас, шуласны тай, кутшөм пө вужйыс, сэтшөм и баддыс. Быдмис винөв да сөнөд.

Детинка вежөрнад Павел некыдз оз вөлі гөгөрво, мыйла «батьыс» муніс на дорысь мөдьяс ордө. А вед зэв гажа вөлі сы дырйи, «батьыс» дырйи, кодыр сійө китыр кампет сетывліс да малавліс юрсиөдыс, рөдтөдліс пидзөс вылас вөв вылын моз. Павликлөн некор тайө оз вун. Сәсся зонка вежөрын чөжсьыны кутіс Коля вылө лөглун. Сылөн чайтөм серти мыжанас вөліны ёртыс да сылөн мамыс, кодьяс мырдисны Павликлысь «батьсө». Кымын водзө, сымын ёнджыка Павел кутіс мустөмтны Коляөс. Пөль-пөч дорад быдмигөн ышмис, бать-мам чырыштөгьд өтарө вельмис, лои зэв капризной.

Витөд классын велөдчигөн тайө вөлі. Быдлаын сәки лөсьөдчисны бөрийсьөмьяс кежлө. Лөз бумага вылө снимайтөм правительствоса юралысьяслөн портретьясыс өшалісны сикт пасьтала. Ошөдөмны вөлі и школа пытшкөсас, и ывла стенө. Сәсся кандидатьяслысь портретьяссө кодьяскө нетшкасны да шыблаласны ывлаө канаваө. Ёна дыр пакөсьт вөчысьтө оз и корсьны, Ыргөн Павел индас Коля вылө. Та бөрти Хохол Коля вежон чөж оз ветлы школаас. Школаса директор пызанас кучкаломөн видас детинкаөс. Сәсся батьыс, Иван Головня, кывлас пиыслысь пакөститчөмсө да сиктө локылас тасмаавны сійөс. Водзөссө нырсьыс вир петмөн Ыргөн Павелөс нөшалаз жө Коляыс.

Өтчөд, тулыснас, лесопунктысь батьыс локтіс кык морт костын, юөма,

зырым и дуль отлаын. Эня-пия пөрчөдiсны дөрөм-гачсö, водтöдiсны вольпасьö. Пөрчөдiгас деньга көшельыс уси гач зепсьыс, мамыс бөр лэптiс, суйис местаас. Асывнас батыс майшасис, деньга пö вошöма, но мамыс шуис, ми пö немтор эг аддзылö. Та бöрын регыд мысти сиктса челядьöс лэччөдлiсны экскурсияөн карö. Колялөн унакодь вöли сьöмыс, мамыс некор öтка пийдылы эз жалит. Карын сийö быдөнöс пöттшуйтiс преник-кампетөн, чöскыд юанторийөн, гортас локтiс куш зэптөн. Зонкалөн карад лышкыдасьöмыд бара на Ыргөн Павел отсöгөн батыс пельöдз локтöма. Иван Головнялөн пузяс вирыс зепсö гугöдöмысь, чайтас писö босьтöмөн, нарошнö лэччас сиктö писö «велöдны». Тайö пöрийö батыс оз мöд писö тасмаавны, а гөбöчас игналас, часмöд пукöдас, кытчöдз мамыс оз мезды. Вöлөмкö, мамыс сьöмсö дзевлöма, вывтi пö чорыда верöсыс юö да мед пö неуна сайкалас. Сэксянь Коля нöшта на кöдзалас батыс дiнö.

○ Ыргөн Павеллөн сiдз эз и помась Коля вылö лөг кутöмыс. Тадзи найö помалiсны көкьямысöд класс, сэсся öтлаын велöдчисны карын ГПТУ-ын механизаторö, армияö служитны босьтiсны бара жö öти лунö, нуисны öтилаö Сибирö. Служитны веськалiсны ыджыд кар дорö авиационнöй часьтö хозяйственнöй ротаö. Часьтыслөн аслас вöли подсобнöй овмöс, көни видзисны мöсьяс, порсьяс да весиг чипаньяс. Тайö овмöсас и веськалiсны бара кыкнанныс. Коля шопералiс, нуис-вайис, мый колö да кытчö колö, а Павел трактор вылын отсасис көрым вайны, куйöд петкöдны да мукöд пöлөс удж фермаын вöчны.

Салдатьясысь öтар овмöсын уджалiсны дояркаясөн медасьöм том нывьяс, кодьясöс рыт и асыв Коля вайывлiс автобусөн кардорса посёлокысь. Сэки и тöдмасис Коля Рита нима нывкöд. Рита олiс мамыскöд öти жырьяс патераын. Кор вичмылiс прöст кад, зон пыравлiс на ордö.

— Вывтi нин тэ рам, гöтрала вот ас вылö...— шуывлiс Рита. Сэсся чöv олöм бöрын содтылiс:— Службаыд помасьяс да, тэ кольччан ме дорö? Ок эськö лöсьыда мöдам овны тэа-меа... Миян ставыс лöö, да и мам менам зэв шань.

— Ог на тöд, службаöс на колö помавны...

○ Стöча кө висьтавны, Коля эз на мövпыштлы татчö кольччöм йылысь. Ачыс на оз тöд: радейтö-ö сийö нывсö? Строка сюрас да пыравлö тай-а. Рита мамлы нимкодь жö шань салдатлөн пыравлöмыс, пыр нин мыйöнкö вомсö чöсмöдыштö; оз вунöд некор юавны, кыдзи олöны бать-мамыс, кутшöм вильторьяс ыли Коми муын.

○ Талун Риталөн мамыс войколөн кытчöкö мунöма. Ныв корис зонмöс рытнас кольччывны. Субöта рыт вöли, Ыргөн Павел тшöтш вöзйысис посёлокö бöра-водза ветлыны, шуис, менам пö мог сэни эм öтилаö-мöдлаö пыравны.

○ Нывлөн патераыс Колялы кажитчис. Быдлатi пелькöдöма, чышка-лöма, зэв сöстөм оланiн. Рита удитöма вежсьыны. Орöм коска, сьöдлöз вылын аныкытш тусьясөн серöдөм платтьöа, смоль сьöд юрсисö кутыштöма алöйгöрд лентаөн. Бобув моз лэбалö кухнясянь горничаö, лöсьöдö пызан.

— Талун премия сетісны, праздник вочам,— нюмъялө Рита. Закускаяс лосьодом бөрын лэптис пызан вылө водка доз, кисьталіс румкаясө.— Босьт вай румкаясө, казьтылом ради пасьям рытсө.

Коля точкысис, бөр пуктис румкаясө пызан вылө:

— Оз позь меным, руль сайын ме.

— Ичөтика позьө, чеснок няклялан, вевттыс дуксө.

Мед не ободитны көзьяйкаос, вом дорас муртса инмөдліс. Ныв отарө кевмысьө: оти румка пө юан жө. Эз тырмы выныс Колялөн кутчысьнысө, румка джынсө юыштис. Рита тыртөммөдіс ассьыс румкаясө, окасьны окота лоис. Сэссия пөрччис мича платтьөсө, кроватяс шыбитчис, ыркөдчышта пө. Коля шөйөвошис, пукалө пызан сайын, полө видзөдлыны нывланьө, гыжнас гижөдлө пызан дөрасө.

— Лок тшөтш вод, шөйччышт,— корө кинас Рита.

Сы здукө триньөбтис, кылө, звөнок. Ныв халатасис, восьтис керка игансө. Пырис Ыргөн Павел, вашьялө:

— Видзөда, кильчө помад миян автобус, вот и пыри... Эн дивитөй, Колякөд отлаын часьтө мунам.

— Пырин кө, сибөдчы пызан дорас. Премия мыськалам, сөмын тай Коля-Николай ыждадлө, оз ю.

— Рита, рочакань, сы пидди вай ме юа,— пызанлань матыстчис Павел.

— Ас пиддиыс быдөн ачыс юны кутас,— вомалыштис көзьяйкаыд вельмом пырысьсө.

Мычөм румкаясө Павел чикыртчывтөг юис да вазнитис-курчис өгуреч, шняпкыны-няклявны мөдіс. А Коля эз и инмөдчыв румка дорас, чөв-лөнь пукалө, көритана синьясөн видзөдлывлө ёртыс вылө, коді нывлысь юасьтөг озтис папирос, пуркйис вомсьыс лөз тшынсө гөгыльясөн. Павеллы көзьяйка бара на кисьтис юанторсө, мөдыс некодкөд точкысьтөг лэптыштлис румкаясө, пөрөдіс горшас:

— Енлы пеляс, меным вомө...

Кык румкатө юом бөрын кортөм гөсьтлөн вом каличыс личаліс, шыасис Рита дорө:

— Нывьяс йылысь комион куплет сьыла, кывзы:

Нывьяс, нывьяс, бобөяс!

Зад костаныд кузнеча.

Мый нө сэні дорөны?

Киа-кока чудеса!..

Колө кө, Коля мед роч вылас вуджөдас. Сійө мастерджык.

— Тэ, зонмө, быд авантюраө менө эн көвьяв, ачыд панін, ачыд и кы,— дөзмыны пондіс ковтыстөма асьсө кутөмысь ёртыс вылө Коля.

— Ладнө, коркө мөдысь вуджөда,— көсьысис Павел. Сэссия норасьны кутис Риталы, фермаса нывьяс пө ме вылө ньөти оз видзөдны, көть аслым зэв окота төдмасьны оти нывкөд.

Коляөс шөгөдны кутис Павеллөн бызгөмыс, лосьөдчис мунны ка-

зармао. Ныв эз виччысь татшөмторсö, кöсйис гажаа коллявны рытсö Колякöд ас кежын, а торкис ставсö эсйö Павелыс.

— Тэ водзджык мун, бөръя тупöсьыс пачсьыс медводз петалö,— веськыда крапкис кöзьяйкаыд Павеллы.

Мöдыс ас кинас кисьтис коймöд румка, некод вылö видзöдлытöг кымыньтис вомас, «досвиданньö» шуис дай петис.

Павел мунöм бöрын Риталөн синъясыс бара вильышмисны, мугов чужöмыс асья шондi моз ломзö. Сэсся кыкнан кинас сывйыштис зонмöс, шöпкöдiс:

— Кöсья, мед тэ кольччин ме дорö. Гөтрасям... Бать-мамтö корлам, мед видзöдлöны миянлысь олөм-вылөмсö.

— Нинөм ог тöд,— пыксьö салдат,— кöсйися, да оз кö сiдз артмы — мыжа лоа. Вай службаöс помала, сэки тыдовтчас,— Коля воча кутыштлис нылöс, окыштис и. Крöватьöдз воөм йылысь эз вöв мөвпыс. Рита зськö и дельöдчыштискодь да. Зон прöчайтчис нывкöд, петис ывлаö, а керка дорын автобусыс эз вöв. Зон уськöдчылö öтилаö, мöдлаö — машинаыс быттö сылöма. И Павеллөн дукуыс некөн абу. Посёлоксö лои ставсö гөгортöма, смекайтны ассьыс машинасö быд туй вежысь. Сэсся аддзис жö коркö, туй мудöд бокуысь, нырнас пуö зурасьöма. Шопер пока бергалiс автобус гөгөр, кысянькö журкнитис-локтiс «ВАИ». Чеччисны кабинасьыс сержант да капитан — военнöй автоинспекторъяс. Коля зськö кутлис жö накöд вензыны, автобуссö пö лёк йöз пышйöдлiсны посёлокö öти тöдса ордö пыралiгкостi, но прибор петкöдлiс вина дук — ёсь вөлöма исыс.

Аслас часьтö Коля локтiс асьявылыс. Авария йылысь сэни тöдiсны нин.

...Ыргөн Павеллөн ичöt кывйыс винанад кöтасис да телепит лои нöшта юыштны, а юанторсö позис аддзыны сöмын карса ресторанысь. Мөвпыштис судзöдны, но подөн мунны карöдз вель ылын, колiс автомашина. Кужысь мортыдлы эз дыр ковмы ноксьыны: ключтöг восьтис автобус öдзöссö, ключтöг жö и моторсö заведитiс. Тövзылыс ресторанöдз, доз ньöбис. Бöрсö локтигөн ёна тэрмасис, чукульясын весиг газсö эз чинтыв. Посёлок дорын нин шыбитис мудöд саяс, эз вермы веськöднысö да. Ачыс эз доймы. Повзис йöзасьöмысь да пышйыны кутiс туй кузя. Вöтöдiс кутшöмкö мотоцикл, сйö и вайис гарнизонöдз. Часьтö локтiс «отбойöдз» на, некодлы нем эз висьтав, öдйöджык водiс узьны. Асывнас Павел кöсйис аддзöдлыны Коляöс, а сйöс нуöмаось нин дас сутки кежлö гауптвахтаö. Коля узылис иган сайын куш нар вылын, а луннас дзоньталiс жугалөм автобуссö.

Демобилизуйтчытöдз колiс тöлысь.

Дзескыдiнысь петöм бöрын Коля бара на паныдасис Ритакöд, кодi жалитис зонмöс лоөмторсьыс. Корис воливлыны гортас, но машинатöг эз другөн слöймы ветлыны. Сэсся налысь призывсö лэдзисны гортаныс. Павел водзджык мунис, а Коля дзоньталiс на автобуссö. Гортас мунтöдз зон бара на аддзысис Ритакöд, ныв кутiс юасыны:

— Ньöбин магнитофонтö?

— Кутшöм магнитофон?

— Пашаыдкөд сьом корөмөд ньобасыөм вылө да. Магнитофон пө көсьян.

Зонлөн калькаліс вомыс шензьөмысла:

— Уна-ө корис?

— Сө ветымынөс.

— Эг ме корлы тэсянь некутшөм деньга. Гортын ме петкөдла сылы пуж...

Колялы быть лои корны мамыслысь сьом, медым вештыны Павеллысь «уджйөзсө». Жугыльмөм Рита воліс жө Коляөс гортас колльөдны, письмө корис гижны, гашкө пө, бөр локтан... Хохол Колялөн тадзи и помасис армияын служитөм.

А өні, гортас локтөмсянь во кольөм бөрын, нуөдам висьтсө водзө. Ыргөн Павел коліс доймөм мортөс сьөд вой улө өтнассө.

...Колялөн вөлөма на чассьөыс. Кок улас веськаліс кутшөмкө мыджөд, ящик сяма. Өні позис кок чуньяс йылас сулыштны, шойччыштны, сьөлөмсө такөдны. Ньөжйөник, мед выльысь не усыны мыджөд вылысь, кок чуньяснас йөткасьөмөн матыстчис бужөдлань. Ки улас веськалі майөг пом, сы отсөгөн и кыссис-кавшасис му веркөсө. Вата кодь кокъясыс эз кывзысьны, кымынь сапкысис васөд му вылө. Мыні лэчкө шедөмысь. Сьөлөмыс сэтшөма радлыны пондіс, мый зэр войтясыскөд тшөтш өтлаасис чужөм вылас синваыс. Бура дыр шойччөм бөрын, мед не дзикөдз изөймитны кынмөмысь, чеччис, мөдөдчис чой горув. Коккө сэсса воис шор дорөдз, пөрччысис, кыкис сапөг пөвсө — ставсө вөйтис шорө, мед пө куйөд дуксө мыскалас. Колльччис трустик-майка кежысь.

Шор нөрысөд каигөн өти пывсян өшиньысь казяліс дзузу би, кылө, пывсисны. «Мед көть кодъяс сэн, а вөзйыся шонтысьны»,— мөвпаліс зон. Пывсян көджас пырис да кутліс висьтавыны: «Та-та-тайө м-ме Хохол Коля»,— вөрисны сөмын вом доръясыс, но гөлөсыс пөшти эз кыв. Пырис пывсянас. Корөсясисны сэні кык нывбаба. Өтиыс олөма нин, вылыс лабичын пукалө, мөдыс — том ныв, быттьө ыргөнысь кысьтөм статуя, сулаліс пырысьлы паньд. Тайө вөлі Марина, сылөн сьөлөмшөркодь морт, медся радейтана нылыс, а пөрысьджыкыс — мамыс, Анна тьöt. Кыкнанныс повзисны, шөйөвошисны, нем оз кужны шуны.

— М-м-менө л-л-лэдзө ш-ш-шон-тысьны,— зяткөдісны пырысьлөн пиньясыс. Ныв төдіс зонмөс, воськов-мөд вөчис бөрлань, чуймөмпырысь юаліс:

— Коля, тэ абу-ө код?

«Яндысьтөм синмөд, бабаяс дінө пыри... Юр яндзимөд...»— асьсө көритыштис Коля, сэсса бара на мыкталөмөн шуис:

— Энө д-д-дивитөй п-п-пырөмысь, м-ме с-силос г-гуө в-вөйлі, ч-чуть эг п-пөд...

— Силос гуө? О господи помилуй,— төдсасө аддзөм бөрын ас саяс жө воис мамыс, Анна тьöt.

Марина век на сулалө джодж шөрын аслас мусук водзын дзык пасьтөм, корөсьыс сөмын кытсюрө саймөвтө.

— Ой!— кватитчис Марина, уськөдчис пывсян көджө. Пасьталіс улыс дөрөм да бөр пырис пывсянө. Мамыс пасьтасыны жө петіс.

— Көні паськөмьд, косьтыны колө,— төждысьны кутісны эня-ныла. Коля ставсө висьталіс, мый ськөд лои. Жалитөны сійөс, а Павелөс дивитөны. Марина тшөктіс мамсө, мед сійө видзөдлас зонлысь коксө, гашкө пө, майтөга пось ванас зыралас да личөдыштас. Кок шегсө зыралөм бөрын збыльысь лои кокныдджык, көть и пыкөсыс эз чин. Нывбабаяс мунісны, тшөктісны Колялы лючки пывсьыны. Здук-мөд мысти Марина вайис батыслысь шоныд дөрөм-гач.

Мамыслы нем эз кут висьтавыны аскөдыс лоөмтор йылысь. Жалитіс, бара пө кутас рытивбыд син дорсьыс васө чышкавыны, Енлысь дзонь-видзалун пиыслы корны.

— Пиук, мыйкө тай чотан?— юалис мамыс.

— Гөптө неладнө тувчысис.

— Вөрзис кө, Петыр дядь дорад колө ветлыны, сійө веськөдас.

— Ладнө,— сөмын и шуис пиыс, а мамыс ен ув пельөсысь судзөдіс сырйысьөм лист дорьяса книга, сувтіс өбраз водзө да лыддьыны кутіс молитва: «Господи Боже, благослови! Во имя Отца и Сына и Святого Духа, аминь! Господь Бог, твердо утверди и крепко укрепи жилы, и кости, и белое тело, не допускай болезни раба Божия Николая...» А кор помаліс лыддьөдлөмсө, книгасө бөр пуктіс местаас, шуис:

— Муса пи, көм-паськөмьд тай нө абу аслад.

— Мам, немторйысь төждысян, Опонь Мишкөд вежсимө. Зэв сылы, новобранечлы, армейскөй формаыс сьөлөм сертиыс, окота лоөма нывьяс водзын тшөкөлдывайтны, мед рыт-мөд ветлас.

Эскис өд мамыс, некор на пиыс эз пөрьясьлы да. Ачыс суседьясас петіс, йөв кринча пө петкөда.

Коля вевьяліс нин ужнайтны, пуксис телевизор видзөдны. Сы здукө пырис Марина. Чужөмыс вежсьөма, вом дорьясыс тіралөны. Том морт повзискодь, шай-паймуніс, некор на татшөм ногөнсө эз аддзвы да.

— Марина, мый лои?

— Начкыны колө.

— Кодөс?

— Ыргөн Павелөс.

— Мыйысь?

— Пока ми пывсим, волөма мянө эсійө мустөм Павелыс, садьтөм код пө,— висьталіс ныв.— А гортын өтнас Тоня вөлі. Батьө районө лэччис, пензиясө дыр оз вайны да. О господи! Вот юр яндзимыд, мыр-дөналөма чойөс, дас вит арөсаөс...

— Быд пөлөс пакөсьтсө мем сійө вөчліс, и быд пөрийө прөститлі, но өні... Мөс сіт гагөс пычикта. Ог вермы муннысө, тарыт на эськө сю-раліс сылы да...

— Коля, мый кутам вөчны?

— Кыдз нө эськө делөыс вөлөма?

— Ыргөн Павелыд пырас мянө да шуас, ме пө локті Маринаөс коравны, көні пө сійө? Тоня и висьталас, пывсьыны пө лэччисны. Но, абу кө пө сійө, шуас Павелыд, ме пө тэнө корала, тэ пө акань кодь жө мича. Ачыс өдва кок йылас сулалө, код. Сэсса Тоня дінө матыстчас, вай пө тэнө окышта. Мун пө сэсь, ме пө некодкөд на эг окасьлы. Паве-

лыд сэки кватитас нывкатё, уськёдас вольпась вылё, кутас пёрчёдны платтёсё. Тоня эськё водзсаяс, но уна-о вын сылён. Сэссия кабыр улас крөватёрдаса тумбочка вылысь веськалас настольной лампа, сійён и косьобтас Павеллы юрас, мёдыс лямдас, быгыльтчас дждожё. Сэссия юрас кутчысьомён и пышйёма керкаысь.

— Тадзи кё, быттё, ставис вёлі, сійё эз удит нывкасё дойдавын, — сьёлём сетіс Коля.

— Ог тёд, ме чойлысь кывъяссё висьталі.

— Вай тадзи вёчам: некодлы нем пока ог висьталёй. Виччысьлам батьё, мед ачыс решитас...

Мёд луннас зонлөн кокыс эз личёд, ёнджыка пыктёма дай шег дорыс лёзёдёма. Быть ковмис ветлыны Петыр дядь ордё веськёдчыны. Пёрысь морт вель дыр кок шегсё малаліс, отарё-модарё виччысьомён вежнёдліс. Оти пёрао весиг кротшнитіс доймытёдз, но терпитмён. Куим лун и висис гортас, нельёднас петіс нин удж вылё.

Талун поводдяыс вёлі кымёра жё, но эз зэр. Коляёс бара ыстисны картопель кыскавыны. Лунтыр кыйодіс Ыргён Павелёс, но сідзи эз и паныдасылы. Гаражын висьталісны, мунёма пё комбикорм кыскавыны. Аскинас Коля нарошнё кольччис удж бёрас гаражё кыйёдны Павеллысь локтёмсё. Эз ков дыр виччысьны. Павел сувтёдіс тракторсё, чеччыштіс кабинасьыс, сэки и матыстчис Коля.

— Тэ, сөвесьттём морт, зэр улё менё эновтін.

— Муні мужикъяссё чукостны.

— Эн пөрьясь!— ыджыд кулакнас чорыда зургис Павеллы морёсас. И ку пытшысьыс петём зон отчыд зургёмён эз ланьт:— Тайё выбор дырйи плакатьяс нетшкёмысь, помнитан?! Тайё деньга гусялёмён батьлы соритёмысь! Тайё менсьым автобус пышйёдлёмысь! Тайё тэд Тоняёс мырдёналёмысь!..

Павел кыліс асьсё мыжаён, и эз водзсаяс. Яйыс доймыны ёнакодь мёдіс да нетшыштчис Колялён кабырысь и утёвтіс. Ылісянь нин кулаксё лэптылігмоз горёдіс:

— Ме тэн мынта на тавь водзёссё!

Сійё жё рытнас Коля аддзысьліс Маринакёд, висьталіс Павелкёд паныдасылём йылысь. Торйёдчиганыс нин ныв шуис:

— Субётао менам нимлун, кора ыдждёдчыны.

— Ме ог тёд: невестапу дорё муна али сідз ёрт дорё. Тэ ёнөдз на менам юалём вылё воча кыв эн сет.

— Локтад ыдждёдчыны да сэки ай-мамлысь и юалё.

— Нимлун дырйиыд быттё абу лёсьыд корасьнытё.

— Зэв лёсьыд. Мамыдкёд и локтёй, ме аслам пайысь шөпнита жё мамёлы...

Субётаөдз вёлі на куим лун. А Марина нимлун вечерняё Колялы висьталісны, тэнё пё участкёвой милиционер корсьысьё. Быть ковмис мунны. Удж помасьтёдзыс и мёдөдчис Коля сиктсөветё участкёвой дорё.

Участкёвойлы позис сетны сы мында жё ар, мыйта и Колялы. Юрсыыс, ускыс, весиг синкымыс оти пёлёс рёма — быттё биын чишкасьём пожом лыс. Чужём вылас гут сит кодь берин чутьяс.

— Төварыш Головня, Чугунов Павелсö мыйла нöйтінныд? Став телöйс в синяках,— юасыны пондiс участкөвöй, ачыс сумкасыы перйис бумага лист, лöсьöдчис гижны.

Коля гөгöрвоис Ыргөн Павеллысь соритөмсö да эз понды соссыны, но и збыль помкасö эз жö висьтав.

— Мыйла, шуад, зукöдi? Да скöрмöдiс дзикöдз нимтысьöмысь. Войпукын нывьяс дырйи кутiс шуны менö сэрапомөн! Кутшөм сылы делö, мыйсяма ме ов новла. Ог тай шу сийöс, чурка буди молдаван, съод уска төрөкан. Көть сылы буретш лöсялö нимыс.

— Нимтöмысь мортöс нöйтны? Тi, гашкө, психически больнöй? Колö öнi жö изолируютны, мед водзö пакöсьт эз ло.

— Оз ков, ме дзоньвидза! И Ыргөн Павеллы нинөмла вöли шыöдчыны милицияас.

— Кыдзи эз ков шыöдчыны, öтчид сийöс нöйтiд лöзöдмөн, мöдысь нöшалад сэтшöма, мый богу душу сетас. Тадзи нельзя, төварыш Головня, колö ставсö вöчны по закону. Тi-вокöс кө распуститны, пöжалуй, порядка не будет. Аслам участок вылын ме ог допустит некутшөм разбой, раз-мöдысь пуксьöдла за мелкое хулиганство и миленькöйöсь лоанныд. Так что, ковмас тiянлы пукалыштны не столь отдаленных местах,— кывкөрталiс милиционер, но дзик пырсö эз арестуйт, колис на мыйкө дыра кежлö гортас. Стрöжитiс: мед пö некытчö эз вöв вөрзьяма.

Нимлун вылö Маринаöс ыдждöдлыны Коля мунiс öтнас. Мамыслы висьталiс жö кодьясö мунö, но съöрсыйс эз нуöд, кутшөм нö öнi корасьöм йылысь басни, кор милиционер көсийö арестуйтны. Жöник-невестаöс ай-мамыс пуксьöдiсны орччөн. Вöли кө быттьö ныв вылын венчайтчан еджыд платтьö да юр вылас фата, зон вылын съод костюм — позис чайтны свадьбаөн. Мариналөн пöшти став рöдняыс локтöма, пукалiсны пызан сайын да öткымынөн гажмөм бöрас «горько» горöдлывлiсны. Колялы съөлөм вылас вöли зэв шог, винаыс эз пырни, көть и зiлис кажитчыны гажаөн. Марина аддзис мусукыслысь майшасьöмсö, корис висьтавны, мый сыйкөд лои? Коля висьталiс гөститанiнысь мунiгөн нин.

— Батьлы колö юөртны, мед ветлö милицияас да висьталö, мый Павелыс мырдöнавны кутлöма Тоняöс. Ыргөн Павелсö колö асьсö пуксьöдны, эстшөм вельмөма!

Мариналөн батьыс выльлунö и ветлiс участкөвöй дорö. Мый сэнi сёрнитiсны, ныв эз куж висьтавнысö. Шуöма сөмын, ставыс пö бур лöб, мед Коляыд оз майшась.

Колис нин кык вежон, коймөд помасьö. Коляöс сэсся эз нин участкөвöй дорад корлыны. Ыргөн Павел совхозысь пышйöма мамыс дорö лесопунктö. Коля висьталiс Мариналы, мед пö бать-мамыд урожай идралөм бöрын виччысьöны сватьясöс.

А настасия Сергеевна лон да Николай Яковлевич лон вöли ыджыд праздник — двöйня чужис. Гöтрасьöм бöрас дас во вичысисны рöд паськöдöмсö, и вот, гöтырыслысь кевмысьöмсö Енмыс кылöма, жалитöм ради сетöма кык мичаник да öткодь питор.

Батьыс, Николай Яковлевич, дзоргö-видзöдö быдтасьяссö, көсьö аддзыны пастор, вокьяслысь торьялöм, но нинöм сэтшöмсö оз аддзы да ышловзьö:

— Дзик жö нин öткодьöсь, быттьö ва войтъяс, ме сорлала найöс.

— Ньöти он. Этайö зэв азыма нёнясьö да öдйö пöтö, а мöдыс — ньöжйöник да дыр,— индалö кинас гöтырыс.— Талöн со нырыс менам кодь лоö чангыля, синьясыс енэж кодь лöзöсь, а эталöн тэнад нырыс — веськыд да гөрбылякодь, синьясыс рудöсь.

Двöйни рöдитчöм бöрын Николай Яковлевичöс, партия обкомысь отделса завöс, ачыс обкомса первой секретар чолöмалис да эскöдис: «Ковмас кө пö кутшöмкö отсөг, веськыда шыасьö ме дорö».

Раминик да чöлиник дитяыслы нимсö пуктисны дедыслысь — Сергей, а бөрдысь детинкалы — Аркадий.

Позтырыс вöли öти, а зонкаяс öта-мöдсьыс торьялисны, быттьö абу öти бала вылын зэвтöмны. Арöс тыригас нин чужöмьясыс торьялисны. Сергейлөн ныр-вомыс нач мамыслөн, Аркадийлөн — батьыслөн. Нель арöса вокьяслөн и мывкыдныс эз вöвны öткодьöсь. Сергейöс көть юрсидыс някралан — оз бөрддзы, оз норась, Аркадий нем абусьыс вермас вокыслы кучкыны, чöскыдджыктор гусявны и Сергейöс соритны.

Ясли-садйö кык вокöс мамыс новлöдлис, көни ачыс завалис. Сергейлысь садйын быдмöмсö видзысьяс оз помнитны, медым сийö коркö лектор вöчлис, дöзмöдлис, öбöдитлис ёртсö, зато Аркадийöн матайтчылисны: быд лун чача жугöдö, кодöскö зульöдö, оз кывзысь дай вывтi ковтыстöм.

Первой классын кык вокöс öтлаö пуксьöдлисны, но Аркадий эз вермы чöлиника пукавны: бергалис, дурис, мешайтис ёртьясыслы. Учительницалы быть лои воксö торйöдны, пуксьöдны нывкакöд. Пöрысь йöз шулöмаось: съод понлы пö еджыд гөн оз пет. Аркадий и танi эз öвсьы, водзö торкалис урокьяссö, портитис томиник велöдысьлысь нервьяссö. Лои öтнассö пуксьöдны медбөрья парта сайö. Танi сэсся нельöд классöдз пукалис, кадсö коллялис. Вокыс моз жö вермис велöдчыны бура, но дышыс да дурöмыс вöли юр вывтыс пöзьö. Велöдысьяс шоча пуктылисны бур оценка, вермисны и мöд во кежлö кольöдны, но батьыс ыджыд чина морт вöли да, вуджöдлисны йöзыскöд водзö классö. Сидзи ва ньылыдыс и кывтис, некутшöм мытшöд воськовттöг, сьöкыдлуньяс пыктöг. Пионерысь вöтлылисны, а комсомолö эз примитлыны. Зилис ас кодьыс жö зоньяскöд ёртасьны, на вылын нырцикавны. Бать-мамыс пöтакайтисны да сьöм пыр лишöдлисны «на кар-

манные расходы», код вылө Аркадий ньобліс куритчан, гусьоник шпут-кис-куритіс, дасод классын видлаліс нин курыдторьяс. Урокьяс велөдөм пыдди вошласис рытьяснас дискотекаын либө кутшөмкө пөдвалын картасянінын. Сергей быдмис дзик мөд зон, быттьө мөд нянь шомысь көтөма. Вөлі зэв шань и кывзысьысь, велөдчис бура, но төдөмлуннас некор эз ышнясь. Велөдчөмысь өтар быд рыт котраліс стадион вылө спортзалө, чорзьөдіс ассьыс мускуляссө, ёнмөдіс сила волясө, характерсө — дасьтысис военной служба кежлө, көсийс лоны офицерөн. Гортасяслы шулывліс:

— Офицерлөн формаыс зэв мича, збодера мунан походкаыс кажитчө. Сэтшөмөн жө көсья лоны.

Вокьяслысь характерьяссө торья пачын ожигайтөмны: өтиыслөн лоөма чорыд из кодь, мөдыслөн — уль сөй, кыдзи көсьян кабравны кинад, сэтшөм формаа да сяма и лоө мортыс. Кык вок некор эз лөсявны, частө вензылісны. Аркадий нем абусьыс да подувтөг мыждыліс воксө. Отчыд тадзи вөчөмысь ёна и скөрмөдіс Сергейөс. Шуө вөлі зарни исерга мамыслысь босьтөмөн, быттьө пө, пөдругаыслы, аслас класса Зиналы — мичаник, лөсьыдик нывкалы сетөма. Батьыс төлка вөлі да өдйө венсө ваймөдіс. Оні сійө партиялысь обкомсө тупкөм бөрын веськөдліс ыджыд стрөйтчан организацияөн да воддза дорсьыс деньгасө соддзөн кураліс. Гөтырыслы мөд зарни исерга ньөбөмыд сылы вөлі дуль сьөлыштөм кодь. Та вылын и веныс помасис.

Николай Яковлевич сьөлөмсянныс радейтис пиянсө, бөрья кадө найө быдмисны да нюжалісны ас ыждаыс жө. Сергейлөн, спорт радейтысьыдлөн, туша-тэчасыс лоөма зумыд, арся чань кодь ён, кань кодь винёв. Аркадийөс тушанас Енмыс абу жө өбөдитөма, но сійө воксьыс вөсньыдджык, чужөм вылас бледджык, тыдалө, кольөма ассьыс следсө ичөтсьянь куритчөм, курыдторьяс видлалөм. Слабджык здоровйө вөснаыс сетлісны бать-мамыс пөтачка, прөщайтлісны куражитчөмсө, вывтисьөмсө. Веритісны сылы дай содтөд дорйисны на, гашкө, сы вөсна и суюліс нырсө вокыс олөмө. Аркадийлы эз кажитчы вокыслөн Знакөд дружитөмыс, нарешнө көвьясьліс ныв дорө, мырдөн вөзйысьліс колльөдны да та дырйи быд ногыс удтис воксө, кулитіс.

Сергейөс шензьөдіс Зиналөн веськодя вокыс суюсьөм вылө видзөдөмыс, эз дорйысь ни эз өлөд, көть бура төдіс кык воклысь лөсявтөмсө. Та бөрын Сергей юаліс нывлысь, мыйла сійө оз бөрйы на пысь өтисө. Шуас кө сылы вешыны — вешьяс да некор оз сибөдчыв ныв дорө, но Зина шуис:

— Ме ас дінысь некодөс ог вешты, мед, колөкө, колльөдчөны, мый сэні лөкыс? Сьөлөмөс өд ме ог быдөнлы юклы, бөрйөма кө нин өтиөс.

— Аркадийөс?

— Вокыд зэв мастера висьтасьө, интереснө сійөс кывзыны.

— Кывлаыд зептад оз пыр,— не то дивитіс, не то ошкис воксө Сергей. Та дырйи кутыштліс орөм коска дубитөм пася нылөс сойөдыс:— Ме йылысь мыйкө висьтавліс и?

— Висьтавліс,— признайтчис Зина. но мый йылысь, водзө эз кузьөд ни паськөд.

— Нем абуяссö сійö кужö лöсьöдлыны, но и мед. Регыд ме муна татысь.

— Мунан, кытчö?

— Военнöй училищеö, дядь моз көсья лоны офицерöн.

— Кутшöм интереснö,— чиктывны мöдiс ныв. Ичöтик вомыс вашнитiс, да та дырйи сяргысисны аныкытш кодь еджыд пиньяс.— Нывъястö оз примитны, ме эськö муни жö.

Зиналөн кельыдлöз синъясыс нюмъялисны, тöдчис, мый сылы нимкодь орччөн мунны лойсь офицеркөд. Ачыс öтарö суйыштö кинас кынь ку шапка улас чургысьöм кудель рöма юрси пратьяссö, ышловзьöм бöрын висьталö:

— Ме ог на тöд кытчö муна. Мам тшöктö врачö велöдчыны, а бать шуö, гортысь пö некытчö ог лэдз. Тани, университетын пö велöдчы. Аркадийыд кытчö лöсьöдчö мунны?

— Мем сійö оз висьтась, а батылы коркö ошйысьлöма: журналистөн пö лоа.

— А мый? Вермас лоны,— сöгласитчис орччөн муныськөд Зина.— Сочиняйтны кужö, сёрнитны сяммö, гижнытö велалас.

— Öдвакö артмас сылөн, тройкаысь вылö диктантсö эз гижлы,— кылтыштитс воксö Сергей да гусьöник видзöдлiс ныв вылö, но Зиналөн мича чужöм вылас öти сөн эз вөрзьи. Сидзкö, нывлы Аркадий абу на сьөлöм дорас поздысьöма. Зра ревнуйтö.

«Первенство города по боксу среди юношей»,— лыддис Зина керка пельöсö öшöдöм юөртöм.

— Да, аски первенство лоö, көсья тэнö корны «болеитны» ме вöсна.

— Тэ сэни тшöтш лоан? Кутшöм интереснö! Он и пов ныр-вомад сетöдлöмысь?

— Волы стадион вылас, аддзылан, кыдзи мöдасны менö зульöдны,— серöктiс зумыд мускульяса зон.

— Аски ог велöдчö, выходнöй?

— Да.

— Сидзкö, ме быть вола тэнö дорйыны,— көсйысис ныв, сэсся ичöтик кияснас макнитiс да котөрөн пырис оланiнас.

Аскинас Сергей виччысис Зинаöс спорт керкаö пыранiнын, а кор ныв матыстчис, нуöдiс сійöс залö да пуксьöдiс видзöдысьяс пöвстö.

Зина сюся кывзiс динамикысь ринг вылö петысьяслысь овъяссö, терпеннöөн виччысис ёрт йылысь юөртöм, а кор кылис сылысь овсö, залын лыбис кекöначöм шы. Видзöдысьяс, тыдалö, тöдiсны нин тайö зонсö, ошкисны сылысь ринг вылö петöмсö.

Трусик кежысь Сергейöс первойысь на Зина аддзис да аслыс лои любö: татшöм мича да ён зон колльöдлывлö сійöс гортöдзыс, радейтчöма сы вылö. Зонлөн не арлыд серти паськыд пельпомыс, нывъяслөн кодь топалöм коскыс, сой кучик улас быглясьысь мускульясыс, пружина кодь сөнöд кокъясыс вöлины збыльысь багатырлөн.

Бокс пансис. Прöйдитiс, гашкö, минута-мöд, а Сергейлөн водзсасысьыс пластвидзис нин ринг джоджын. Ныв көсйис на сьөлöм бурмытöдзыс видзöдны ёртыслысь косьсö, а тышыс помасьöма нин.

Юөртисны Сергейлысь овсö, вермис пö нокаутöн. Бара залын кыліс кекöначöм шы, шутлялöм, горзöм. Тайö вермысьöс колльöдісны ринг вылысь.

Гортас бöрсö мунігөн Зина дугдывтöг висьтасис, кутшöма сылөн тірзис яйыс тыш заводитчигас да кутшöма көсийс горзыны, мед Сергей вермас, и друг ставыс öдйö помасис.

— Талун слабиник боксёр веськаліс, но водзö пыр ёнджык да крепыд зоньяс лооны,— Сергей сывйыштис нылös коскөдыс, топөдіс морös бердас, көдзыдсьыс гөрдөдыштöм чужöмсö чупнитіс-оқыштіс, мөдыс водзөссö китш-китшөн серөктіс, любö вöлі нывлы.

— Финалö вотөдз унаысь лөзөдлас син дорыд,— ассьыс мөвпсö водзö нөжөдіс боксёр.

— Ме тэ понда «болеитны» мөда,— көсийсис ныв.

Төвся луныд дженьыд, регыд ывлаыс пемдö. Талун сюръяяс вылын биыс эз на öзйы, морт чужöмсö позис на аддзыны. Зина и казялас öти керка дорысь, пельөссьыс, Аркадийös, кодös кытшалöмны куим том морт.

— Кежавлам сэтчö, мый найö вөчöны?— корис зонмös Зина, сойöдыс мөдсö кыскигмоз.

Ныла-зонма матыстчисны буретш сэк, кор öти уска зон кутö Аркадийös, а мөд, тамыш синма, лөсыштіс сылы чужöмас, мыйысь сразу и ойдіс вирөн.

— О господи! Вот извергьясыд!— повзьöмысла чилөстіс ныв.— Мыйысь ті мортсö нөйтанныд?!

— Тэ, барышня, эн суитчы, абу тэнад делö,— чокышсис Зина вылö коймөд зонмыс, коді вöлі палича.— Тэд дай сюрас...

— Ноко, öні жö дугдöй косясьныс!— тшөтш горөдіс Сергей.— Мый сійö лёксö вөчис тиянлы?

— Коді тайö сэтшöмыс тьякайтö?!— уска зон лэдзис Аркадийös, зэв тшапа матыстчис Сергей дорö, вомсьыс пакнитіс лёк вина дук.

— Сергей и Зина пышйö татысь, тиянös нөшаласны!— удитіс горөдны Аркадий и сійö жö здукö мышсяныс юрас кучкөмысь турбыльтчис тола пиö.

— Тэ көсьян мездысьны, зырымбеды!— уска зон шуйга кинас шамыртіс Сергейлысь голясö, веськыднас лөсьөдчис швачкыны боксёрлы ныр-вомас, но сійö, пока көсийсис, ачыс ойкнитіс, кияснас шеркнитіс да гатшөн уси вокыс дінö. Тайö Сергейлөн көрт кодь кулакыс мөд мортös нин талун мөдөдіс нокаутö. Тамыш синма зон, коді Аркадийлы юрас кучкис, кисö лэптöмөн, мисьтöма матькигыр варыш моз уськөдчис Сергей вылö, но тшөка лыас зэв чорыда зяткөмысь песовтчис, ойкнитіс и палгысис мышывив туй юж вылö. Сьöлыштіс вомсьыс кык чегөм пинь. Көч сьөлöма кодь паличөн сулалысь коймөд зонмыс нем гөгөрвотöг, вомсö паськөдөмөн барьяліс öтарö-мөдарö, видзөдіс ёртьясылысь лым пиын туплясьөмсö, мыйкө көсийс шуны, но повзьöмысла гөлөсыс сибдöма, оз пет, сöмын немöй моз öвтчö паличнас да тяпөдö вомнас. Сергей матыстчис сы дорö, нетшыштіс кисыс пуртсö да скöрысь юалис:

— Мыйысь нөйтад зонсө?

Көч моз тірзыйсы зон көсийс пышыйны, но Сергей клецион моз кабыртис сылысы сойсө, и мөдыслы лои энотчыны, коньор моз лэдзис юрсө да кутис виччысыны, кор сылы кучкасны.

— Ме юали, мыйысь менсым воксө зульодад?— боксёр тувкис бокас зуйвидзысылы, и мөдыс вөлисы быттьо садьмис.

— Э-э-этайо, во-вокон кодос шуин, мянлы ка-картион ворссис вель ыджыд сумма, т-талун кө-көсийс сетны, а вайис кутшөмкө пе-пельын новлан ыргон-т-тор.

Сергей босьтис мыччөмторсө. Тайо вөлі мамыслон зарни исерга. Код юраясыд зарниысь вөчөмторсө абу вермөмны торийодны ыргөнысь, вот и лыбөма шумыс. Коймөд зонмыс пока висьтасис, уска том морт удитөма чеччыны, кватитны зепсыс пурт, шенасьомон матыстчис Сергей дорө. Зина тайос казяліс да горөдіс:

— Кулиганыс пурта!

Сергей кань моз зэв өдіө бергөдчөс, кызди пыр вөчлывлө ринг вылын, өдөбөн чужийс матыстчысылы киас, пуртыс бергалөмон лэбис ылө да сатшис лым пиө. Угрожайтанторыс уска зонлон киас эз ло, но век на эз көсийс миритчыны, мый найос өтнас зырымбедьыс вермис, да выльысь кулакъяснас уськөдчис өбөдитысь вылө. Тайо пөрийө уськөдчысь зон ачыс зурасис боксёрлон чорыд кулакө. Оні эз усь кок йивсысы, а бөрвыс сетчис да друг кутчысис чужөмас — пиньясыс ансө ородөмны. Тамыш синма мөд зонмыс, коді дыр на куйліс туй юж вылын, пидзөс вылас вель ылө кыссьөм бөрын сувтис да, бөрвыс видзөдлытөг, уськөдчис пышыйны. Сы кості, пока Сергей ноксис өткөдмөдкөд, вокыс удитөма чеччыны, матыстчыны уска зон дорө да водзөссө мый вынсысы бротийө-чужьялө мөдыслы ситанас. Но и сийө эз кут мөмляйтны — уськөдчис стремглав, кокыс муас оз инмав, пышйө.

— Мун картёжникьясыдлы висьтав, мед мөдысь вокос шатияс оз примитны,— коймөд зонмөс мышсяныыс тойлалігтыр стрөжитис Серрей, а кор зонмыс муніс, шыасис вокыс дорө:— Абу колөма мездыны, мед бокьястө нөшйисны пөрьясьөмсьыд.

— Вокө, прөстит, винөват. Сьөмыс эз сюр, быть лои мамлысь исергасө босьтны залог пыдди,— правдайтчыны кутис Аркадий.— Тайо өлукьясыс абу на, тыдалө, зарниысь вөчөмторсө аддзылөмны, ыргон чачаон шуоны.

— Менө оз интересуйт налөн төдөмлуныс, а забеднө сыысь, кор тэ менө нем абусысы суклялін да Зиналысь мича нимсө лякөсьтін.

— Вокө, эн скөрмы, өта-мөд костын мыйыс оз овлы да.

Аркадий кольччис вирөсь чужөмсө лымийон мысыкыны, а Сергей Зинакөд мөдөдчисны гортланьыс.

— Вокыд мыйон менө лякөсьтис?— горт дорас локтөм бөрын юалис ныв.

— Мамлысь пө зарни исерга тэд пөдариті.

— Дивө тай. Мастера кө баитө, мастера и пөрьясьө,— дивуйтчис Зина.— А вид сертиыс он думышт, мый сэтшөм морт.

— Бать-мам пöвaдитісны, некoр зз чырыштлыны, вoт и дуркмис, нинöм oз мöрччы, кöть кучиксö куль,— збыльысь вöлі скöрмöма Сергей.

— Тэ тай абу сэтшöм, кöть öти поэтырысь. Вид вылад чöлиник, рaминик, а кутшöм повтöм, збoй да ён. Клaссын кö пöдругаяслы висьтaлa, вepмaсны мырддъыны, нo мe oг нeкoдлы сет,— тa бöрын зэв aзымa ныв сepöктіс, сувтöдіс зoнмöс, сэсся кoпыртіс сылысь юрсö aслaс чужöм бepдöдз. Сюръяяc вылын öзйисны нин биясыс да ныв aддзис Сергей синъясысь нимкoдълун, мeлілун, рaдeйтны кöсйöм.

— Талун мe тэнö быд бoксянь тöдмaлі и гopдитчa, сьöлöм вылын лoи лöсьыд, мый тэ сэтшöм, кутшöмöс мe и кoрси. Сэсся дивит кöть эн, a oкoтa лoи aслым тэнсьыд чужöм бoктö oкыштны,— тaдзи шуöм бöрын ныв инмöдліс вoмнaс зoнлысь кöдзыд бaн бoксö и кoтöрөн пырис гoртaс.

Мaмыслысь исepгacö Сергей бöр пуктіс шкaтулкaö, кöні пыр видзисны зaрнийсь вöчöмтoръяc, нo сы йылысь нeкoдлы нинöм зз висьтaв, мeд пö, кoлöкö, вoкыc oпpaвдaйтчö, кoр кaзьялaсны вoшлöмтoрсö.

Вeжoн кoльöм бöрын Сергейöс кoрисны милицияö. Тoм зoн урoкъяc пoмaсьöмсö муртa виччысис, сьöлöмыс мaйшaсис, инaс зз öшйы, мыйлa милицияö кoрöны? Дeрт, oз бурьысь, и aбу сійö тьöцa дoрын блин сeйöм.

Сергейлы милицияын индісны, кутшöм жырийö пырны, сэні сійöс виччысисны нин. Пызан сайын пукаліс старшöй лейтенaнт пoгoнъяca устöм-тoштöм тoм мoрт, висьтaліс aсьсö слeдoвaтeльöн. Пaнсис сeрни сысянь, мый лoктöмa oтдeлaс нoрaсьöм, кoрöмaöсь тышкaсьысьöс чырыштны пo стрoгoсти зaкoнa. Сергей висьтaліс стaвсö, кыдзи вöлі дeлöыс, сöмын Зинaöс, мeд нывсö нeкытчö зз кыcкaвны, зз гaрышт.

— Aслыд тай сюрлöмa жö, син дoръясыд лöзöсь?— юaліс слeдoвaтeль.

— Сaдь юрaöсь кö вöліны, гaшкö, и сюрaліс, a син дoрaс пeчaтьыc финaл дырйи лoи,— пpизнaйтчис зoн.

— Бoкcиpуйтчaн?

— Дa.

— Кутшöм мeстa бoсьтін?

— Aслaм вeсын пepвoй.

— Oшкa, нo вoдзö уличын кулaкъяcнaд oз кoв шeнaсьны. Мe пepвoйсö эг вepит, мый дaсöд клaссa вeлöдчысь öтнaс вepмис кyим вepстьö зoнмöс пyркöдны? Öні вepитa. Aддзa: тэ зумыд дeтинa и повтöм. Пoмaлaн шкoлaтö дa миянö лoк уджaвны, вoдзaс, дeрт, кoвмaс вeлöдчыштны.

— Boeннöй училищeö oкoтa мунны, кöсья лoны oфицepöн,— пpизнaйтчис Сергей.

— Зэв бур,— oшкыштіс слeдoвaтeль,— сöмын вoкыд тэнад oбъяcнитeльнöяc дзик мöд нoг гижöмa, aбу сідзи вöлöмa дeлöыс, кыдзи тэ висьтaлін.

— Кыдзи мöд нoгыс? Мый вöлі, сідзи и висьтaлі, нeм эг coдты и эг чинт,— зoнлөн сьöлöмыс бaрa тэрыбджыкa мöдіс тiпкыны, aчыс кöть зiлис кyтчысьны cпoкoйнöя.

— Вокод абу тышкасьома, сулалома бодын, а скормомыд да паномыд косьсö тэ — зырымбедьон шуомысь. Корома сийö тэнö овсыны, не панны тышсö, но абу кывзысьомыд. Боксерон шусьомыд да куимнанныслы ныр-вомас сетодломыд, пиньяссö кисьтомыд. Сидз вöли делöйс?

— Абу збыль. Ме вылö уськөдчисны и быть лои водзасьсны. Сидзи гижнысö, конкө, картёжникьясыс бара вокос неволитисны. Полö сийö, абу ме кодь, нямөд!..

Гортас вокыс эз вöv. Чукормылөм лөгсö некытчö вöли лэдзны да Сергей дузвидзөмөн пукалис, мамыс юалөмьяс вылö кыздзюрö вочавидзлис, кытчөдз батыс эз лок удж вылысь да чорзылөм сьөлөмсö небзьөд.

— Милицияса начальник меным звонитлис тэнад кампузитчөм йылысь. Ми ськөд отлаын обкомын уджавлим, тодам öта-мөдөс. Сырборсö кусодас, но тэнö, муса пи, кора: кулакыд кө луддзас — сюръя бердö сетодлы, но водзö вылö мед эз вöv тышкасьома некодкөд.

— Но... — эз көсйы сөгласитчыны пиыс, но батыс оправданнысö эз көсйы кывзыны, шуис:

— Некутшөм «но» ме ог төд, и ог лэдз, мед тэ тюрмаө веськалин.

Рытнас, кор Аркадий пырис узылан жырйö, вокыс эз көсйы шыасьны сы дорö, но пузылөм сьөлөмыс абу на дзикөдз ыркалома да кватитис вокыслысь морөссö:

— Тэ лоөмыд иуда кодь, көин көть гонсö вежö, а тэ кутшөм вöлин, сэтшөмөн и колян — кык бана шаньга!

— Менö шайкаыс бара топөдлис, мырдөн ас ногыс гижөдис, иначе пö бара ныр-вомтö краситам, тэнö стражайтисны нөйтны и, — насморкөн висысь моз нырнас шлюпйөдлис вокыс.

— Нямөд тэ! Сэсся быдөнысь кө повны, свет вылас не овны! Тшуп тайос гөрба нырад да некор эн вунөд, — йөткыштит ас динсьыс воксö, сэсся водис да бергөдчис стен дорö.

Милицияö корлөм бöрын Сергейос быттьö вежисны: йөршитчис аслас ку пытшкө, вокыскөд ородис быд полос йитөд, эз мөд сёрнитны, дай школаын асьсö кутис эз важ моз весела. Зина пыр и казялис тайос да öти рытö ачыс корис кольччывны зонмөс.

— Мый тэкөд лои? Неважөн на гордитчи, ошйыси пöдругаяслы аслам кавалерөн, а öни тэнö вежөмны: абу важ кодь весел, синьясыд жугыльöсь дай меысь мөдин пышъявны. Висьтав, мыйын помкаыс, кодй мыжа? Гортад мыйкө нелючки? — ичөтик кияссö чабралигтыр майшасис ныв.

— Мый тэ, Зинук, ставыс лючки-ладнö, — зон эз көсйы восьтыны сьөлөмсьыс өдзөссö, дзевис бөръя кадö лоөмторьяссö, ачыс на босьтчис такөдны нылос. — Уна кад спорт керкаын колляла, гашкө, мудзыштит, да сийö вежөрын төдчö. А тэысь ме некор ог көсйы пышъявны, нэм кута дружитны. Вот.

Туй кузя ветлысь-мунысьяс вылö видзөдтөг, Сергей смелмөдчис, кутыштит коскөдыс нылос, зэв чөскыда вом дорсö том анылысь окыштит, сэсся серөктігмоз шуис:

— Тайон ми йитимö навеки-вечные — дружба!

— Ачыл шуан йитчим пыр кезлө, а мунны көсьян, — жугыльмисны мича синьясыс нывлөн.

— Военной училище помала и тэнö ас дорö босьта, велодчигкостийд кө он модос аддзы, — Сергей бара модлис окыштны, но Зина вештис чужомсö, шуис:

— Ме Джульетта моз көсья верной подругаон лоны, а тэ, Ромэо, верман он кутны ассьыд кывтö? Офицерьяс вылад ма вылө моз нывьясыд лясöны.

— Менам сьолөм бердö öти дзоридз лясöма, модыс оз ков, — Сергей порчодис Зиналысь мича сера кепысьсö, суйис ичотик кияссö аслас пась пытшкө морос дорас, кылан он пö сьолөм тпкөмсö, сийö пö тэ вöсна вийсьö-пессьö.

Ныла-зонма сулалöны воча чужом. Ныв сөмын зонлы пельпомодзис, чужомсö чатөртөмөн видзодö мусук вылө. Кыкнанныс нюмьялöны и вöлины зэв нимкодьясь, шудаось. Талун налөн сьолөмьясас пестысис да ымравны кутис жара дружбаыскөд ыджыд любов.

Зиналөн бать-мамыс коммерсантьяс, төвар нуоны-вайоны асьныс жö и лавкаясын вузавлөны. Öтка нывсö куклаос моз видзöны, воччөдöны, сьомсö сы вылө ньöти оз жалитны. Кутшөм поводдя, сэтшөм и паськөм. Кольөм вежоннас новлис орөм коска дубитөм пась, а талун вöли кышалöма лөзөн краситөм, дженьыдик, муртса бексö тупкө, лым еджыд ыжку дораса пась. Кокьясас Ижмаын вөчөдөм мича пимияс, юрас — кынь ку шапкасö вежөма анча куысь вурөм шапка вылө. Сэтшөм лосьыдик да мичаник ныв.

Кык вокос бать-мамыс бура жö пасьтөдисны, некор эз төдлыны «абу» кывтö пасьтасьөм кузяыд. Аркадий капризнойджык быдмис да сылөн унджык вөччанторыс. Батьыс ыжда жö нюжалөм бөрын Сергейлы кажитчыны кутис айыслөн сьод пасьыс, кодос обкомас уджалгас на ньоблөма, сийос кутис новлыны.

Кузь да кодзыд төв дзуртөмөн прöйдитис, гажа тулыс нин бөрö коли. Дасод классын госэкзаменьяс лои сдайтöма. Сергейлы муртса эз судзсы зарни медаль вылө öти бал, зато Аркадийос класс кодыс шпаргалкаясөн отсалисны сдаитны. Мед көть пö и стаьыс «уд», но аттестатсö сетисны.

Сергей модөдис документьяссö Екатеринбургса военной училищө. Сийö карас жö олис батыслөн ыджыдджык вокыс, отставкаса полковник — Сергейлөн дядьыс.

Аркадийос батыс иналис университетö, филология факультетö, мед пö бөрыннас лоны журналистөн. Зина сдайтöма экзаменьяссö университетö жö, көсий лоны экономистөн. Сөмын Сергей муно ыли карö. Экзаменьяссö сдаитны ветлис жö, олөма дядь ордас.

Училищө велодчыны мунан вечерняö ныла-зонма сёр рытөдз гуляйтисны карса уличаясти. Сэссия ветлөдлөмсьыс мудзисны да шойчыны пуксисны неыджыд сад йөрö. Кыкнанныслы жаль вöли торйөдчыны, чувствуйтисны: торьялöны дыр кезлө. Сьолөмьясыс öни нин

пессисны гажтӧмлунсӧ кылӧмысь, окота вӧлі бӧрря рытсӧ зэв колана, тӧдчана кивъяс шуавны, мед сэсса казтывлыны бӧрас дыр.

— Муса ныв, эн шогсы,— Сергей малалӧ кудель рӧма юрсисӧ да такӧдӧ Зинаӧс.— Быд во мӧда кыкысь гортӧ волыны: тӧлын и гожӧмын. Сэсса тэ мекӧд пыр лоан, фототӧ сьӧлӧм дӧнын и мӧда видзны. Гажтӧм босьтас да некодысь яндысьтӧг кыска зептысь и мӧда окавны. А узигӧн подушка улӧ пукта, мед тэно мичаа вӧтавны.

Талун Зина нӧти оз пыксы зонмӧн окалӧмысь, ачыс на сывйыштӧ мусуксӧ сьылӧдыс да ляскӧ паръяссӧ зон паръяс дорӧ, сэсса мынтӧдчӧ, мед лолыштны да шуӧ:

— Снимайтчӧм бӧрад мем сразу ысты карточкатӧ,— зэв мелі гӧлӧсӧн корӧ Зина.— Окота видзӧдлыны военнӧй формаа кавалерӧс да ошйысьны пӧдругаяслы. Найӧ юасисны нин: кутшӧм чинӧн пӧ петан сзтысь? Ме шуа, мися, салдатъяс вылас медся ыджыдыс. Тайӧ муса зон, Енмыс вӧчӧ мянлы испытание: вермам-ӧ торйӧн олігӧн кутны ассыным радейтӧм, лоас-ӧ мян дружбаын калькалӧм да оз-ӧ кодкӧ сюсь морт сюй нырсӧ мян костӧ?

— Ӗдзӧстӧ кӧ каличалан, бокӧвӧй некод оз пыр,— зон топӧдіс нылӧс, окыштіс да вӧлись содтіс:— Сьӧлӧмад пыран ключсӧ ме сьӧрысь босьта, ассым тэд сета.

Рытыс вӧлі август пом. Лунъясыс кӧть сулалісны шоныдӧсь на, но войясыс вӧліны прамӧя нин пемыдӧсь и ыркыдӧсь, тӧдчис арлӧн матыстчысь лов шыыс. Сюръя йывсянь лампа югӧрын пӧртмасисны тӧвру пӧлыштӧмысь листа пуяслӧн вижӧдны мӧдӧм коръясыс, кодъяс шочиника усълісны му вылӧ, шарӧдчисны кок улын. Енэжыс вӧлі кымӧртӧм, дзоргисны лыдтӧм-тшӧттӧм яръюгыд синъяса кодзувъяс, яндысьысь ичмонь моз мыччӧма асыввылӧ ӧтар бан боксӧ томиник тӧлысь, лӧсьӧдчӧ качны вылӧджык, мед видзӧдлыны, мый вӧчсьӧ му вылас.

Асывнас Сергейӧс колльӧдісны аэропортын, ставныс кутчысьлісны, прӧщайтчисны, медбӧрын матыстчис Зина. Некодысь яндысьтӧг Сергей сывйыштіс нылӧс, тэрмасьӧмӧн некымынысь окыштіс и муніс пуксянінӧ.

Аркадий велӧдчис университетын сідз-тадз: ӧти лун волӧ, кыкӧс оз. Том мортыдлӧн веж на пиньыс вӧлӧма наукалысь гранитсӧ йирны. Первойя семестрас и тангысис плешнас тайӧ мича изъяс — экзаменьяс вылас джын дисциплинасӧ эз вермы сдایتны, нюжаліс тулыс кежлас вель кузь бӧж.

Велӧдчигас Аркадий быд лун кутіс дзайгыны батыслысь машина нӧбны, став прамӧй ныв-пилӧн пӧ эм аслас машина, сӧмын сьлӧн абу. Батыслысь «Волгасӧ» эз кӧсйи чутӧдны, мед пӧ аслам личнӧй вӧлі. Озыра олысь бать-мамыс каприз пилы пыр зілісны угӧдитны, да машина босьтӧмыд налы вӧлі чача нӧбӧм кодъ. Ньӧбисны «Жигулилысь» бӧрря модельсӧ, кодӧс сӧмын на лэдзӧмны заводсьыс. Машина нӧбӧм бӧрын Аркадийлӧн аппетитыс содіс «на карманные расходы» некымын пӧв: бензин вылӧ, нывъясӧс новлӧдлігӧн вомъяссӧ чӧсмӧдӧм вылӧ дай и эз ӧвсы курыдторьясысь. Тадзи кыссис пи-

ыслөн рай оломыс гожомбыд. Сергей вөлі жө гортас локтома каникульяс вылө, но сійос аслас машина дорө матө эз сибөд.

Мөд велөдчан вонас Аркадийлы телепит лоөма гөтрасьны. Невестасө аддзөма университетсыс Зина группасыс, ичөтик тушаа еджыд юрсиа лөсьыдик нылөс. Гозйөдчытөдзыс на ай-мамыслы условие пуктас: том гозья мед олісны торйөн да вөлі асланыс патера. Позтөг да өтнасөн пө оло сөмын көк. Ыдждыд чина мортыдлы, Николай Яковлевичлы, коді веськөдліс карас став стрөйтчан уджъяснас, несйөм кодъ вөлі пиислы патера судзөдөмыд. Аркадий овмөдчис куим жыръя патераө том да мича гөтыркөд. Свадьбасө панлісны кык лун водзті Виль воөдз, мед пө том йөзлөн дырджык нюжалө праздникыс. Жөникладорсян и невестасяныс йөзыс вөлі тырыс локтома, узыныс эз төрны кык патераад да суседъясас на лои кодскюрөөс меститны. Сөмын Сергей эз вөв локтома вокыс свадьба вылө. Аркадий нарошнө эз виччысь каникульяссө, мед вокыс эз вермы воны Екатеринбургсыс. Бать-мамыс эськө мөдлісны жө пыксыны да көза кодъ нарт писө өмөй верман венны? Вөчис ас ногыс. Во джын кымын том гозья лючки-ладнө олісны, сэсся, тыдалө, съөд кань на кості котөртис: лун нюльсьоны, кыкөс — пурсьоны. Аркадий норасьө гөтыр вылас: нинөм пө оз куж вөчны: пусыны ни дөрөм-гач мыськыны, ни керка пытш пелькөдны. Гөтырыс — яр ныв, пель вундысь кодъ веськалома — оз сетчы водзсасьомнас: дугдін пө велөдчыны да другъясыдкөд суткыясөн вошласян, кодалан, нинөм абусьыс пинясян и грөш ыджда пө горт помын он вөч.

Тадзи, дерт, зык да шумөн дыр эз вермыны овны, йитөдыс, мый том гозьяөс кутіс, ори. Төдысь морт эськө шуис: колипкай да сюзь өтлаын некор оз овны!

Аркадий вөтліс гөтырсө али том ичмоньыс ачыс пышйис — некод эз куж висьтавын: кыкнанныс шуисны асьнысө правөн. Бать-мамыс ковтома асьсө кутөмысь чырыштисны жө писө, мый вылө сійө вочавидзис:

— Велөдчөм ни гөтыр өні оз ков, ме бөрийи бизнес. Көсья лоны коммерсантөн.

— Муса пи, мыйла он кывзысь мянлысь, ас рунад олан? Али мыйкө ог сідз вөчө? Машина корин — ньөбимө, гөтрасин да торйөн көсийн овны — патера лөсьөдім. Мый тэд оз тырмы?

— Көсья ачим нажөвитчыны, но паплы ковмас отсавны.

— Мыйөн, кутшөм отсөг?

— Стрөйтчан организациясяныд гарантия сет, мед банкысь ссуда сетасны,— чуклясьтөг крапкис-шуис пи.

Батьыс вель дыр чөв оліс, мыйкө думайтис, сэсся медбөрын юалис:

— Кутшөм төварөн көсьян вузасыны, мый вылө босьтан лицензиясө?

— Водкаөн да кутшөмсюрө шылльө-мыльёөн, озырмышта да позьө төварсө паськөдны.

— Ог төд, мыйкө артмас тэнад оз?— эз эскыссыс батьыслы.

— Артмас. Отсав ссудасө босьтны,— Аркадий чайтис, мый панөм делөыс пыксьө сөмын ссудаө, а мый бөрас лоө, кутшөм сьөкыдлунъяс ковмас венны, сійос оз майшөдлы.

Бөръя воӧ училищеас велӧдчигӧн нин, каникульяс вылӧ гортас волӧгӧн Сергей юалис батыслысь, мыйла воксӧ армияӧ оз нуны.

— Ачыс оз кӧсйы, «дедовщинаысь» повзёма,— вочавидзис Николай Яковлевич, а мамыс содтіс:

— Батыд раз-мӧдысь военком дорӧ пыраліс, туйзыысис, мед «белӧй» билет сетӧны.

— Ӧні невоеннообязанной пӧ, висълӧс морт,— серам сорӧн содтіс батыс.— Коммерсант, акционерса директор. Аслас вина лавка, вузасян кык киоск, кӧсйӧ нывбабаяслы мичлун вӧчан салон восьтыны. Банкысь ссуда босьтны отсалі, мед уджалӧ, ачыс окотитіс,— тӧдчис, мый батыслы зэв нимкодъ.

— Тӧлк вылӧ кӧ петіс — зэв бур! Ме ошка,— тшӧтш збылысь рад вӧлі Сергей.

Каникульяс вылӧ волӧгӧн Сергейлӧн пӧдругаыс, Зинаыс, оз и вешйыв мусук дорсьыс, рыт сёрӧдз кывзӧ зонлысь висътасьӧмсӧ, бӧръя волӧгас торйӧн нин ёна майшасис:

— Помалад училищесӧ да мед кӧть война вылас оз нуны, Чечняс кось вылас.

— Меным во джын велӧдчыны коли, гашкӧ, сэк кежлӧ помася войнаыс,— такӧдіс нывлысь сьӧлӧмсӧ Сергей.

— Мед жӧ, уна нин том морт уси, калекаӧн лои,— Зиналӧн мича чужӧмыс весиг кезнитліс да став тушакодьнас топӧдчис зон дорӧ.— Мед Ен видзас тэнӧ сэтчӧ нуӧмысь. А вокыд мыйла абу армияын?

— Мам шуӧ, висьӧ пӧ,— Сергей эз кут висътавны, мый дедовщинаысь повзёма.

— А нывъяссӧ пӧрйӧдлынысӧ оз вись? Миян группасысь ӧти нылӧс гӧтыр вылӧ босьтліс да полгода бӧрын вӧтліс. Козёл моз мӧд бӧрся нин вӧтлысьӧ,— зывӧка артмис висъталӧмыс Зиналӧн.— Ме бӧрся мӧдліс жӧ вӧтлысьны, но ӧлӧді, мися, вокыдлы висътала, дугдіс сэсса. Тэ сэнӧ век на бокснад занимайтчан?— ныв аддзис зон морӧс вылысь значок да лыддис:— Чемпион по боксу Уральского военного округа.

— Удайтчывлӧ корсюрӧ,— признайтчис зон.

Тайӧ разын училищеас мунтӧдз Сергейлы удайтчис на мамыслысь ыдждӧдлыны нимлунсӧ, пенсия вылӧ петӧмсӧ. Детсадъяс дыр да бура уджалӧмысь сетӧмаӧсь медаль «Ветеран труда», республикаса Юралыссянь Почёт грамота. Ёна и ыдждӧдлісны мамсӧ, вой шӧръяс бӧрӧдз сьылісны-йӧктісны чукӧртчылӧм йӧз. Николай Яковлевич некор оз вӧлі курыдторъяснас ышмывлы, а гӧтыр нимлун вылас прамӧя кодзыліс, ёна и йӧктіс да сьыліс. Аски асывнас Сергейӧс колльӧдісны самолёт вылӧ, и сійӧ нинӧм нин эз кывлы войнас лоӧмтор йылысь. Николай Яковлевич сӧмын на пырис гортас колльӧдчанінысь, кыдзи садьтӧгыс повзём чужӧма, лолыс оз шед висътавныс, локтіс найӧӧ уджыввса главной бухгалтерыс.

— Сейфтӧ конторасыд нуӧмны,— син доръяссӧ чышкаліс нывбаба да ӧтарӧ мӧдіс сулявны нырсӧ, вишкайтіс.

— Кыті пырӧмны? Ӧдзӧсьясыс кӧртысь, ӧшиньясас решётка,— шӧйӧвошӧмсӧ дзедтӧг юасис организацияӧн юралысь.

— Ӧдзӧс ни ӧшинь абу жугӧдӧмны, гашкӧ, ключӧн восьтисны?—
пыр на ойзис нывбаба.

— Ключьясыс сӧмын тэ ордын да ме ордын,— стӧчмӧдӧс юралыс
да сюис кисӧ пинжак зептас.— То менам ключьясыс зельӧдчӧны.

— Менам сьӧрыс жӧ,— сумкасыс ключ чукӧр петкӧдлӧс главбух.

— Звӧнитам милицияӧ, мед разберитчӧны,— телефон трубка босьтӧс
Николай Яковлевич.— Тэнад нем эз ков сэтӧс чутӧдны. Гусьясыс
яслӧн, кӧнкӧ, пӧсь на кок туйыс,— шуис кӧзяин, ачыс кутчысис сьӧлӧм
дорас, мисьтӧма кӧрыштлӧс чужӧмсӧ, ӧна доймӧм бӧрын моз куньлӧс
синьяссӧ.— Нервничайтӧмыс сьӧлӧм кватитӧс,— и тӧпкис вомас таб-
летка, неуна пукалыштӧс, сэсся корис:— Мунам контораӧ.

Контора дорын милиция машина сулалӧс нин, сэнӧ жӧ вӧлӧ понма
морт. Быдлатӧ видлалӧм да снимайтӧм бӧрын вӧлисти йӧзсӧ чукӧртисны
директор кабинетӧ, кодьяс вӧлины медводз йитчӧмаӧсь кассакӧд,
вӧчисны шыш корсьысыс татшӧм кивкӧртӧд:

— Пыран ӧдзӧсьяссӧ восьтӧмны ключьясӧн, томаньясас оз тӧдчы
некутшӧм гыж туй. Нуӧмны 70 сюрс сайӧ сьӧм. Сейфыс сьӧкыд, ӧти
морт сийӧс эз вермы нуны, петкӧдӧмны вит-ӧ-квайт морт.

Ӧна нервничайтӧмыс да шогалӧмыс Николай Яковлевичлы рыт-
нас бара лон сьӧкыд. Сьӧлӧмыс дзикӧдз топӧдӧс, ловавны ӧмӧля вер-
мис, быть ковмис нуны «скорӧйӧн» больничӧ. Асыв кежлас инфарк-
ктыс лолыс директорлӧн петӧс.

Сергейлы мӧд луннас и локтӧс телеграмма. Дядьыскӧд бара ков-
мис лэбны гортас батьсӧ дзебны.

Отставкаса полковниклы дивӧ кодӧ вӧлӧ: вокыс кык лун нин моргын
куйлӧ, а пиыс, Аркадийыс, абу на и ветлӧма вайныс. Ковмис племянни-
кыскӧд, Сергейкӧд, машина медавны да покониӧс гортас вайныс.

Коймӧд луннас, батьсӧ дзебӧм бӧрын, поминитчыныс Аркадий эз и
волы, ыстысис висьӧм улӧ. Сэсся вокыскӧд прамӧя сёрниттӧг бӧр
ковмис лэбны Сергейлы Екатеринбургӧ.

Мича шондӧ лунӧ гымыштӧм кодӧ вӧлӧ Анастасия Сергеевалы
верӧсылӧн кулӧмыс, некор прамӧя эз няргыв, мукӧддырйиыс кӧть
волнуйтчӧм-майшасьӧм бӧрын и гыньлавлӧс таблеткаяссӧ, но гӧрд да
шыльыд чужӧм сертиыс эз на позь шуны висьлӧс мортӧн: пыр на вӧлӧ
бодрӧй, кыпид, серамбана. Комын вит во ӧтлаын олӧсны да гӧтырыс-
лы лӧк кыв эз шулы, некод вылӧ эз вежӧктыв, ачыс вӧлӧ хрусталь кодӧ
мича, пырыс тыдалана, сӧстӧм. Гашкӧ, сы вӧсна и пӧрыс аньлӧн
сьӧлӧмыс потны кӧсийӧ. Вежон кымын кутчысис на, быд ногыс асьсӧ
такӧдӧс, сэсся эз кут вермыны лавкаясӧ ветлыны да ачыс водӧс. Эз тӧд
кытӧ висьӧ. Став лысьӧмыс дубалӧма, вир-яйыс ӧнтӧ, сьӧлӧмыс ню-
кыртӧ, топӧдӧ, юрыс бергӧдчӧ. Чеччылас лунсьӧдыс ва юыштны да
бӧр водӧ. Врачыс шуӧны: депрессия пӧ. Тӧлыс-мӧд тадзи нӧрпалӧс-
висис, быд пӧлӧс зелясӧ гыньлалӧс, но эз и вермы бурднысӧ. Пиыс
лункосмӧсӧн пыравлӧс мамсӧ видлыны, но сылы вӧлӧ некор пӧрыс-
нас ноксыны: аслас юр выв тырыс тӧжд да нок. Мывкыдсьыд лӧч-
чысьӧмӧн да этш тӧдтӧг гажӧа юрад олӧгӧн гургысис-вӧйис пыдӧстӧм
сьӧд розьӧ, кытыс петӧм туйыс ӧдва тыдалӧ.

Том мортлы коммерсантнад эз везит: деньгасыс дзикодз ори. А од кутшом лосьыда да шыльыда бать отсогнас артмыліс ставыс, сьомыс зептас ачыс кывтіс, а они ссудасо ниномон мынтыны, вотыс вештытом, аслас йозлы уджйоза. Помканас воли сийо: кык машина тыр водка бракуйтисны, технической спиртыс по вочома. Гожомнас киоск сотчис — бара росход. Но медся ена майшодлис йой юрнас оломыс. Картюн ворсигон проиграйтис «по-крупному» — водкаон вузасян лавкасo. Оз ко ло толыс помодз долгсо мынтома — вермас прощайтчыны вузасяниннас. Коли дзик пыр корсыны сьом, мынтодчыны налькйо шедомыс. Аркадий майкис юрсo, думайтис, кызди аддзыны петан туй, сэсся вед юр вемыс, тыдалo, уджалoма на, аддзис визирсo. Шуис мамыслы:

— Ме зэв уна должитчи, деньга колo. Вай патератo вузалам, да сийo сьомнас мынтыся, а тэнo ме интернатo местита. Сэни и вердасын-юкталасы и лечитасы, бурдан да, ас динo босьта.

Анастасия Сергеевналы зэв жаль воли мунны гортсыс, кони кык пи, двойни, быдмисны, олісны вербосыскoд бура да шудаа. Мый сэсся порыс мортыд вочас? Пиыс тшoктo интернатo мунны да. Воштысыны некытчo, противитчыны эз куж. Соглас сетис пиыслы интернатo мунны, мед по сомын пиылон ставыс бур воли да тюрьмаo эз пуксьодны.

Порысыясoс видзан интернатo абу кокныд волома мамсо инавны, вель дыр ковмис ыджыд йоз дорті котравны, кутшом колo документьяс судзодны, а корсюрo и порьясыны. Партия обкомса тузлыс готырсo бура тодисны да найo жо и отсалисны интернатo меститны.

Военной училище помалом борын Сергейлы сетисны лейтенантыс чин. Мукoд том офицерьясoс моз эз мододны служитны мод карo, а кольодисны Екатеринбургo, тыдалo, дядьдыс кытчo колo шыодчылoма. Том офицерлы сетисны взвод салдат, но дыр найон командуйтны эз удайтчы: отпуско петавтог нуисны полккодьсо Чечняo, война выло. Чечняo вайисны гожомнас, ывлаыс жар, шондыс пожо. Лугьяс вылын веж туруныс пуритo-быдмo, некодлы ытшкыны-куртнысo. Муяс гортомoсь, койдыс инмывтом вoсна кыскoма ег турунон. Садьясын фрукта быдтан пуяс важон шыбитомны вывсыс лым еджыд паськомсо, веж корьяс повстас горддзасьoма лыдтом-тшoттoм вотос.

Екатеринбургыс вайом салдатьясoс сувтодисны Грозной карo вотодз вит-o-квайт верст ылнаo. Том лейтенантыс взводсо индисны видзны мусирыс бензин вочан завод, коди кар бокас жо воли верст куйм сайын.

Заводыс абу ыджыд, гогорсо кытшалoма чутодчыс сутугаон, кодос уналаті нин война чожыс разьомны, жугломны. Завод территория вылас вит судта кирпичыс тэчoм контора, кони ошиньяс пыддиыс ырвидзисны паськыд розьяс, тайo чеченецьяс ли, рочьяс ли штурмуйтигас жугломны. Завод бокас вель ыджыд бензин бакьяс, они тыртomoсь. Заводыс эз уджав, но диверсантыасон жугломыс быть коли караулитны. Воддза караульной взводсо вежисны Сергейлон салдатьяс. Коньoрьяслы медводдза лунсяныс сюри став сьокыдлунсо пыкны: и кодзыдсо, и тшыгьяломсо, и тойон матайтчылoмсо. Йоршитисны контора подвалo, кони оти «буржуйка»-пач воли. Сэни

косьтысисны, пусисны и шонтысисны. Куимысь диверсантаҥяслысь уськӧдчылӧм пыкисны, эз лэдзны босьтны заводсӧ. Бой дырйиысь нель салдатӧс ранитисны, ӧти ачыс йӧймис. Во джын заводсӧ видзисны и сӧмын кыкысь тайӧ каднас петалисны пывсьыны. Тшыг нисьӧ пӧт Сергейлӧн взводыс Виль воӧдз заводсӧ караулитис, сэсся и войнаыс помасис. Екатеринбургысь вайлӧм полксӧ бӧр нуисны места вылас сӧмын тулыснас. А гожӧмнас Сергейӧс вӧлись лэдзисны гортас отпускӧ. Ӑни сийӧ вӧли старшӧй лейтенант нин. Чечняӧ ветлӧмысь ӧти звезда погонас содтисны. Гортас Сергей локтис асывводз. Субӧта лун вӧли, уличаястӧ омӧля на паныдасьлисны ветлысь-мунысь йӧз. Патераас звӧнитӧм бӧрын ӧдзӧсӧд мыччысис шӧр арлыда нывбаба, кодӧ сӧмын на узянинысь чеччӧма, юалис:

— Тіянлы кодӧ колӧ?

— Мам колӧ.

— Кодӧ ті?

Сергей висьталис, кодӧ сийӧ да кытысь локтис.

— Господи! Мися, чужӧмьясыд ӧткодъӧсь, первойсӧ ме Аркадийнад чайтӧ, но сийӧ абу офицер дай нырыс гӧрбаджык,— таргыны-висьтавны кутис кӧзьяйка.— Танӧ мамыд оз ов. Куш асланым семья, во нин регыд лоӧ тайӧ патерасӧ ньӧбӧмлы. Вокод миянлы вузалис.

Сергейлӧн чорзис сьӧлӧмыс, мыйла вокыс юасьтӧг-висьтасьтӧг батысьсӧн на лӧсьӧдлӧм нель жырья патерасӧ вузалис? Кӧнӧ мамыс? Аркадий нэмнас сылы письмӧ эз гижлы, мамыс вермис кыв-мӧд пасйыны аслас олӧм-вылӧм йылысь. Татшӧм юалӧмьяс офицер юрын бергалисны вокыс дорӧ мунӧгӧн. Аркадий восьтис ӧдзӧссӧ пыктӧм чужӧма, узиль синьяса. Пасьтасьныс абу удитӧма, ветлӧ майка кежсьыс, кӧмтӧм. Видзаасьсӧм бӧрын Сергей сразу и юалис мамсӧ.

— Интернатӧ окотитис мунны, ӧнӧ сэні. Ме пыксьыны пондылі, но кывзыны эз кӧсйы,— очсасигтыр веськодъпырысь вочавидзис вокыс.— Сэні лечитӧны, и ӧнӧ чувствуйтӧ бура.

— А патерасӧ мыйла вузалін?— водзӧ юасис офицер.

— Мамыд тшӧктис, а деньгасӧ сетис интернатӧ, мем неуна кольыштис и, а тэд нинӧм эз.

Сергей гӧгӧрвоны кутис, мыйкӧ пӧ танӧ неладнӧ, колӧ пӧ аслым разберитчыны, тӧдмавны ставсӧ, мыйын делӧыс. А вокыс кывъяслы оз верит, унаысь нин пӧрйӧдліс.

Луныс кӧть вӧли субӧта, интернатас юралысьыс локтӧма. Сергей юалӧм вылӧ вочавидзис:

— Ме, офицер ӧрт, тіянӧс жалита, но мамтӧ чукӧстны ог вермы: во джын сайын нин кувсьыліс. Юӧртлім гортад, но мыйлакӧ некод эз воы. Асьным сэсся дзевим-идралім.

— Вок карас олӧ, а мыйла дзевнысӧ эз воы — ог тӧд. Мамлӧн сиктын чойяс эмӧсь, налы абу жӧ, тыдалӧ, юӧртлӧма, абу висьталӧма и карса рӧднялы, морт оз тӧд. Ачым талун первой кывлі мамлысь кулӧмсӧ,— шог чужӧм вывтӧыс синва войт гӧгыльтчис мундир вылас, носӧвикӧн чышкыштӧм бӧрын водзӧ нуӧдіс сӧрнисӧ:— Мамлысь нель жырья патера вок вузалӧма, а сьӧмсӧ интернатад сетӧма, збыль абу?

— Вокрыд пөрьясьё, көпейка ми эг пöлучитлö. Правда, телевизор вайлис,— кияссö паськöдлис öбöдитчöм юралысь.

— Аттьö тиянлы мамöс видзöмысь да бура-лючки дзёбöмысь, а воккöд ачим разберитча,— кöсьысис офицер интернатысь мунигөн.

Дженъид кадөн Сергейлөн кык дона морт воши: батыс да мамыс. Сьölöмыс шогысла места эз аддзы, налькйын моз пессис, корис дзик пыр мунны вокыс дорö да дась скöрийлысь разны ныр-вомсö. Став вир-яйыс вöли зэвтчöма да, гашкö и, вöчис эськö вокыслы пакöсьт, эз кö паныдась уличас Зиналөн пöдругаыс, Лина. Ныв аддзис офицерöс, ылисянь на мöдис радлыны:

— Ми Знакөд төнлун на гаралим, а тэ тані нин. Кор локтид?— ныв казялис Сергейлысь шог синъяссö, весиг повзис.— Мыйкö лои омöльтор?

— Да. Мам кулöма,— зонлөн курыд шог чужöм вылас весиг рудзöг ус помъясыс тиркнитисны, кодöс новлис мöд во нин.— Кулöма интернатын, а меным öнöдз эз юөртны...

— Кор нö кулöма?

— Полгода сайын нин.

— Енманöй! Ме тöдлі Анастасия Сергеевнаöс садйын олигөн, зэв прамöй ань вöли. Мед муыс пухөн сылы лоö. Аркадийид тай нö, нем эз висътав, ми сы дорын Знакөд вöлимö.

— Сійö некодлы абу висьталöма, дзёбныс абу ветлöма ни.

— Сійö сэтшöм и эм, туйтöм морт. Тэ ветлы Зина дорад, зэв ёна виччысьö.

— Ветла талун, эз кö мун кытчöкö. Сьölöм кöть такöдышта, öд во сайö нин эг аддзысьлö.

Шойччан лун вылö видзöдтöг, коммерсант бать-мамыс Зиналөн уджалисны, гортас ныв вöли öтнас. Абу на кывлöма мусукуыслысь локтöмсö, мича погонъяса том офицерöс аддзöм бöрын весиг шайпаймунис. Сэсся сійö жö здукö ичөтик вомыс гажаа нюмдис, кияссö водзлань чургöдис, кокъясыс асьныс матыстисны пырысь дорö, и веськалі быттö ош сывйö. Ныв синъяссö кунис, а зон окалис и окалис пельяссö, юрсисö, вом дорсö.

— Зэв тай ёна гажтöмсьöмыд?— ныв вешйыштис зон сывйысь, гажаа серөктис.— Вом дор лöзöдас...

— Тайö ме мам пыдди и быдөн тэнö окалі,— жугыля признайтчис гöсьт.— Талун на кывлі кулöмсö, царство сылы небеснö!

— Чöv, чöv, вокрыд миянлы нем эз висътав,— мича чужöм вывсьыс нюмыс пыр и воши, да шензьыны пондис ныв.

— Сійö весиг мем эз юөрт, не ыштö тöдсяяслы,— Сергей пуксьöдис Зинаöс улöс вылö, ачыс индысис орччөн, кияснас топöдис алöймыштöм бан боксö, видзöдлис нывлы мича лöz синъясас.— Тэзысь öтар менам тані некод абу, вокöс ог кöсьы лыддыны. Сёрнитлы бать-мамыдкөд, шу, муна Сергейкөд Екатеринбургö. Сэні менам дядь, батьöс дзёбигөн волис, тöдан сійöс, аддзылин.

— Бать-мамлы тэ йылысь унаысь нин висътавлі дай фототö петкөдлі. Чечняд нуöмысь ёна жö майшасисны. Ладнö, Енмыс отсалис бөр люч-

ки-ладнө локны. А тэкөд мунөм кузя ог төд, мый рөдительяс шуасны.

— Ачыд көсьян он?

— Любовид тай пөжар кодь, өзьяс да он кусөд. Менам сьөлөмын биыс өні ымралө-сотчө,— Зина вөрөдны пондiс зонлысь ус помьяссө, сэссия нюмьялөмөн көсьиысис:— Коран кө — муна көть му помас. Но ай-мам благөслөвиттөг огө мунө. Сэссия менө Эжваө экономистөн уджавны мөдөдiсны, направлениесө бөр ковмас босьтны.

— Сэтчө отлаын ветламө, кор рөдительясыд сөглас сетасны. Көсья юавны, мыйла Лина пөдругаыдкөд Аркадий дорө пыралид?

Нывлөн пыр и вежсис чужөмыс, синьясас ыпнитiс стрөглун, вомкаличыс злалiс, гөлөсыс чорзис.

— Вокыд абу морт вөлөма, мянөс Линакөд чуть эз мыйкөкерт. Менө важөн нин вөли корө гортас пыравны, шуө, тэнсьыд выль формаа кык фотокарточка пөлучитi, өтисө пө сета. Ми, йөйясыд, Линакөд и ышмимө, лои окота видзөдлыны тэнсьыд выль военной форматө.

— Ме жө тэд мөдөдлi, кор лейтенант чин сетiсны.

— Пөлучитлi, альбомын сийө, гажтөм босьтас да пыр киө босьта, окала.

— Сэссия водзө мый?— эз терпитсьы зонлы да тэрмөдлыны пондiс пөдругасө.

— Рытьявылыс сы дорө и мунимө. Примитiс мянөс королеваясө моз: сөян-юан лөсьөдөма пызан тыр, коньяк доз лэптөма, магнитофон включитiс, пөтөлөксьыс бисө кусөдiс — жырйыс лои рөмыд. Сэссия кисьталiс румкаясө коньяк, точкысьны корис, а ме шуа, мися, первой фототө петкөдлы. А сийө пыксьө, юам пө по-румки да петкөдла. Ладнө, ми ичөтикаөн румкаясысь чурснитiм и бара кутiм корны. Аркадий петалис мөд жырйө, пырө кияссө мышкас кутөмөн, ми чайтiм фотосө дзебө, а сийө локтiс ме водзө да кутшөмкө дозйысь кольман дукөн пыйыштiс чужөмө. Ме лөкысь горөди, а Лина пыр и казялөма вокыдлысь мисьтөм думьяссө, аслас румкаысь чапнитас сылы синмас. Пока сийө тiлис синьяссө, ми өдйөджык уйкнитiм-пышйимө. Неылө муныштiм, и менө кутiс шөгөдны, юр бергөдчис, чуть садь эг вошты. Бур здук лои пукавны өти керка сайын, пока лөк дурманыс эз прөйдит.

— Ме сылы фотояссө эг мөдөдлы, пөрьялөма тiянөс.

— Да, көсьиис газөн кыкнаннымөс унмовсьөдны, садьяс воштөм бөрын мырдөнавны. Вот скөтина!

— Öнi көсья сы дорө ветлыны. Аски, гашкө, оз удайтчы, колө мамлысь гусө корсьлыны, памятник сувтөдны. Рытнас виччысь, локта тiянө.— Сергей оқыштiс мичаник нылөс и петiс.

Аркадий ордө пырөм бөрын Сергей гөгөрвоис: эмось кодьяскө гортас бөкөвөйяс, но эз көсьиыны нырсө петкөдлыны пыди жырсьыс. Вокыс самөй вөли пасьтасьө кытчөкө мунны, но пырысь корис нөрөвитлыны.

— Тэ мыйла менө пөрийөдлiн?— кызд вермис стрөгө юалис офицер.— Шунин, мамө пө ловья, а матушкалөн лолыс во джын сайын нин петөма.

— Кор ме ветлі, ловья на вөлі,— правдайтчис көзиян, сэсса восьтіс шифанер өдзөс, шарзыны-корсысыны кутіс кияснас мыйкө.

— Эн сөр, ме сөмын на локті интернатсянь. Тэ сэтчө кокнад абу тувтылөмыд!— водзө стрөжитис Сергей.— Скөтинаөн тэнө шуоны, сэтшөм и вөлөмыд. Та бөрын ме вокнас тэнө ог кут шуны, бур йөз водзас воштін нимтө, вот.

— Эн, колөкө, мыйкөкерт, абу тэ гортад!— гөлөссө тшөтш лэптис шкапын луйкысысь.

Сергей матыстчис көзиян дорө, омөлика йөткыштис, водзө мөдіс йөткыны:

— Тэ, яндысьтөм син, воштөмыд сөвесьттө. Мамөс дзезны абу ветлөмыд, патера вузалөмыд, көні сьөмыс? Зина да пөдруга вылас мөдлөмыд насмекайтчыны. Тэ звер — вот тэ коді!

— Жора, Пантиль!— друг горөдіс блед чужөма көзиян.— Пыр-ралө!

Өдзөсөд пыр и мыччысыны шырөм юра «выль рочьяс», кык ён детина, чужөмьясыс пөт лудік моз пөльтчөмны, синьясыс кодзлалөны, друг и сатшыкысыны кортөм гөсьт вылө.

— Этайө мортыс ылалөма патеранас, петкөдлө туйсө,— дөзмөдчысь номйысь моз кинас өвтыштис көзиян. Сійө жө здукө зоньяс шамыртчысны офицерлы сойясас, мөдісны кыкыны өдзөсө.

Сергей эз кө вөв Уралса военнөй округын бокс кузя чемпионөн, гашкө, и сетис асьсө петкөдны, на эз көсьи чесьтсө зырымбедьяс водзын уськөдны да стрөга шуис:

— Зоньяс, ноко, лэдзө көзияныскөд бура сёрнитны.

— Петкөдө ывлаас, тойыштө! Мед оз суй нырсө кытчө оз ков!— вомсыс дуллыс резмөн горзіс аслас телохранительяслы Аркадий.

— Ме бурөн көсьи, а ті лөкөн. Сідз оз позы!— шуис Сергей, и сійө жө здукө зургисны поддыхас, лолыс быдөн дугдыліс шедны, сэсса мөдысь камгисны юрас.

Офицерлы нем эз сулав мынтөдны сойяссө, чуть бөрынтьчыштис, зэв өдйө да ыджыд вынөн кулаксө йөткыштис водзө, зяткис өти зонмыслы тшөкаас, сійө друг и кусыньтчис, уси пидзөс вылас. Мөд «выль рочыс» баргөдөм синьясөн, восьса вомөн сулаліс, некыдз эз виччысь, медым сылысь ёртсө, ош кодь детинаөс, өти кучкөмөн уськөдны кок йылысь. Эз кут мөмляйтны, ачыс ырыштчис водзсасьны, өддзөдчөмөн кучкис офицерлы баялбөжас. Сергей шатовмуніс, но кок йывсыс эз усь, и сэк жө думыштис: оз кө тайөс мөдөд нокаут, мөдыс удитас чеччыны, и кыкөныдлы паныд сьөкыдджык лоө водзсасьны, вокыс на дор лоө и. Татшөм тактикаөн офицер эз көсьи миритчыны да ачыс муніс атакаө. Чань моз чеччыштис боквыв, сэсса водзланө, первой шуйганас, сэсса веськыднас зяткөдны-кучкавны кутіс көрт кодь кулакьяснас сы водзын сулалысьлы чужөмас, быд кучкөм бөрын зон ойөстліс, сэсса кулака «гөснечтө» пөлочитөм бөрын «выль рочыд» гымгыси-уси джоджө да эз нин вөрзьев. Воддза зонмыс, коді пидзөс вылас сулаліс, чеччөма, лөсьөдчө Сергейлы кучкыны, но офицер бара сійөс ордйис — ботинкинас зад костас чорыда чужйөмысь бөр уси, мисьтөма равөстис,

пондіс пинясыны. Сы кості, пока Сергей раммөдіс телохранительяссө, Аркадий аддзөма шкапсыыс корсянторсө, чургөдөма воыкыс вылө.

— Гад тэ, пет татысь, а то лыя!— горзіс оружие кутысь көзяин.

Сергей казяліс воыкыс кыысь, мый повзёдчанторыс абу чача, а збыль пистолет. Сөмын «чачаыс» эз вөв октөма, куроксө абу мышкас индөма, сідзкө, поэь повтөг матыстчыны да мырддыны. Сергейлы, роч армияса офицерлы, Коми муын быдмөм зонлы, угрожайтлісны эз сөмын пистолетон, но и автоматон, гранатометон, кор чеченецьяс штурмуйтісны бензин вөчан заводсө. Öні эз нин вөв война, и колі ринг вылын моз мездысыны прөтивникысь, сы вылө метитөм пистолетысь. Боксёр вөчис зэв өдйө да бур приём, и Аркадий синсө эз удит лапкыны, кыдзи кысыс «чачаыс» вывлань качлөмөн камгысис-уси джоджө. Офицер босьтіс сьөд лакөн югьялысьторсө, сюйис зептас, петігас нин шуис:

— Тайө абу ворсантор, колө дзезбыны ылөджык.

— Милициялы кө сетан — висьтав: мем сійө сюри!— медбөрын горөдіс воыкыс. Сійө сулаліс тірзэысь киясөн, тяпөдіс льөбсө, тыдалө, вөлісь гөгөрвоис, мый тайө пом, но вөчны нинөм нин эз вермы.

Сергей пыртіс пистолетсө милицияө, сетіс дежурной офицерлы. Висьталіс, кыдзи да кор веськаліс «чачаыс» сылы. Дежурной корис Сергейөс аслас часьтө мунтөдз выльысь пыравны.

Кыдзи и көсыысис, том морт локтіс Зинаясө рытнас. Öдзыс ньөбис рынок выльысь мича дзоридзьяс. Мам-батыс вөліны нин гортас, виччысисны Сергейөс, пызан лөсьөдөмаөсь. Румка-мөд юөм бөрын том морт эз мөд нюжмасыны, веськыда паніс сёрнисө:

— Ме көсья нывтө сьөрысь нуны.

— Москваөдз нуан дай колян,— не то збыльысь, не то шмонитіс батыс.

— Сэтшөмтор оз ло. Ми любитам өта-мөдөс,— зонлөн чужөмыс вина юөмысь гөрдөдыштөма, синьясыс вильыша дзоргөны Зина вылө, виччысьө, мый сійө шуас.

— Лэдзад кө — муна,— яндысьөмөн вочавидзис ныв.

— Öтка нывтө борд увсьыд лэдзны жаль, но мый сэсся вөчан — кисьмөма кө вотөсыс, кокыштысьыд сюрас нин,— зэв лөсьыда вочавидзис мамыс, а батыс содтіс:

— Венеч улө сувтлытөг да свадьба ворстөг — некытчө он вөрзэы.

Сэсся пызан саяс и локтісны өти кывйө: свадьба чукөртасны жөниклөн отпуск помасьтөдз, а сэтчөдз овны кутасны торйөн.

Кадыс свадьбаөдз уна на вөлі, сійө кадколастнас Сергей босьтычис лөсьөдны мам гу вылас памятник. Закажитіс вөчөдны сьөд мраморысь, а кор гөтов лои дась нуны места вылө, эз аддзы мамыслысь гусө. Лун-мөд ковмис корсьны Вылыс Човса шойнаын, сэсся тай аддзис жө. Ропкысьөма-вөйөма гуыс, пөвторысь вөчөм крестыс пөрөма. Ладнө, бур морт кодкө ним-вичсө карандашөн пасйөма. Батыс тані жө куйліс, но гуыс сылөн вөлі тасянь ылын. Царство налы небеснө! Мед бура узьөны.

Лун дас кольөм бөрын Сергей бара пыраліс карса милицияө. Примитіс öні сійөс важся төдсаыс, коді вит во сайын допроситліс

велөдчигас — өні майор нин. Өта-мөдсө кык офицер төдісны, и майорлы зэв рад лои.

— Атьё тэд көсья висьтавы, ыджыд отсөг сетін шайка кутөмын. Во сайын дежуритигас милиционерөс виисны, табельной оружиесө босьтисны, и вот, өні кыйим шайкасө, нырчикнас вөлөма вокыд. Сійө тшөктөм серти виөмаось милиционерсө. Өні шайка кодыыс следственнойной изоляторын. Допрос дырйи быдөн зильө асьсө дорйыны и сэк жө ёртсө няйтас сюйны. Тадзи ми төдмалім, коді батыддысь кас-сасө грабитіс. Вөлөмкө, и тані водзмөстчысьыс — вокыд. Пинь діныс чөскаммөма дарөвой денъга вылад да мунөма преступление вылө. Мам нимлун дырйиыд сійө босьтас батыддысь ключьяссө, сетас «другьясыслы» өдзөсьяссө осьтавы, квайтөн и петкөдасны сейфсө да машинаө пуктасны, осьтасны кутшөмкө гаражын сваркаөн. Налөн жө шайкаыс бөръя онас ректіс кык магазин, куим киоск, ресторан. Вокыд патераын куим студенткаөс мырдөналөмны.

— Менсьым невестаөс да пөдругасө Аркадий мөдлөм бесчеститны, сяммөмаось пышйыны,— содтіс Сергей.

— Воктө медводзөн босьтімө, бөрыннас мукөдсө, ставыс сизимөн,— стөчмөдіс следователь.— Суд лоө, чайта дыр кезлө пуксьөдасны... Тэ вай рапорт гиж, кызди мырддин вокыддысь пистолетсө, мед сэсся мөдысь служба вывьсыд не корөдлыны.

Служба вылө мунтөдз свадьба вылын кык лун гуляйтисны, локылісны сиктысь мамыслөн ичөтджык чойясыс, карысь став рөдняыс, сөмын дядыыс эз вермы волыны, поздравитөма телеграммаөн да пасйөма: локтан пө татчө да виль свадьба вөчам. Свадьба бөрын том гозъя нөшта на лун-мөд олісны, сэсся и лэбисны Екатеринбургө.

Тадзи кык воклөн помасис и вожаліс олан туйыс.



ШМОНИТАМ ДА КУРЫДА СЕРАЛАМ

(СЕРАМБАНА ВИСЬТЬЯС)

Кызди Өгра тьот верөссө казтыліс

Өгра тьот лөсьөдчис шойнао ветлыны, во сайын кулом верөссө казтыштны Троица субөтао. Босьтис шаньга, черинянь, макуття да рытсъяныис ньөбөм водка доз.

Ывлаыс вөлі шоныд, пөльтис лунвывсъянь небыд төв. Кык верст подөн мунигад пөрысь мортыд мудзис, пөсяліс. Чой паныд кайигөн лои пуксьывны туй бокө шойччыштны. Мед выныс содыштас, доз помсьыс водкасо гоз-мөдысь чурснитис. Биа ваыс збодермөдіс пөрысь лысьөмсө. Ок, кутшөм чожа кокъясыс кутісны весьтавны туйсө. Одіо воис шойнао. Кодрасысьяс сэні вөліны нин. Верөс гу вылас пызандөра вольсалис, вайөмторсө ректіс. Сэсся мыйкө шөпкөдыштіс вомгорулас, пернапасасис да вөлісь кисьтіс «Смирнов» дозйысь румкао. Первой ичөтикаон винасө чурснитышталіс, кылөдіс черинянь сорөн. Быд пөрийө пернапас чөвтліс, копыртліс быттьө зысь пызьөн киськалом юрсө муөдз. Коймөд румка пөрөдөм бөрын синваыс мыччысис, мөдіс бөрдны:

— Коньөрөй дай батюшкоой, мыйла менө колин, ачид мөдар югыдө мунін. Менам вед водзас колі кувны, а эз тэныд. Овны лои өна сьөкыд: пензияыд этша, нывъяс гортысь пышйисны, отсөгыс эз ло. Ставсө лоо аслым вөчны. Пиыд бара юсис. Моньыд босьтис кагасө, көлуйсө да пышйис мам дорас. Мед и көть коркө вөтө усьлін, кызди мый овны висьталін.

Өгра сэсся дугдіс оллявнысө, быд мунысьөс кутіс чуксавны ас дорас, вина румка да черинянь чепөльөн корис казтыштны верөссө. Асьсө эз жө удзөд: быдөнкөд видлышталіс да ошкис верөссө. Коркө сэсся «Смирнов» дозйыс пөри бок вылас, рекмис.

Огра тьотлөн синьясыс быгалісны, чужомас пөртмасис курыд нюм. Первой ньөжйөнника вомгорулас лыддьөдліс, сэсся пыр гораджыка кутіс броткыны-шуавны:

— Вот тэныд, мед и кулін. Ёна менө видлін да нөйтлывлін. Ог лысьт вөлі Онтип вылө видзөдлыны, вежөктін, көть өтчид эськө и окышт-чылім. Оні ме сьыла да ола, вот. Мый көсья, сійөс и вөча. Колө кө — вина юа, көсья кө — йөкта,— Огра тьот сувтіс да көсийис йөктыштны, но бөр усис, винаыс кокъяссө кизьөртөма.— Аддзан, кутшөм меным өні лөсьыд, майбыр олөм! Колөкө, Онтип сайө пета на, коралө тай...

Огра тьотөс корсьны локылісны рытнас суседьясыс, нуисны гортас, садьтөм код пө вөлі.

Юкисны

Ольга рытивбыд виччысис верөссө, гоз-мөдысь нин шонтыліс пач вылын вөлөга, но весьшөрө, пөлыс эз лок. Час мысти вой шөр, а верөссө мутяс нөбалөмны. Нывбабалөн сьөлөмыс көсийө майшасьөмсьыс потны, места оз аддзы. Куим во өтлаын олөны, а велөдөмсьыс пиньыс нин ныжмис: бурөн и лөкөн, меліөн көть кедзолөн — верөслы дуб ва. Асывнас Ен нимсянь кевмысьө, прөща корө, а рытнас зырым и дуль вомсө кресталөма, став пежнас пинясьө, кулакөн шенасьө, гортсьыс вөтлө. И тадзи төлысь кымын нин.

Ольгалы бара лои өтнаслы водны. Коркө сэсся асьявылыс кыньгиспырис верөсыс, диван вылө шыбитчис, а здук мысти нин шкоргисузис. Ольгалы эз узьсы, майшасис: мый пө верөсыскөд лои, коді тшыкөдіс, өд оз зра баба кокъяс вылө бөрсяньыс кыйкйөдлы. Кодкө пеж юанторьясөн смилитіс. Асывнас Ольга гугөдіс верөсыслысь пинжак зепьяссө, көть и тайөс лыддис грекөн. Мый сэсся вөчан, сьөлөмыс оз инась да. Чукрасьөм шайт-мөд и сюрис зепсьыс, сэсся чуньсө суйис морөсас, сынан видзанінө, а сэні кутшөмкө газет ёкмыль, разис. «О господи!»— шай-паймуніс нывбаба.— Некор на ми тайөн эг вөдитчө, кодлы дасьтөма?..»

Ольгалөн кутісны гартчыны лөк думьяс, ышөдісны позьтөмтор вылө, морөсас поздысис вежөктөм. Окота вөлі уськөдчыны, шамыртчыны юрсиас да зульөдны, ныр-вомсө разьны, пув васө лэдзны, но тырмис на мывкыдлуныс зык-шумтөг верөссө садьмөдны.

— Тимопей,— чукөстіс узысьсө Ольга,— ме талун больничаө муна, водзвыв нин гижсьылі...

Мөдыс первойсө нем эз гөгөрво, сэсся, тыдалө, вежөртіс жө да видзөдліс гөтыр вылө, юаліс:

— А дыр кежлө?— мужичөй эз босьтчы өлөдны, а быттьө рад лои.

— Но-о, вой куим-ө-нөль узьтөдасны, пөди,— сэсся дөзмөмпырысь содтіс.— Немла меным кагаыс, тэ юан-кодалан, войбыдьясөн гуляйтан-ветлан.

Ольга талун лунтыр на уджаліс, рытнас муніс пөдруга ордас. Вөзыйсис вой-мөд кежлө патераө. Висьтасис: верөс пө юө да, пышйи гортас.

тысь. Эз кӱсйы збыльторсӱ йӱзӱдны, мый думыштіс эрдӱдны верӱссӱ
бокӱ ветлӱмысь.

Сёр рытнас ветліс аслас оланінӱ, ӱшиньясыс вӱліны битӱмӱсӱ, да
эз пырав. Мӱд рытнас став ӱшиньясыс вӱлі югыд. Тӱдчис, мый гортас
эмӱсӱ гӱсътьяс. Нывбаба косавліс пӱдругаяс да нуӱдіс ветлыны
гортас, гашкӱ пӱ, юӱмысла верӱсыс сотчис.

Кык нывбабаӱс патераыс виччысис кусӱдӱм нин ӱшиньясӱн.
Оланінас пырисны виччысьӱмӱн, сӱсся гусьӱник жӱ вӱсътисны ӱдзӱссӱ
узылан жырысь. Шлочнитіс выключатель, ӱзйис би. Вольпасыын
куйлісны пасътӱм мужичӱй да нывбаба. Тайӱ вӱлі налы сӱтшӱм
виччысьтӱм, мый ӱтпырйӱ ӱйкнитісны, бугыльясыс чашкалісны, чуть эз
весьӱпӱрны. Вольпасыын куйлысь нывбабалӱн киясыс шамралісны-
корсисны шебрас. Тимопей ӱрчыштіс да сувтіс пырысьяс водзӱ
сӱтшӱмӱн, кутшӱм паськӱмӱн чужліс.

Ольга скӱрысь йӱткыштіс верӱссӱ, уськӱдчис куйлысь дорӱ, шы-
битіс шебрассӱ да шамыртчис юрсиас, кӱсйис зӱв чорыда лӱсыштны
юр тупыляс, камгыны стenas, но пӱдругаыс кутіс:

— Помӱйнас эн лякӱсът кырымтӱ, дук петны мӱдас...

Ольга энӱвтчис кинас воӱмысь, сӱмын сьӱвзис мӱдыслы чужӱмас
да лӱкысь горӱдіс:

— Ноко, весась тасы!

Нывбаба пасътӱгыс и уськӱдчис ӱдзӱсӱ, петігас удитіс жӱ кватитны
улыс дӱрӱмсӱ. Тимопей ӱні зӱв мыжа морт моз юрлӱсӱн тупкысьӱмӱн
йӱжгылясис пельӱсын, нырсӱ кыскаліс, нем эз шыав.

Аскинас Ольга судӱ гижис юксӱм йылысь шыӱдчӱм.

Поконикъяс

Комын арӱса ӱшлӱпан кодъ мужичӱй куйліс пыді жырыын
диван вылын да вайсысь мӱс моз лӱвтис. Совхозлысь удж-
дон пыдди сакар-песок мешӱк сетлісны да другыскӱд, Гӱна
Петракӱд, сурӱн ставсӱ косӱдз юисны. Талун асыв чеччис, сӱдзӱдны
кӱсйис войт-мӱд шузьӱдан лагунсыс, но сӱні вӱлі куш. Пӱрысь ма-
мыслысь корліс нин пензиясыс гоз-мӱд сулея вылӱ, да ӱні сы вылӱ
надеяыс пон горшысь яй тор перйӱм кодъ.

Семӱ лун шӱрӱдз куйліс-лӱвтис, тӱрмасыны вӱлі некытчӱ. Совхозысь
сьӱмсӱ дугдісны сетавны да, удж вылӱ петавлӱмысь энӱвтчис. Другыс,
Гӱна Петрӱ, сылы пӱв вӱлі, некоднанныс и водзті эз муркӱдчывны,
ӱнджыка вина румка бӱрся вӱтлысисны.

Семӱлӱн вина-сурнад кизьӱртӱм юр вемыс кыдзкӱ-мыйкӱ пессис
на, думайтіс, кыдзи тірзысь вир-яйсӱ такӱдыштны— пӱкмелитчыны.
И друг локтіс юрас мӱвп. Мыйысь ачыс Семӱ шай-паймунлі да голя
сӱныс войтӱлӱн мӱдіс кыскавны. Мужичӱй тірзян киясӱн гачасис,
шлапкис пызан пӱв пасътӱ пельпом вылас кышаншой да мамыслы
нем висьтавтӱг петіс ывлаӱ. Здук и ветліс, бӱр локтіс гортас да нор
гӱлӱсӱн висьталіс:

— Друг морт кулõма.

— Гõна Петырыд али мый?— мамыс юалõмын эз кыв жалитõм ни шогсьõм.— Õти юысьõн таладор югыдас этшаджык.

— Поконик йывсьыс оз ков мисьтõма гаравны, ставным грекаõсь,— дорйысис пиыс.— Менам сйõ друг морт вõли да лоõ ветлыны, мыйкõ, гашкõ, ковмас отсыштны. Сэссия куш кинад абу лõсьыд муннысõ, вай мамõ, колльõднысõ сулея вылõ сьõм.

— Петрõ радиыс ог кõtь сет да гõтырыс жаль, ёна нин, коньõрõй, пессис юысь верõс дорад,— шуис мамыс да мыччис доз вылõ сьõм.

Пиыс мунис лавкаõ. Бõрсõ гортас локтис войнас нин зэв гажа, мамыс юасьõм вылõ кинас õвтыштис: аски пõ висьтася.

Асывнас Семõлõн мамыс эз вõв гортас, и стõч сйõ здукõ пырис Гõна Петрõ, аслас вомыс вит да квайт, жервидзõ.

— Тõрыт ме вõли поконик, талун гõтырлы висьталi тэнõ кулõмõн. Деньгасõ эз сет, а кыськõ дзеблõминсьыс аддзис «Смирнов» доз. Вай, за упокой души, пõкмелитчам.

— Вай, да мамõ локтõдз усйысь бõр, тэ õд кулõмыд.

— Ми õд кыкнанным поконикьяс,— гõрдлыны мõдисны кõвдум кодь банйõм чужõмаõсь да õдзõс пõв кодь пельпомьяса кык том мужичõй.

Сõгласитчõма

Кольõм тõв менõ ускõtтьõ сулис да больничнõй городокын лои куйлыштны. Палатаын мекõд орчча крõвать вылын бурдõд-чис вõр посёлোকын олысь, сизимдас арõса Пантиль. Нэмсõ вõрад уджалõма да, зэв на збодер, ён кияса, вывтi варов морт. Асыв-сянь сёр рытõдз вомыс оз и пõдласьлы, пыр мыйкõ висьталõ, гажõдõ висьсысьясõс анекдотьясõн да аскõдыс вõвлõмторьясõн.

Посёлокас том дырйиыс аслыс керка кыпõдлõма, челядыыс вит вõлõма, ставыс нин ашõр олõм вылõ петõмаõсь, гõтырыс кык во сайын кулõма, олõ õтнас. Кыдзи ачыс шуõ: «Куркуль моз». Оз курит, вина оз ю. Видзõ гидас порсь, ыжъяс, чипаньяс да лысьтысь кõза. Пензия пõ менам пõшти пыр дзонь, видза пõ сõмын нянь да чай-сакар вылõ. Вõлõга пõ ставыс аслам. Посёлোকын тõдõны пõ, мый менсьым деньгасõ «куры не клюют» да пыр локтõны удждысьны. Некодлы на абу õткажитлõма, лыддьõ кõ мортсõ прамõйõн да сяммас кõ уджйõзсõ вештыны ас кадõ.

Õти асылõ пõ пырис ме дорõ ар комына том нывбаба, нёньясыс пõ ковта увтйыс зэвтчõмаõсь, вот-вот новланторсõ поткõдас, юбкаыс пõ пидзõс вылõдзыс, аслас чужõмыс пõльтчõма, емõн кõ чуткан — вирыс прысьнитас. Ягвывса ён рыжик кодь пõ мича баба. Удждысьны локтõма. Тõрыт пõ пõдругакõд юыштi да пõкмелитчыны колõ.

Пантиль том нывбабасõ бура тõдõма, õти посёлোকын олõмны, но, мыйлакõ, век на абу верõс сайын, юышталõ да сйõн, буракõ.

Том бабаыдлы дедыд и шуас, ме пõ сетла сьõмтõ, сõглас кõ пõ тэ

меным сетлыны. Мёдыд нем шутөг шурк пөрчысяс, шыбитас вывсьыс ставсё, пасьтөг водас койка вылас да шуас: виччыся пё.

Пантильыд первойсё шойёвошлө, нем оз куж вёчны, сэссия пё тай сямой тырмис жё кватитны паськёмсё да яндысьтөмлы сетны чужо-мас. Пасьтась пё зіля, пырас пё кодкө да юр яндзим лоо. Ме пё од шмониті, а тэ збыльё вёчин.

Том нывбабаыд сы бёрын абу нин удждысьлөма.

Синтөм-пельтөм морт

Чоййив сиктын зэв озыр совхоз коркө вёвлі, и со «рынок» пуксис, да овмөсыс дзикөдз киссис. Техника, кутшөм вөлі гаражын, донтөм доньсы вузавлісны, коляссө гусявлісны. Совхозса механизаторьяс колисны уджтөг, вёчны вөлі нинөм, лунысь-лун төв чужьялісны, шлёнъялісны сикт кузя, кыйөдісны кодлыськө чукөстөм, медым казакалыштны вина румка вылө.

Нелямын куим арөса Бызган Епим — рөдас коркө вөлөма бызгысь морт да сійөн сідзи шуоны — кызь во мырсис-уджаліс трактор вылын, гөрис-көдзис, сиктсаяслы пес да турун вайны отсаліс, бур уджалысь вөлі, и лои уджтөмалысьөн. Пөрнөй мужик, а лавкаысь куритчан оз вермы ньөбны, нянь да сакар йылысь и сёрнитны нинөм — керка помас өти шайт абу.

Сиктын өні завидьтісны пенсионерьяслы, кодьяс вөліны медся «озырөсь»: государство нянь да сакар вылө неуна юкыштіліс на. Но и налысь, пөль-пөчлысь, ныв-пиыс зілісны пайкыштны. Бызган Епимлөн пөль да пөчыс важөн мөдар югыдас мунісны, да отсөгыс насянь эз вөв, колис лача кутны сөмын ас вылас, но кытысь сійөс босьтан, кодыр некөн удждон оз мынтыны? Со и куйлө жырыын, көть ывлаас вый виялө — мича лун — да думайтө, кызди семья вердны.

Пөрнөй, ён мужиклөн юр вемыс бура на уджаліс, да шуис ас вылас грек босьтны.

Вильлунө мичаджыка пасьтасис да автобусөн лэччис райцентрө, туйсьыс көсийс мынтысьны ыж задйөн, но контролёрыс вөлөма бур сьөлөма ань да эз босьт яйсө.

Бызган Епим пырис больничаө да корис, мед сійөс видлаласны син да пель бурдөдысь врачьяс. Көсья пө инвалид вылө петны, налы пө тай пособие сетөны. Пельсө видлалігөн Епим нарешнө кывтөм улө сетчис, да врачыс, тыдалө, сідзи и гижис, мый мортыс омөля кылө, көть пеляс некутшөм висьөм абу. Синьяссө видлалігөн Епим висьталіс, мый дзик эз кут аддзыны, кималасөн пө гортын ветлөдла, сарайө асмогасьны гөтыр петкөдлө, панясигөн вөлөгасө пельө нусьө.

Син бурдөдысь, гөрд уска-тошка, куш плешка олөмакодь нин мужичөй, өти стеклө Епимлы синмас пуктылө да юасьө, кызди сійө буква-яссө аддзө. Мөдыс шуө, зэв пө омөля, ставыс пө руд, серыс оз тыдав. Сэссия вежө мөд стеклө — бара пө син водзын занавес, нем оз тыдав. Тадзи вит-ө-квайтысь вежлөм бёрын врачыд шуас: часлы пө, менам

өчки эм, сійө пө, гашкө, тэныд лөсялас да бурджыка мөдан аддзыны. Петалас лечитысьыд мөд жырыө да югъялысь оправаа өчки пыртас, пуктас мөдыслы синмас да юалас: но, кызди пө, бурджыка өнi тыдалө, синмыд воссыштiс? И Епим шуас: да пө, тайон пө чуть аддзышта. Сетө пө меным, мед суседө верми петавны. Епимид босьтас өчкисө кias, видлавны мөдас да друг шөйовошө:

— А-а, тайө өчкиыс стеклөтөм да?!

Епим көсийс ас вылас грек босьтны, врачьясөс ылөдлыны, но эз удайтчы, ачыс яналiс.

Пасьтөм шоу

Асывнас Валерьян дас часөдз вальмайтчис вольпасьын: тэр-масьны некытчө, витөд төлысь нин оз уджав, инженераланiнсьыс чинтiсны, а виль уджсө эз на аддзы. Öнi уджтөмалысьяс лыдын. Аллаыс, гөтырыс, нюжвидзө-куйлө бокас, нискө-узьө войся смена бөрын.

Том гозья во сайын на өтлаасны, олисны өти жырья патераын, кодөс нывлөн пöрысь мам-батыс козьналісны верөс сайө петигас, асьныс мунісны Лесозаводө пу керкаө овны.

Валерьян эз кут уджавны да, мый вөлі чөжыштөма сьөмсө, ставсө нин сөйисны, өнi пöраөн чай-сакар нинөм вылө вөлі ньөбны. Аллаыс татшөм олөмсө эз вермы водзө терпитны да медасьөма уджавны рыт-нас кутшөмкө коммерческой фирмаө — тадзи висьтасис верөсыслы.

Валерьянлы дыш на вөлі вөрзьяны шоныд вольпасьыс, но триньөбтiс телефон, да быть лои чеччыны. Трубкасянь кыліс зэв төдса гөлөс:

— Другө, тайө ме.

— Артөм?! Кысянь звөнитан? Карсянь, зэв бур. Лок миянө, гөтыр гортын и. Абу лөсьыд? Но ладнө, рытнас аддзысям.

Валерьян да Артөм Ухтаын велөдчигас төдмасьлісны да мөдісны өртасьны, но институтсө помалөм бөрын туйясыс вожалісны: Артөмөс кольөдісны Ухтаө, а Валерьян локтiс уджавны Сыктывкарө. Кык во эз аддзысьлыны и вот, другыс мөгөн локтөма столицаө и корө рытнас ресторанө. Урчитөм кадө кык друг аддзысисны, өна и топөдлісны өта-мөдсө, кутчысьлісны. Пуксисны пызан сайө, кытi этшаджык ветлісны йөзыс да кодарсянь тыдаліс ставыс. Артөм висьталіс, мый сійө уджалө газ перьян управлениеын директорөс вежысьөн, тшөтш удитөма гөтрасьны да квайт төлысья пи нин пө эм. Валерьянлы ошысьынысө нинөмөн вөлі да артмис норасьөм кодь, уджтөмала пө, ола гөтыр сьылi вылын, а челядьөс нажөвитны эг на удитөй.

Румка мөд-коймөд пөрөдөм бөрын налөн чужөмьясыс гөрдөдісны, лов вылас лөсьыд лои, варовмисны, азыма сералісны да эз вунөдны и шмонитны. Залын ворсiс музыка. Мыйкө дыра мысти өти музыкант корис залын пукалысьясөс чөвлыны да висьталіс:

— Öнi петкөдлам пасьтөм шоу.

Неыдждыд вывтасинё, сцена кодьё, петис пасьтём ныв, кодлысь нёнъяссё да кокъяс костсё тупкыштёма рузумторйён. Нылыд мөдис быд ногыс змей моз ниглясьны, петкөдлыны ассьыс сямсё, а залын пукалысьяс кекөначён ошкисны, шомаджык юраяс горөбтывлісны, корисны пөрчыны и рузумторьяссё. Кык другыд тшөтш видзөдісны нылыдлысь тешитчөмсё да чупйөдлісны вомъяснас, быттьө некор на эз аддзывны пасьтём бабаөс. Вина жарнас кольмём юрыс көть Валерьянлөн омөля нин уджаліс, но төдіс на сцена вылын вежнясьысь нывсё — ассьыс гөтырсё. Сэсся муртса эз горөд, со пө тэ кутшөм фирмаян уджалан! Пөрьяшка! Но друг водзас яналөмысь нинөм эз кут висьтавын, сетчис код улө да мөдис нуөдчыны гортас. Артём кольөдіс ёртсё, ачыс узны муніс гостиницаө.

Аски асывнас Валерьян садьмис да первой видзөдліс бокас, гөтырыс важ моз нискис-узис да нюмьяліс, тыдалө, вөтасис. Том мортлы сьөлөм нюкыртмөн жаль лои гөтырыс, коді верөссьыс юасьтөг, гусьөн мунөма сэтшөм удж вылө, көні вермисны и сьөлавны, и серавны, и янөдны став рөдня водзас, но том нывбаба, медым кутны тшыг кулөмысь семьясё, абу повзёма няятад усьөмысь да вөчөма тайө воськовсё. Валерьянлы аслыс лои яндзим, мый пөрнөй мужик, сыв пасьта пельпомьяса том морт оз вермы семья вердны. Колө пө быть удж корсьны, мед пө и зывөктана да дивитана. Сэсся лунтыр та йылысь думайтис да мөд луннас шуис гөтырыслы:

— Тырмас тэд рытьяснас уджавны, гортын пукав, меным удж вөзйисны...

Верөсыс быттьө оз төд гөтырыслысь збыль уджсё, эз висьтав и ассьыс, көні кутас мырсьыны.

Валерьян вежон кымын нин сулалө «Сыктывкар» универмагө пыранінын, бокас шапка пуктөма, а морөсас пөвтор тоньялө, кытчө гижөма:

«Вит төлысь уджтөм. Энө сетөй том мортлы тшыгла кувны. Вит во велөдчи и вештисны удж вылысь».

Мый корсис, сійө и сюрис

Аиколай Сергеевич олө нелямын вит во таладар югыдас да эз төдлы шог ни печаль. Оні, гөтырсё Серёговө бурдөдчыны мөдөдөм бөрын, сьөлөмыс эз вөв местаас. Рытьяснас удж вывьсыс локтөм бөрын гортас инө оз өшйи: ветлөдлө өтарө-мөдарө, мыйкө оз тырмы мортыдлы дай сөмын, весиг телевизор дорын сьөлөмыс оз инась. Отчыд сэсся водка доз ньөбис, румка-мөд юис да өтнаслы сэсся эз мөд пырны горшас. Петис ёрт корсьысьны. Пуксис автобусө да лэччис кар шөрө, мыйла сэтчө, ачыс эз төд. Недыр шөйтөм бөрын пырис гөбөч-лавкаө, көні вузалісны винасө румкаясөн. Тшөтш корис сотчысь васө да пуксис гөрд вом дора ныв динө, коді куш кокъяссё кресталөмөн мыйкө чурскис стөканысь идзас кодь трубка пыр. Ыдждыд сьөд синьяссё пыр и сатшкис Николай Сергеевич вылө да

мөдiс нюмъявны. Мужичöй воча кутiс вашъявны. Коркö сэсся Николай Сергеевич збоймөдчис да торкис чөвлунсö:

— Мыйла тi öтнад, рытнас нывъяс кавалеркөд ветлöны?

— Абу менам кавалерыс,— серöктiс ныв.— А тi пöвтöмөсь жö да?

— Öтнам коли. Гöтыр мунiс курортö, гажтөм босьтiс да вот петi,— шога артмис мужичöйлөн.

Кор винаыс кыкнанныслөн юсис, Николай Сергеевич друг вöзйис, сы дырйи öти син пөвсö куньлалiг:

— Ме кöсья мөд син пөв кötöдны, он кö быттö брезгуйт, тiяны тшötш босьта?

— Ог öткажитчы,— китш-китш бара серöктiс ныв.— А кызди тiянös шуöны?

— Николай Сергеевичөн, уджала кооперативын, юралысьлы отсая,— висьтасис мужичöй.— А тiянös, оз тусь вом дора аканьös?

— Иола.

Николай Сергеевич дзик пыр и вунöдiс тешкодь нимсö, гажмыштiс да ыдждöдлыны пондiс гöтыр нимнас — Иринаөн. Нельöд румка бöрын мужичöйлөн синъясыс прамöя нин гудыртчисны, но вежöрыс ясыд на, зэв на тöлкөн шыасис:

— Тi öтнад, ме дөвеч, позьö öд и öтвывтчывны, коллявны рытсö миянын. Вомкалич кötöданыд гортысь сюрас, оз кö тырмы, öшинь улын кабагыс.

— Тарыт эськö пöдруга корис да ог тöд мый вöчны?— эз öткажитчыкодь ныв.

— Сöглас сетны,— ышöдiс том нылös мужичöй.

Гортас Николай Сергеевич нöшта джынъялөм сулеясьыс кисьталiс, топöдчөмөн ныв дорын пукалiс, тöдiс на вольпасяс окасьöмсö, сэсся водзö нинөм оз помнит. Садьмис асывнас, юрыс поткөдiс-висис тöрытья ышмылөмысь. Нылыс дiнас эз нин вöv, кöзяинсö садьмөдтөг и мунöма. Кöсийс видлыны киас часiсö — эз вöv. Сэсся чожа мунiс ыджыд жыръяс, сервантсьыс ящиксö восьтiс, көнi видзисны семьяыслысь зарнысь донаторьяс: исергаяс, чуныкытшьяс — местаыс куш. Николай Сергеевич во джын нин чукөртiс гöтырыслы дублөнка вылö сьом — портманетнас вошöма. Видзöдлiс гөгөр — видеомагнитофоныс сылöма. Көлуй видзан шкапсö восьтiс — гöтырыслөн төвся шоньд кöмыс абу, дай аслас нойысь виль свитерыс вошöма. Гозьялөн анча куысь вурөм шапкаясыс сылөмаөсь. Кухняс быттö ставыс местаас вöли, но медбöрын казялiс жö: нимлун кежлас козьнавлiсны стенин öшалан мича часi — нылыд и сiйös пышйöдöма.

Николай Сергеевичлы вöли юр яндзим. Шöйтiс öтарö-мөдарö да видiс асьсö: сюра-тошка мужик пö ышти том ныв вылö, кодлысь нимсö рытнас и вунöдiс. Йöй, быттö медводдзаысь аддзи бабаös, кутчысьны эг вермы. Мый висьтала гöтырлы? А кывлас кö нывкөд узьöмсö — ульөн сёяс! О, Енманöй, висьтав, мый меным вöчны?

Вежон коли. Тайö каднас Николай Сергеевич быд рыт пöшти пыравлiс гөбöч-лавкаö, думсьыс кöсийс аддзыны нывсö да корны гöтырыслысь кöть новлан көлуйсö, но мöдыслөн дукуыс эз вöv, эз кужны

висьтавны и сэтчос уджалысьяс: миянө пö быд лун пыралö некымын дас ныв да кысь пö ми төдамö быдөнөс.

Төдтөм нывкөд окасьом бöрын мөд вежон тыригас мужиклөн кок костыс, медся коланаторыс, висьмис, лои корсьны карсьыс бурдөдчанін. Анализьяс вөчөм бöрын висьталісны да, муртса гатшөн эз усь — көвьалөмыд пö сифилис.

Пөрччөдлісны

Лия Васьлөн мода вөлі — быд асыв чеччө и медводз петө кильчө вылө сөстөм, асья сынөднас пальөдчыны, нюжмасьыштны да өттшөтш нимкодясьны вильөн ньөбөм «Жигулинас».

Талун асыв сідз жө чеччис да петіс ывлаө, көсийс төдмавны, торкис-ө поводдяыс, да эз-ө дзуг налысь, Петя другыскөд, көсиймсө — ветлыны чери кыйны.

Поводдяыс шогмана вөлі, кымөртөм, өвтіс небыдик лун төв. Васька гыжйыштіс не арлыд серти пөльтчөм кынөмсө, нюжмасьыштіс, очсыштіс да бөрсө вомыс эз топав — машинаыс лажвидзис көлесаястөм. Васька чайтіс: синмыс пө, гашкө, вералө, зэв өдйө лэччис кильчө вылысь. Кытшовтіс «Жигули» гөгөр, малаліс кинас абутөм көлесаяс местасө да вөлись гөгөрвоис: кодьяскө вөчөмаөсь сылы зэв ыджыд пакөсьт — виль машинасө «пөрччөдөмаөсь».

Найө сиктын Васькалөн коймөд машина на вөлі ньөбөма. Босьтны отсалісны, позьө шуны, став рөдвужыс. Быдөн сетыштіс, коді мыйтөм вермис. Төдсаяслысь удждалис и, өні на уджйөза.

Васька бөрсө пырис керкаас скөрла тірзян киясөн, көсийс пельсаясь көдзыд ва юны, но көшыс зяткөдны кутіс пиньясас да эз вермы. Сэсся чорыда матьөктіс да вөлись пырис пыді жырийө, чашнитіс гөтыр вывсьыс эшкынсө.

— Тырмас узыныд, машинатө гусялөмаөсь.

Гөтырыс тілыштіс унзіль синьяссө.

— Кыдзи гусялөмаөсь? Ме неважөн на өшинь пыр видзөдлі да местаас вөлі.

— Абу машинасө, а көлесаяссө разьөмны, — стөчмөдіс верөсыс. — Ме муна участкөвөйлы звөнитны, мед волө.

Вөлі субөта и участкөвөйыс мунөма кытчөкө аслас мөгөн, ковмас пө виччысьны вильлунөдз. Кык друглы чери кыйөм эз удайтчы, а өд дасьтысьлісны кутшөма — ньөбисны морт вылө «Смирнов» дозйөн, консервьяс, калбас, тупөсь нянь и вот — рөкыд торкис ставсө. Субөта и вөскресенньө, кык лун чөж, чери кыйөм пыдди, Васькалы ковмис асланыс град йөрысь картопель кодйыны, сьөкыд мешөкьяс пыртлыны гөбөчө — уна и пөсь кисьтіс. Но кык лунөн уджыс эштіс.

Вильлун асылө, кыдзи и пыр, Васька бара петіс кильчө вылө сөстөм сынөдсө исавны. Нюжмасьыштіс, гыжьясьыштіс, очсыштіс и бара вомыс эз топав — машина көлесаяс ас местаас вөліны.

Васька йой моз пырис гөтырсө садьмөдны, бара чашыштіс вивсьыс эшкынсө, радысла горөдіс:

— Енмыд вөлөма на, бөр вайөмны...

— Мый вайөмны?— синъяссө дышиника восьтіс гөтырыс да сідз жө тэрмасьтөг пуксис крөвать вылө.

— Көлесаяссө бөр вайөмны и местаас пуктөмны, вот дивөйд?!

— А найөс некод эз и гусявлы. Картопель босьтігкежлө ме идравлі, а то бара лои өтнамлы сьөкыд мешөкъясөн ноксьыны.

Петук

Кольөм во ме локті Захар дед ордө гөститны.

— Лексей, детина, муса пи,— радліс пөрысь морт йонгыля чуньяснас кушмөм юрсьыс сі-мөд шыльөдіг.— Вөлөк вуджин, көнкө, кынөмыд сямалө, нокө, пөчөөс град йөрысь чукөст...

Ывлаө петі буретш сійө пөрийө, кор потшөс вивсянь зэв мича петук висьталіс «кукуруллю»-өн лун шөр кад. Да, тайө вөлі зэв збой петук, вывті тшав, мича гөлөса, öзйысь сорса, кодөс быд чипанпи пөчитайтіс батьөн, коді некодөс эз сет вартны лөк гыжья варышлы.

Пөчөөс чукөсті, да пуксялім пажнайтны. Захар дед зэв нимкодя видзөдлывлө пөчө вылө, голясө малышталө да пиньтөм вомнас нюмъялө.

— Гөсьт морт локтіс, абу грек и вомкалич көтөдны.

Пөчө пыр и гөгөрвоис дедыслысь мөвпъяссө да пыраліс гөбөчө, петкөдіс лөз чайник, пуктіс дед водзө, а мөдыс стөканьяс лөсьөдіс да мөдіс кисьтавны. Сэсся ныр-вомсө килутшнас чышкыштіс да юрнас гөгнитіс:

— Лексей, эн брезгуйт, чөскыд сур тайө, ён, кодкө рыт пивсян бөрын Терень воккөд видлім да водөмсө ог төд, а вокөс гортас көзьяйка нуома. Вай видлы, лавкаса метьыд дельнойджык...

Ме шуткаөн моз шуи, мися, правительство лэдзөма зэв чорыд индөд: вина-сур пуөмысь да кодалөмысь оз ошкыны, прамөя вермасны чырышты, дерт, казьяласны кө татшөмторсө. Артмис сідз, мый менам лои пөрысьясөс садьтөгыс повзьөдөма. Сэсся шөйөвошлөм бөрын Захар дед көсьысис:

— Инөсь тадзи, гөсьт аддза талун дарьясям и аскисянь чөвтчам,— шуис дед и пөрөдіс пиньтөм вомас стөкансө.

— Чөвтчыны кө и чөвтчыны, нинөм ышмыныс, а то збыльысь пөрысь-ө-нэмө веськалан кытчөкө,— пөчө бөр кватитіс чайниксө да петкөдіс ывлаө, кильчө помас порсь ворйө и кисьтіс.

Недыр мысти вор дорын кокъяссө тажгөдөмөн сулаліс кельыд-гөрдөн öзйысь сорса да сэтшөм жө тошка петук, юис ворсьыс пөчөн кисьтөм сурсө. Чипаньяс сэні жө ветлөдлісны, өта-мөдыскөд котсісны, но вор дорө петук найөс эз сибөд. Öтнас көзьяйничайтіс вор дорын. Ставсө тайөс ме аддзылі орчча керкаө друг дорө мунігөн. Бөрсө локті рөмдігас нин. Дедө пукаліс порог дорас да куштіс өнтая зэв мича да тшав петукөс. Ме весиг падмылі. Быдөн жаль лои видзөдігас, кыдзи

дедлөн йонгыля чуньясыс шамралісны пөткалысь мича серөн пөртмасьысь гонсө.

— Каналльөйд, виньдөма,— ышловзьём бөрын висьталіс дедө.— Аски свежөй шыд пуам, гонсө юрлөс вылө... Жаль эськө да, мый вөчан, ачыс горшасьөма...

Мөд асывнас ме водз чеччи, ыркөдчыны да нюжмасьны петі кильчө вылө. Видзөдлөм лои да, менам синьяс чашкалісны. Йөр шөрын юрсө лёньгөдөмөн чипан чукөрын сулаліс төрытья куштөм петук. Бөр ловзьөма. Сиктысь, гашкө, став чипаныс чукөртчөма сы гөгөр, асланыс кыв вылын «ко-ко-ко» сөмын горзөны-базаритөны лоөмтор йылысь.

Ме көйи нин бөр пырны керкаө, медым пөрысьяслы юөртны адзылөмторсө, но син улө веськалі порсь вор да, пыр и уси дум вылө петуклөн төрытья горша сур юөмыс. Вөлөмкө, вот мый уськөдөма кок йывсьыс тшав петуктө. Беднөй, асывнас палялөма посводзас, кытчө дедыс шыбитліс рытнас, уськөдчөма ывлаө. «Кукуруллю» горөдөмыс став чипансө шызьөдас, чукөртчасны төдмавны, мый лои «көзяиныскөд»?

Мем тшөтш жаль лои тайө вөвлөм мича, збой петукыс, коді өні пөкмелля юрөн сулаліс чипан кытшын, тыдалө, мувыв яндзим вөлі кодалөм вөсна асьыс мичлунсө воштөмысь.

Кодлысь кульны алимент?

О грапеналөн нылыс, Нэллиыс, чурка вайис кызь арөсөн. Эняныла пукалөны кухняын да вөйпөны, код вылө гижөдны кагасө, мед унджык алимент пычкыны.

— Вай нимьяссө лыддьөдлы, кодьяс тэ дорө воывлісны?— юасьө нылыслысь пөрысь мам.

— Кодьяс воывлісны? Да унаөн воывлісны, быдөнөс ме ог нин помнит,— чукрөдлө ныр-вомсө том мам.

— Оз и ков быд шарлатанөс төдны, тэ уськөд дум вылад найөс, кодьяс унджык мынтісны услугасьыд,— корө нылыслысь пөрысь ань.

— Коді унджык мынтіс? Унаөн весиг аттьөсө эз шуны, не ышто деньга сетны, эмөсь на тай сэтшөм козельясыд. А сьөм сетысьяссө тэ ачyd төдан: Игорөк, Жоржик, Стасик, Герд, Ибрагим, Мамед, Чунь Сунь Зад,— лыддьөдлыны пондіс том нывбаба.

— О господи! Сунь Задас нө ним жө?— шензьяны пондіс пөрысь нывбаба.

— Ним. Ачyd тай чукөстөмыд базарсьыс. Чужөмыс быттьө виж висьөм бөрын,— зывөкпырысь икнитіс кага вайысь.— Эн тшөкты не-кодлы пыксьыны да тшөтш водлі. Шуан тай вөлі: кымын унджык воласны, сымын зептыд кыз лоө...

— Мед, уджавтөгыд өд мый вылө кө овны колө, тэ сы вылө и эм. Том, мича, а мужикьясыд сэтшөм вылад ма вылө моз лясөны. Но, кодөс, инө, бөрьямө? Мед эськө ыджыд деньга мошня жө вөлі,— майшасьны пондіс Нэлли мам.

— Кодъясөс лыддьөдлі — ставныс деньгаа корольяс,— ошйысьыштөм кодь лои чурка вайысьлөн.

— Өтиөс колө бөрйыны,— индөд сетіс Өграпена.

— Унаөн волісны да кызди өтиөс?— эз гөгөрво мамсө ныв.

— Алимент мынтысь батыс өд өти,— стөчмөдіс мамыс.

— Бөрьяыс Ибрагим воліс, сійө базарын вузасьө. Бакуысь шусьө, иностранеч,— висьталіс ныв.

— Иностранечьяс оз ковны, алимент найө оз мынтыны. Татысь, карсьыс бөрйи озырджыкөс батынас шуны,— корө висьтавны нывсө мам.

— Татысь? Игорёклөн кык магазин, Жоржлөн куим ларёк, Стасиклөн шырсянін дай интимөн вузасянін,— зарни чунькытша чуньсө чукрөдліс том мам.

— Өтиөс, өтиөс бөрйи,— бара өлөдіс мамыс.

— Но, либө Игорөс шуам батынас, сълөн ставыс эм: и патера, и машина, и дача, и сьөмсө чипанлы не кокавны,— медбөрын сөгласитчис Нэлли.

Кор вөлі гижөдөма нин писө Игоревичөн да алимент перйөм вылө батысө сетөма судө, зня-нылалы висьталісны, мый пиыслысь батысө пуксьөдөмаөсь гусясьөмысь дзескыдіно дас во кежлө.

— Ок, кутшөма ылалімө, сы мында батысь эгө сяммө бөрйыны өтиөс,— майшасис пөрысь мам.

Көзаюров вошөма

Өти асылө Семён Көзаюров чеччис вольпассьыс лун югидөн нин. Төрытья ышмылөмыс нөшкөн кучкаліс көсичаас — корис лечитчантор. Трусик кежсьыс тивксьөдіс өшинь дорө, гонькнитіс ывлаө: восьса-ө паныдөн сулалысь киллюшка-кабакыс, кытысь пыр позис судзөдны юр веськөдантор. Сэсся тірзян киясөн пасьтасис да видліс пинжак зепсьыс төрытья босьтөм удждонсө, но сьөмыс сэні эз вөв. Гөтырыс удитөма кузькиасыны, идравны верөсыслысь нажөткасө. Пөкмелитчыны корны вөлі весьшөрө — пон горшысь лы мырддьөм кодь. Та бөрын Семён Көзаюров скөрмис горш гөтыр вылас да кыв ни джын шутөг муніс друг дорас и вошис. Лун абу, мөд, дай коймөд. Бур, мый Май праздникьяс вөліны да уджавны эз ков мунны. Воддза кык лунсө гөтырыс ёнасө верөс вөсна эз майшась, но коймөд луннас нылыс нин мөдас төждысьны, звөнитавны өтилаө-мөдлаө, но Көзаюровөс некод абу аддзылөма. Морт вөлі и вошис. Сэсся больничаясысь юасисны, пальөдчаніно звөнитлісны — некутшөм казенной керкаын эз вөв. Медбөрын мамыс корис нывсө:

— Батыд сьөлөмнас майшасис, гашкө, юөм бөрас моргө нин веськаліс?

Звөнитігас нылыслөн и бледмис чужөмыс да кызкө тай сяммис жө сырмөм гөлөсөн висьтавны:

— Кык лун сайын нин вайөмны, ывлаас пө турбыльвидзө.

— Овсө висьталісны?

— Да.

— Колө став рөднятө корөдны,— ньөти шогсытөг тшөктіс нывсө мамыс,— мед отсалөны дзебнысө. Оні дзебасьөмыс зэв дона, не кадө батыд треснитіс-куліс, мыйтөм сэтчө сьөм мунас, о господи! Тэныд, нылө, свадьба вөчөм пыдди пөминки лоө чукөртны. Ойя да ойя! Абу нин колөма дзепсө гугөдны, мед, колөкө, гортын трескайтіс-юис.

— Мам, тэ бара нин батылысь зепсө ректөмыд? Абу өд сійө мича, грек,— көритіс мамсө нылыс.— Гашкө, сійө и өбөдитчис да пышйис юны. Вот өд тэ кутшөм! Деньга понда батылысь лолсө босьтін, скупердяй!

— Ланьт, нылө, эн увгы! Ойдөджык звөнитав, мед став рөдня локтасны, отсаласны дзебны-идравны,— зіліс гөтырыс поконикусь өйдөджык мынтөдчыны.

Мөд луннас и кутісны локтавы дзебасьысыя: сват-сваття, зятя-тьөща, вежай-вежань, шурин-ичинь, Удоравысь, Кулөмдінысь, Кебравысь— матыса и ылыса рөдня. Куим жырья патеравыс лои мазі поз кодь: ызгө, коді оллялө-бөрдө, коді коддзөма да сьылө нин — юысьыдлы праздник!

Поконикөс вайигкежлө горт лөсьөдісны, мичаа баситісны, венокьяс дасьтисны, салтыр лыддысьөс корөдісны. Семёнөс көсийс рөдняыс дзебны-идравны бур йөз моз: лючки-бура, зык-шумтөг.

Өбед бөрын ставыс нин вөлі дась машинаөн мунны моргө поконибла. И стөч сійө здукө воссис патера өдзөс и пыктөм чужөма пырис көзяиныс — Семён Көзаюров. Гөсьтьяслөн вомьясыс паськалісны, синьясыс чашкалісны, быттө ошкысь повзөмны, асьныс кынмисны места вылас — нач быттө статуаяс. Сэссия тай нылыс воис ас саяс да уськөдчис паньд.

— Батьө, тэ жө кулөмыд?

— Кыдзи аддзан, ловья, а кулөма пө менам өти памилльөа ёрт.

— Көні тэ сы дырасө вөлін, өкаяннөй!— пузыны кутіс гөтырыс.

— Көні вөлі, оні сэні абу. Ноко, гөсьтьяс, пуксялө пызан саяс да пөминитам менсьым ёртөс,— шуис көзяин да медводз төрөдчис пызан сайө.

Гөститөм

Өргунь Мөсей мөдөдчис гөститны Вөркутаө, сөмын на чужөм нучкасө видлыны да асьсө петкөдлыны. Марпавыс, гөтырыс сьылөн, узьөм ни олөм эз төд, вежон нин лөсьөдө ноп тыр гөснеч. Кывлөмаөсь мунөмсө суседьясыс да быдөн Мөсей ордө пыравлө. Коді кос чөд вайыштө, коді туйсын сола ельдөг, коді пуөм да кос яйторьяс, пөжөм нөк, кос паренча — став чөскыдсө, мый лишалыштө. Гөтырыс тэчис-төбис ноп тырыс.

Мөсей локтіс юркарөдз лючки-ладнө автобусөн. Ылі войвылө самолөтыс лэбис сөмын аски асыв. Лэбзьытөдз кадыс аминь уна на вөлі да колі көнкө шойчыштны-мыйкерыштны. Карас зьскө и төдсаяс вөліны, но дыр вольтөгыд вунөдаліс адресьяссө. Прөста довьявны кар кузя ыджыд сьөкыд нопйөн да висян кокнас эз вөв окота. Нөшта чөтйгырийи да кивылясьны бур йөз водзас — яндысис. Пенсия вылө

кольём во на и петіс да радысла код юрнас коксё чегліс, ёнөдз на прамёя эз бурд. Мөсей петаліс вокзал дорас, гунь-гонькерис вузасяніньяссө. Матысса лавкаысь ньөбис еджыд юра вина доз да кайис вокзаллөн вылі судтаө, пукалысь йөз дорө. Меститчис тыртөм пуклөс вылө зал пельёсасджык. Нопсө пуктіс орччөн. Кыйкнитыштіс өтарө-мөдарө, гоньялыштіс гөгөрбок, кодкө сы вылө видзөдө оз, сэсса и смел-мөдчис: восьтіс пиньяснас водка сулеясө да гусьёникөн помсыс и гунькнитыштіс. Төрытъя колльөдчөм-даръясьёмсыс юрыс висискодъ, да ок кутшөм лөсьыд лолыслы лои! Кос яй вильөдыштөм бөрын бара на сулеясө вайліс вом дорас, лолыштытөг булькнитіс горшас.

Матігөгөрын пукалысьяс бугжыля видзөдлісны сы вылө, но некод нинөм эз шу. Недыр мысти телепит лои нөшта голясө көтөдыштны. Оні Мөсей кутчысис сулея дорө йөзысь яндысьтөг нин, көть и нывбабаяс мисьтөма видзөдісны сы вылө, эз нин пов некодысь. Рытөдзыс ачыс эз казаяв, кыдзи водкасө дучкис помөдзыс. Пөрысь юр вемыс рушмис, син водзыс пемдіс и Мөсей надзөник пөри боквыв. Воштіс садьсө.

Асывнас садьмис пальөдчанинын. Синъясыс корсисны гөснеч тыра нопсө, но сійө некөн эз тыдав. Зепъясыс вөліны кушөсь жө, весиг өти ур абу кольёма. Узянінө вайысь погона йөз шуисны, мый сы бокин некутшөм ноп эз вөв, а зепъясыс вөліны гугөдөма.

Тадзи помасис Öргунь Мөсейлөн пи дорас Вөркутаө гөститны ветлөмыс.

Коймөд гөтыр

Лия Миколлы, кыкысь гөтрасьлөм мортыдлы, гөтырпутө корсьны аслад грездысь — веськыд мат: пышьялісны нывъясыд удж абутөм вөсна, коді карө, коді кытчөкө велөдчыны, некод эз кольчы чужан местаө. Со и лои өтнаслы бергавны овмөс гөгөр, мөд гөтыр усйысьөм бөрын куим во. Дзикөдз мортыд шөгө усьлі, но Ёньө Петя, другыс, отсаліс гөтырпусө аддзыны.

Коркө арьявыв, град йөръяс идралөм бөрын, кык друг лэччылісны карө. Лун-мөд мысти грездын кывсис, мый Пиля Микол карысь коймөд гөтыр вайөма. Сэк и локтіс Пиляясө Миколлөн вежаньыс. Öдзөсөд пырөм бөрын порог дорсянь и вомыс воссис:

— Кальөг вома Епрось меным паныдасис да шуө: вежапиыд пө гөтрасьөма. Ме эг верит да локті татчө төдмавны: збыль али мый? Эз тай и корлы менө, вежаньсө, гөтрасис кө быттьө.

Та кадө Микол гортас эз вөв. Вочавидзис батысь.

— Сөрөм, некөн некод абу.

Вежаньыс, збой нывбаба, оз кө аслас синъясөн аддзыв — оз эскы некодлы. Корис Миколлысь мамсө төвьян керкаө петавны, видзөдлам пө сэтысь. Ачыс водзө варовитө:

— Ёньө Петя мужикъяслы сералөма: вомдзалөмысь пө дзебөмөн видзө гөтырсө. Збыль кө тайө, да меным, вежаньлы, эз висьтав — вежапи кывсө вунөда, вот так!

— Ме тай ог верит-а,— кайтыштіс мамыс.— Бать-мамысь, эськө, эз жö кут соссыны, вайис кө, быттьö, гөтырпу.

— Ничего,— төвъян керкаö öдзöс восьтігмоз, рочыштіс вежань.— Оз дыр дзедьсясь. Гугöдам ставсö, но аддзамö.

Кык пöрысь ань улöс вылö сувтлöмөн первой видзöдлісны пöлатьö, гашкö пö, сэні куйлö. Сэсся — ыджыд пач сайö. Гөбöчас пöнара биён пыралісны, гоньялісны öтарö-мöдарö. Петöм бöрас пырисны мöд жырьö, горничаас. Тані мичаа лöсьöдöм кык крöвать вылын вальмайтчöм эз тыдав. Восьтылісны шкап öдзöсьяс, лукйысисны öшлöм көлуй пиын. Сэсся вежаньыс копыртчöмөн дзоркнитіс öшинь дорын сулалысь крöвать улö. Пöрысь мортлөн пыр и вежсис чужöмыс. Кымöсас чукырыс кык мында содіс. Пиньтöм вомыс кызкö мисьтöма вежынтьчис. Петіс гырксьыс киргöм шы:

— О-о... Г-г-г-господи... П-пас-сьтöм ба-ба...

Миколлөн мамыс тшöтш пидзöсчанясис, видзöдліс крöвать улын куйлысь вылö, повзьöм гөлöсөн шуис:

— Лöзöдöма, кулöма, буди...

— Вежапи начкöма,— бокъясас швач кучкис вежань.— О господи, грекö тай вöйин, йöз басни вöчин, муса пи.

— Сідз тай,— сöгласитчис мамыс.— Кык гөтыр пышйисны, коймöдсö виис. Öні тюрмаысь не петавны тэныд, бобöанöй... Ойя да ойя! Мый нö кутам вöчны?

— Вай покончасö кыскам джодж шöрас, колö öд мыськавны,— майшасьны пондіс вежань.

— Ме чайта, юортны колö першавлы,— висьталіс мамыс.— Гашкö, куліс ачыс да. Видзöд, лöзöдöма, вир пас абу.

Вежаньыс шашаритчис кыкнан кинас куйлысьлы кокъясас, зэв кокныда кыскис крöвать улысь джодж шöрö, шöйöвошöмөн шуис:

— Т-тайö... абу морт... Резина баба... О господи!..

Джодж шöрын нюжвидзысь бабаöс малыштöм бöрын мамыс нурбыльтіс:

— Збыль тай резина... Гашкö, тайöс и шуöны Миколлысь гөтырнас да? Сё дивö!

— Тайöс, дерт,— сöглас сетіс быдтор тöдысь вежань.— Вай, буди, йöзөн янавтöдз мыйкö такöд вöчам?

— Дзедься, мед оз аддзы,— көсийсис мамыс.

— Огö, сюрас бөр.

— Либö черөн кералам торпыригöдз да понъяслы сетам,— збыльысь сёрнитіс мамыс.

— Чöv, резинатö понъяс оз сёйны,— эз сетчы вежаньыс.— Бурджык лöö сотам кө.

Кык пöрысь нывбаба юрöдыс да кокъясöдыс кутöмөн петкөдісны резина бабасö град йөрö. Пуктісны куш му вылас, бензинөн кыскалісны да чиркнитісны истöгөн.

Лёк съöd тшын пуркөдіс-кайис енэжö. Миколлысь вайöмторсö би вöчис пöймö.

Гындей Яков гётрасьё

Гындей Яковлысь, комын арёса мужичёйлысь, акань кодь мича гётырсьё «мерседесён» пышйодіс карса базар вылын вузасьысь джигит.

Яков виччысис на гётырсьё во кымын, кодкөд во джын и олісны, надейтчис бөр локтём вылө. Чужём вылас быдён омольтчис, сингуясы вёйисны, шогсьёмысла кык сигарет пачка лун вөлі оз тырмы.

Паньё Ёгор, друг мортис, быд лун пөшти пыравліс Яков ордө, ышөдіс выльысь гётрасьны ас грездса ныв вылө, но, лыддьөдлыны кутісны да, прамой гётырпу эз сюр: өтияс пиялөмны, мөдьяс мужикьясыскөд юксьөмны — дөваяс, коймөдьяс — юсьөмны, алкоголичкаяс. Коді вөлөма лючкиджык нылыс — пышйөмаось карө бур олөм корсьны.

Коркө Паньё Ёгор бара локтіс другыс дорө, аслас вомыс вит да квайт — жерьялө: ме пө аддзи гётырпутө орчча грездысь, аслым пө, зськө, видзи андел нывсө, но тэныд пө, друг мортлы, ог жалит, сета.

— Кодлөн нылыс, кызди шуоны?— ловзыштіскодь бур юөртө кывлөм бөрын Гындей Яков.

— Нылыс аминь мича, шуоны Галяён. Сывны радейтө, гөлөсыс дзик Валентина Толкуновалөн, бекьясыс Маша Распутиналөн, нёньясыс гырысьсөсь, Алла Пугачёвалөн кодь, ветлөдлө быттьө Людмила Гурченко, синьясас вёйны верман — нач Лариса Долиналөн, но а окыштан кө вом дорсө, быттьө Наташа Королёва сывйө веськавлан. Енлы веритө, оз ю ни оз курит өнія нывьяс моз. Уна жөник сватайтлөма, но некодөс оз сибөд. Вот кутшөм гөтыр тэд колө.

— Ачыд мыйла он гётрась?— юалис Гындей Яков.

— Тэно водзас гётрала, бөрыннас ачым,— нюмялөмөн вочавидзис Паньё Ёгор.

— Чайтан, ме сайө мунас?— интерес босьтіс Яковөс андел кодь нывтө ошкисны да, рад вөлі дзик пыр мунны корасьны.

— Ме кө тшөкта — мунас!— шуис Паньё Ёгор, быттьө көрт тув жвачкис-тувьяліс пөвйө.

— Сідзкө, нем мөмляйтны, вай тайө субөтанас и ветлам ныв дорас төдмасьны,— кывкөртөд вөчис Гындей Яков.— Гашкө, вежай-вежаньөс тшөтш сьөрысь босьтлам?

— Тэ мамыдлы висьтав, мед ён сур пуө, а ми асьным нылыскөд өтсөгласө воөдчам,— та вылын кык друглөн сёрниыс и помасис.

Гындей Яков уджаліс өні школаын стөрөжөн. Специальностьыс, зськө, сиктад вөлі зэв колана, армия бөрас техникум помавліс, диплом сетлісны агрономлысь, но совхозыс киссис, видзьяс-пашняяс эндісны көзяинтөгыс да Яковлы уджыс эз ло. Өні другыскөд, Паньё Ёгоркөд, школаын стөрөжалөны, а төвнас котельнойын пач ломтөны — нем вөчөм дорысь век нажөтка.

Суботаө пажын бөрын кык друг мөдөдчисны «аминь мича» ныв дорө. Кык версттө том йөзыд куритчигмоз и шалксьөдісны орчча грездө. Паньё Ёгор, тыдалө, абу нин өтчыд волөма сиктас да пыр и веськөдчис

колана керка дорö. Кильчö вылас кайöм бöрын нин кутис кывны керкач сяньыс омлялöм сяма шыяс. Öдзöс восьтöм бöрын локтысьяслы ныръясас паркнитис помойысь моз чизыр шома вина дук. Öшиньдорса пызан сайын пукалисны лёзьгысьöм юрсияса, бадзвидзись восьса морöса кык ныв. Пызан вылас сулалис джынъялöм нин «троя» доз, тыртöм мöд доз туплясис сэнi жö, капуста бекар, кос няньторъяс, сигарет пачка, румкаяс.

Пырысьясöс аддзöм бöрын нывъяс дугдiсны сывны-олявны. Галя, кöзьяйкаыс, ырыштчылис чеччыны, но бекийс юёмсьыс сьöктаммöма да бөр шняпкысис места вылас, сэсся кызкö мисьтöма серöктис да вöлись сибдöм гөлöсөн шыясис:

— Жöник менам локтöма, а ми вот талун пöдругакöд гажöдчам.

— Милости просим пызан дорö,— мöд нылыс тшöтш суйсис сёрниö, зилис кутчысьны веськыд юра моз, но нылыдлөн тайö эз арты, вывтi нин кывъяссö пелсöдлис да нюжйöдлис.

Паньö Ёгор кöсйис тшöтш пуксьыны нывъяс дорö, но Гындей Яков кыскыштитис другсö сойöдыс да вежливöя шыясис:

— Аттьö корёмсьыд, но ми другкöд тэрмасям, коркö мöдысь пыралам.

— Жöникөн шусьö, а пышйö ачыс,— петигас нин том йöз кылисны Галялысь кöритана кывъяс.

Ывлаас петöм бöрын паныдасис Галялөн мамыс да локтысьяскöд панис ачыс сёрни:

— Миянö пыралид? Аддзылид, мый вöчсьö?! Том нывъяс мöдисны юны, стыд и срам! Енсьыд оз яндысьны, меысь оз нин да. Татшöм дивö миян быдмигөн эз жö вöv, медым лун шöра лунö пуксьыны да срам кодь вина юны, кутшöкö «троя».

— Кытысь «троясö» юöны, сиктад оз вузавны да?— жалитыштитис Галялысь майшасьысь мамсö Гындей Яков.

— Карысь вайöны, этайö, сьöд чужöмаясыс, вежлалöны танi ыргöнысь вöчöмторъяс вылö, картофель оз бöрынътны ни,— норасыны пондiс пöрысь ань.— Том йöзлы уджыс эз ло, ставсö путкыльтiсны-пöрöдiсны, мый вöли лöсьöдлöма совхозын, вот и сетчисны юны, мужикъяс бöрся нывъяс ышмисны и. Менам Галина гусьөн вузавлö гөбöчысь картофель, ыргөн пöрт вöли, дай сийсö «троя» вылö козыналöма. Вот, бобöяс, олöмыс сиктад кутшöм лои.

Том йöзлы эз вöv вильён пöрысь аньлөн норасьöмыс да эз мöдны водзö кывзыны, мөдöдчисны гортланьыс.

— Тэ, другö, менö пöрийöдлин, юысь ныв вылö кöсйин гөтравны,— кöритны пондiс ёртсö Гындей Яков.

— Ачым шензя Галя вылö, мый тадзи вермö усьны том ныв. Во сайö сийсö тöда и первойысь татшöмөн аддза. Галя медводз мыжа сыысь, мый эз сяммы прöст кадсö видзны колана ног, бурсö аддзыны олёмсьыс, эз судзсьы сила-воляыс, сетчис юём вылö.

— Да,— сöгласитчис другыскöд Яков,— сэтшöм мича нывъяс кутiсны тшыксьыны.

ЮРИНДАЛЫСЬ

ВИСЬТЬЯС

Кöин котыр	3
Радейтан кө...	14
Ковтöм жöник	22
Нетшыштöм дзоридзýд косьмö	40
Кузь туяд быдторйыс овлö	47
Зарни чунькытш	58
Гöдокьяс	64
Вокьяс	75

ШМОНИТАМ ДА КУРЫДА СЕРАЛАМ

(СЕРАМБАНА ВИСЬТЬЯС)

Кыдзи Öгра тьöt верöссö казътылис	94
Юксисны	95
Поконикьяс	96
Сöгласитчöма	97
Синтöм-пельтöм морт	98
Пасьтöм шоу	99
Мый корсис, сийö и сюрис	100
Пöрчöддлісны	102
Петук	103
Кодлысь кульны алимент?	104
Кöзаюров вошöма	105
Гöститöм	106
Коймöд гöтыр	107
Гындей Яков гöтрасьö	109

Литературно-художественное издание

ВИТАЛИЙ КОНСТАНТИНОВИЧ КУРАТОВ

ВОЛЧЬЯ СТАЯ

Рассказы

На коми языке

Художник *В. А. Клейман*

Редактор *А. В. Тентюков*

Художественный редактор *Г. Н. Шарипков*

Технический редактор *В. В. Кудачов*

Компьютерная верстка — *А. В. Кетова*

Корректоры *О. Л. Исакова, О. М. Плоскова*

КР № 0034 от 03.03.97

Подписано в печать 15.02.2003. Формат 84×108^{1/32}. Бумага офсетная. Гарнитура «TextBook». Печать офсетная. Усл. печ. л. 5,88. Уч.-изд. л. 8,2. Тираж 1000.
Заказ № 1139

Коми книжное издательство
167982, г. Сыктывкар, ул. Карла Маркса, 229

Отпечатано в полном соответствии с качеством
предоставленного оригинал-макета на ФГУИПП «Вятка»
610033, г. Киров, ул. Московская, 122

ISBN 5-7555-0767-8





**Виталий Константинович
КУРАТОВ**

чужліс Сыктив районас
Куратов сиктын.

1956 воын «Войвыв кодзулын»
сылён петіс «Салдат тэрмасьö
гортас» медводдза висът. Сэсся
авторлөн гижöдьяссö кутісны
йöзöдны республикаса да
районса газетьясын, «Чушканзі»
да «Войвыв кодзув»
журнальясын. Виталий Куратов
сіджö гижö серамбана
висътяс. Ачыс гижысь дыр кад
уджаліс районса газетьясын да
мукöдлаын.

**В.К.Куратов öні олö
Сыктивкарын.**



**Коми небöг
лэдзанін
2003**